


Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.44





Early European Books, Copyright © 2010 ProQuest LLC.

Images reproduced by courtesy of the Biblioteca Nazionale Centrale di Firenze.

Ald.1.6.44



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.44



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.6.44

#8 R.

Alto. 1/6.

Micheli. Lodi.



Ex Libris Joannis Nenoni
1874

#

G A S P A R I S
C O N T A R E N I
C A R D I N A L I S,
D E
M a g i s t r a t i b u s,
&
R e p u b l i c a
V E N E T O R V M.



V E N E T I I S . C I O I O X X C I X .
A p u d A l d u m .

CASPARIS
CONTARINI
CARDINALIS
DE
Magistratus
&
Republica
VENETORVM



VENETIIS MDCCCXIX
Apud Algam.



DE
MAGISTRATIBVS.

ET
REPVBLICA
VENETORVM.

Liber Primus.



SEPENVMERO animaduerti complu-
res aduenas, prudentes homines, nec
bonarum artium ignaros, quum pri-
mum Venetias venissent, atq; ampli-
tudinem eius vr̄bis cōtemplati essent,
tanta esse admiratione & veluti stupo-
re quodam perculsos vt̄ nihil miran-
dum magis, aut illustrius se vnquam vidisse præferrent,
ac totius oris significatione ostenderent. Non tamen om-
nes eiusdem rei capiebat admiratio. nam quibusdam mi-
ra quædam res, ac prorsus incredibilis esse videbatur, tam
magnā mercium omnium copiam ex omnibus terrarum
oris ac regionibus, perpetuo quodam ac constanti teno-
re, in hanc vn̄am ciuitatem inuehi, indeq; in longe diuer-
sissimas gentes terra mariq; deduci. At alios detinebat vr̄-
bis frequentia, & omnium propemodum gentium con-

A 2 uentus,

DE VENETORVM

uentus, veluti commune orbis emporium, vna Veneta ciuitas esset. Nonnulli mirabantur magnitudinem imperii, latamq; & terra & mari ditionem: at pleriq; omnes politioris & acrioris ingenii homines, hanc nouam situs vrbis rationem adeò ad omnia opportunam, vt deorum immortalium potius, quam hominum opus atq; inuentum fuisse arbitrarentur, & ob hanc potissimum causam Venetam urbem omnibus aliis præstare, quæ aut hoc tempore vsquam gentiũ sint, aut vnquam fuerint. Ac nimirum, si superiora perspexeris, etiam hac tempestate nonnullas vrbes inuenire facile poteris, quas cum hac nostra conferas; non paucas verò seculis retroactis, quæ & imperii magnitudine, & frequentia populi, rerumq; omnium copia & magnificetia vrbi Venetæ longè præstiterunt. verum post hominum memoriam, nulla vsquam gentium ciuitas extitit, quæ tam opportuno, tã tuto situ, atq; adeò superante omnium fidem condita fuerit. Pleriq; in condenda vrbe satis se fecisse arbitrati sunt, si locum delegissent, ad quem difficilis & incommodus hostibus accessus esset ad eam inuadendam atque obsidendam. inde euenit; vt complures ciuitates condite sint, aut in editioribus & præruptis, aspero difficiliq; accessu, aut palustribus demissisq; locis. diuersa quadam ratione nonnulli nihil præferendum censuere commodo, opportunoq; situi ad importanda explorandaq. omnia, sine quibus sufficere ciuitas sibi nequeat, tum ad necessitatem, tum ad molliorem atque elegantio rem quendam vitæ cultum. Qui verò vtrique rei studuerint, paucos admodum inuenias, pauciores verò qui id præstiterint, nullos autem quos sciam, qui omni ex parte id fuerint assequuti. At Venetiarum situs diuino potius

tius quodam cōsilio, quam humana industria præter fi-
 dem eorum omnium, qui eam ciuitatem non videre, cum
 ab omni impetu terra marique tutissimus est, tum etiam
 aptissimus omniū ad cuiusq. rei copiam, siue ex mari, si-
 ue ex continente ciuibus suggerendam, atq; ad commer-
 cia omnis generis mercium, cum omnibus penè nationi-
 bus habenda. Nam in recessu penetraliq. Adriatici pelagi
 est sita, vnde quā mare attinet ad continentem, magna æ-
 stuaria panduntur, miro artificio nature munita. Nam xii.
 millibus passuum à cōtinente mare incipit esse vadofum:
 intra vadosa breuiaq. littus assurgit, veluti agger quidam.
 Hæc fluctibus impetuiq. marino obsistentia, vniuersam
 eam stationem interiorem, longe lateq. fusam adeò tu-
 tam reddunt, vt non tantum maris impetus, quum assur-
 git, valida tempestate actus, fractis fluctibus retroccdat,
 verumetiam neque nauibus aduentantibus liber aditus
 pateat. Quin potius opus est, nisi leues admodum fuerint,
 vt his in locis, vbi vadofum mare esse incipit, in anchoris
 consistant: naclæ deinde tranquillam tempestatem, à pe-
 ritisq. gubernatoribus, seu potius vadorū exploratoribus
 circumnaclæ, angusta quadam & implicata via, quā scili-
 cet altior est vnda, (hæc verò singulis ferè diebus æstu ma-
 ris mutatur & variat) tandem ad urbem perueniant. Lit-
 tus illud, quod assurgit post vada, sexaginta fermè milli-
 bus passuum extenditur, atque interiora æstuaria conclu-
 dit. Non ita tamen continuum est, vt non septem locis di-
 ruptum mari aditum ad internam stationem præbeat. Di-
 stat autem à continente sex millibus passuum. Hac ergo ra-
 tione Venetę vrbis æstuaria hæc partim continente terra,
 partim littore ac vadis conclusa sunt; in quibus mediis, ea
 regione

DE VENETORVM

regione quæ Riualtus dicta à maioribus, in huncvsque
 diem nomen seruauit. Condita vrbs fuit Veneta quo tem-
 pore Hunni duce Attila totam oram Venetam, insignem
 Italiæ prouinciã, quæ hisce æstuariis finitima est, igne ac-
 cedis deuastabant. in qua calamitate Patavii, Aquileiæ,
 Opitægii, Concordiæ atque Altini, illustrium Venetiæ
 urbium, ciues, qui & nobilitate, & diuitiis aliis præstitere,
 primum se cum familiis recepere in nonnullas insulas, seu
 potius tumulos, qui in æstuariis hisce paululum è mari e-
 minebant: ibidemque oppida extruxere, in quibus tan-
 quam in tutissimo portu turbulentissimam illâ Attilæ tem-
 pestatem effugerent. eodem autem tempore in littore,
 (de quo supra meminimus) nonnulla oppida condita fue-
 re, eò conuenientibus eiusdem oræ incolis, qui patrias
 item sedes reliquerant, ab Hunnis direptas, ac dirutas: tu-
 tumque locum quæsierant uxoribus, liberisq;, atque (ut
 ita dicam) diis penatibus. Postmodum Caroli Pipini que
 regum temporibus communi consilio omnes in Riual-
 tum conuenere, ueluti in locum omnium tutissimum, &
 maximè commodum. ita eò conuenientibus omnibus,
 quicunque uexationem & deuastationem eam Italiæ ab
 immani illa barbarorum illuuiæ illatam, effugere potue-
 runt, in eam magnitudinem, quam nunc cernimus, excre-
 uerunt Venetiæ. Urbis igitur Venetæ situm maximè tu-
 tum esse liquere omnibus potest, uel ex ipsa ratione eius
 urbis constituendæ, quum sibi homines illam condide-
 rint, qui eam Italiæ cladem atrocissimam effugere: ibique
 incolumes cum familiis in tantis calamitatibus perstitere.
 quin post ea tempora (quod nulli unquam ciuitati legi-
 mus contigisse) à prima urbis origine ad hæc usque tem-
 pora

pora per mille ferè ac centum annos integra semper ab ho-
 stili ui urbs Veneta perseuerauit, quū tamen opulentissi-
 ma ditissimaq; auri argentiq. ac rerum omnium ciuitas ab
 extremis etiam orbis regionibus barbaros ad prædam po-
 tuerit inuitare. Quo fit, vt non male sentire existimem
 eos, qui vna hac ratione Venetias cæteris ciuitatibus præ-
 stare censuere. Verū aliud quiddam est in hac ciuitate,
 quod longe omnium præstantissimū censuerim ego: me-
 cumq; omnes, qui ciuitatem, non tantum mœnia ac do-
 mos esse putant, sed ciuium conuentum, atque ordinem
 potissimum hoc sibi nomen vindicare existimant. ea est
 Reipublicæ scilicet ratio & forma, ex qua beata vita ho-
 minibus contingit. hoc ego reor esse eximium illud ac
 præclarum, quo Venetiæ maximè enitere, atque omnem
 antiquitatem superare videantur. nam etsi compertum
 est, nonnullas Respublicas extitisse, quæ imperio, ditio-
 ne, tum militiæ disciplina ac bellorum gloria Reipublicæ
 netæ longè præstiterint, nulla tamen fuit, quæ institutio-
 ne ac legibus ad bene, beateq; viuendum idoneis, cū hac
 nostra conferri possit: quo effectum esse perspicimus, vt
 neq; adeò diuturna vlla vnquam perstiterit. Quam rem
 cum mecū ipse considero, magnopere mirari soleo maio-
 rum nostrorū sapientiam, industriam, excellentem animi
 virtutem, atq; adeò incredibilem erga patriam charita-
 tem. Fuere Athenis, Lacedæmone, ac Romæ nonnulli ci-
 ues vitæ probitate, atque in rempublicam insignes pietate
 viri: sed adeò pauci, vt multitudine obruti non multum
 rei patriæ profuerint. At maiores nostri, à quibus tam præ-
 claram Rempublicam accepimus, omnes ad vnū consen-
 sere in studio patriæ firmandæ, & amplificandæ, nulla
 propè

DE VENETORVM

propè priuati commodi & honoris habita ratione. Hu-
iusce rei coniecturam facere quiuis facilè poterit, minimè
inquam ambitiosos fuisse Venetos homines, sed patriæ
commodo tantum studuisse: quòd nulla, aut admodum
pauca, antiquorum monumenta Venetiis extant, cum ta-
men domi forisq; præclarè se gesserint, optimeq; de Re
publica meriti fuerint: non sepulchra, non equestres aut
pedestres statuæ, non rostra nauium, aut vexilla ab hosti-
bus direpta, ingentibus præliis superatis. Vnum ex innu-
meris gentilis mei Andreæ Contareni Ducis exemplum
afferam. Genuensi bello grauissimo, ac longè omnium pe-
riculosissimo, cum Dux hic nostræ Reipublicæ præesset,
incredibili sapientia, animiq; magnitudine singulari rem
patriâ seruauit, hostesq; iam victores maxima clade illa-
ta profligauit, omnesq; ad vnũ, aut trucidauit, aut capti-
uos fecit. conseruata patria, re aucta cõfirmataq; Repu-
blica diem extremum clausit, ac testamento cavit, ne eius
sepulchro, quod ad hunc vsq; diẽ visitur iuxta templum
diuo Stephano dicatum, vlla Ducis insignia, vllave gentis
nostræ affigerentur. ne nomen quidem ibi tam magni Du-
cis inscriptum videas. qua eius modestia effectum est, vt
viri celeberrimi illustrissimiq; Principis monumentum
plerique ignorent. certissimum hoc reor argumentum ef-
fe, non ambitionis ventosæq; famæ maiores nostros stu-
diosos fuisse, sed patriæ tantum bono, communiq; vtili-
tati consuluisse. hac ergo incredibili virtute animi, maio-
res nostri hanc Rempubicam instituere, qualem post ho-
minum memoriam nullam extitisse, si quis hanc nostram
cum celeberrimis antiquorum conferat, facilè animaduer-
tat. quin asserere ausim, neq; monumentis insignium phi-
loso-

losophorū, qui pro animi voto formas Reipublicæ effin-
 xere, tam recte formatam atque effectam vllam contineri.
 Quamobrem putavi ego exteris hominibus rē minimè in-
 gratam, atque inutilem me facturum, si tam præclarè Re-
 ipublicæ institutionem literis mandarem. quum præfer-
 tim nullum his temporibus videam ex quamplurimis do-
 ctissimis viris, qui multum ingenio, eruditione rerum om-
 nium, ac eloquentia valent, hanc rem literis illustrauisse.
 Cui licet nihil luminis ex oratione nostra afferri posse cer-
 tō sciam, per se tamen est adeò illustris, vt non tantum si-
 bi, verumetiam orationi alioquin tenui multum splendoris
 & dignitatis sit allatura. Quamobrem cum de hac no-
 stra Republica scribere instituerim, vt quilibet facilè di-
 gnoscere queat, rectè ne, an perperam se habeat, hinc mi-
 hi potissimum exordium sumendum reor. Hominem sci-
 licet à natura ciuile animal effectum esse, solū verò nedum
 rectè viuere, sed nec viuere posse: id quod quotidiana ne-
 cessitas, ac victus vestitusq. ratio plane ostendit: ac ob eā
 causam, & à principio homines conuenisse in hanc ciui-
 lem societatem, ac deinde perseuerasse, vt bene beateq. vi-
 uerent. hoc est, vt mutuo adiumento atque opera sum-
 mum hominis bonum assequerentur, quoad fieri potest
 donec mortalem hanc vitam degimus. Quamobrem etiā
 vniuersa ratio ciuilis institutionis eò pertinet, vt qua faci-
 liori via id fieri queat, ciues faciat sc̄elicis vitæ compotes.
 At sc̄elix beataq. vita vsu virtutis præcipuè cōtineri à sum-
 mis philosophis perhibetur, quod etiam probant certissi-
 mis rationibus, & argumentis euidentissimis. Verū v-
 sus virtutis & in muneribus bellicis elucet, & in functio-
 nibus pacis. Atqui quamuis laus bellica, totaq. militaris

B ratio

DE VENETORVM

ratio tum necessaria sit ciuitatibus pro conseruanda libertate, ac finibus tuendis, tum etiam dignitatis & splendoris plurimum habeat; nihilominus respuit communis hominum sensus officia bellica, (quibus cædes ac mortalium detrimenta in primis procurantur,) esse per se expetenda, atque ad ea cætera omnia ciuilia munera esse referenda. ac crudelis quidem ingenii, vel potius ab humanitate abhorrentis hominis esset, optare prælia, cædes, incendia, hac duntaxat de causa, vt in re militari clarus sit; adde etiã si libeat, vt summi Imperatoris laudem consequatur. Quare omnes philosophi insignioris notæ in hanc sententiam consensere, bellum propter pacem expetendum esse, omnemq. functionem virtutis militaris atque vniuersam laudem bellicam ad pacis officia esse referendam. Quamobrẽ is reipublicæ institutor, qui laude dignus haberi, & vt dici solet, omne punctum tulisse videri vult, eam moderationem adhibeat, ac eum ordinem tueatur, ut ad uirtutem accommodata tota reipublicę institutio videatur: atque ad pacis functiones magis quàm ad bellica munia spectare existimetur, bellicis interim & militaribus non neglectis. Nam plerunque & finibus tuendis & propagandis, (dummodo id sine iniuria fiat) necessaria est militaris uirtus. Ceterum iis, quę diximus, constitutis, illud statim in controuersiam reuocari solet, gubernationi ciuitatis rectiusne unus, an pauci præsideant, an potius uniuersa multitudo: qualem plerique effingunt statum illius, quæ propriè respublica uocari debeat. mihi quidem egregie statutum, sapienterq. dictum uideri solet, hominum gubernationem perperam homini cuiquam demandari, sed diuinius aliquid esse oportere, cui officium istud incumbat.

bat: quod cognosci facile potest ex plerisque generibus animantium. gregem enim ouium ouis non regit, nec equorum aut bouum armentum bos equusve aliquis moderatur, sed animal quoddam longè magis eximium tuetur, ac regit brutas animantes: homo inquam, qui quantum brutis antecellat, est omnibus compertissimum. Itaque non diuersa ratione hominem moderari, ac regere debet quippiam homine præstantius & diuinius, si ex animi sententia res successura sit. Sed cum in mundanis rebus, quæ sensu percipiuntur, inueniri minime possit melius ac præstantius homine, ac homo uarium quoddam sit animal, & longè diuersis partibus constet: inferioribus quippe animi uiribus cum belluis communionem habet, at supremis quodammodo deos immortales attingit: id rectè inter homines gubernatoris atque moderatoris locum tenere debet, quod est in homine diuinum. id uerò omnium consensu est mens, diuini tanquam splendoris radius quidam à natura insitus hominum animis. Non ergo satis reipublicæ consultum erit, si gubernatio homini committatur, quem brutæ illæ uires sæpe perturbant, atque à recta semita reuocant rationis, sed menti puræ ac motionum animi experti, id munus deferendum est. Quamobrem diuino quodam consilio, cum alia ratione id fieri non posset, inuentis legibus hoc assequutum humanum genus uidetur, ut menti tantum ac rationi nullis perturbationibus obnoxia, hoc regendi hominum cœtus officium demandatum sit. Quod sanè deorum munus, nescio an nullo inferius existimari debeat, si quis accurate secum reputet legum commoda. Primo namque in sanciendo, plurimi sapientes uiri conueniunt, qui

B 2 mul-

DE VENETORVM

multarum rerum experientia docti, inuentis aliorum, exemplisque ueterum collatis, tandem post diuturnam consultationem decernunt id, quod optimum uisum fuerit: neque odio tunc, aut amicitia, aliave animi perturbatione à virtute deduci possunt, quum nullius priuati causa agatur in legibus constituendis, quod in forensibus iudiciis semper accidere solet. Post verò leges sancitas, si quis contra eas fecisse deprehendatur, easque poenas dederit, quas leges iusserint, iure nullum habere odio poterit. Proindeque metuendum non erit, ne qua seditio aut simulas inter ciues contrahatur, maxima & periculosissima rerum publicarum labe. Contrà plerunque cum hominum iudiciis non ui legum quispiam plectitur, discordiæ inimiciæque graues proueniunt. Nam fieri vix potest, vt non male affecti in eum simus, qui nobis detrimentum attulerit. quo circa haud scio, an hominum generi à natura omnium parente nihil hac legum inuentione maius concessum fuerit, quæ etiam iure diis immortalibus fuit ab antiquitate consecrata. quin quod magis mirum videatur, Aristoteles philosophorum facile Princeps in eo libello, quem De mundo ad Alexandrum Macedonum regem scripsit, nil aliud reperit, cui similem Deum optimum faceret, præter antiquam legem, in ciuitate recte instituta: vt id propemodum tam magni philosophi sententia sit Deus in hac rerum vniuersitate, quod antiqua lex in ciuili societate. Ac in libris, in quibus de republica tractat, legem inquit esse mentem sine appetitu: perinde ac si diceret mentem puram, lucidam, nullis affectuum morbis infectam, ex quibus effici illud, quod superius diximus maxime opportunum atque optimum esse, quilibet

bet perspiciat homo etiam tardioris ingenii, ut scilicet diuinius quippiam homine cœtus hominum moderetur ac regat. Quod si huic gubernationis muneri præficiatur homo, quum rari admodum sint & prudentia & probitate præditi, iiq̃ue plerunque ob affectuum animi vim cum in iudicando errent, tum maximè à recta animi sententia dimoueantur, non sine turbatione magna, ingentiq̃ue periculo res processura est. quod etiam si fieri posset, ut hominem inueniremus, adeò sapientem atque probum, atque adeò propositi tenacem, ut nulla animi peturbatione ab officio reuocaretur: utique neque hac conditione optandus esset pro legum principatu hominis dominatus, qui mortali fragiliq̃; natura præditus, diutius eo munere fungi nequiret, quum leges æternitatem (ut ita dixerim) æquare possint. Ex his iã persuasum esse reor, summam imperii commendandam esse legibus, non homini: quàm paucissima verò, quando legibus comprehendi nō possunt, hominis arbitrio permittenda. Verum necesse est, ut custos quispiam ac veluti vicarius & minister legibus constitutur, qui pro legis imperio rempublicam regat: &, quoniam neque legibus comprehendi possunt omnia, tum quæ in iudicium veniunt, tum quæ consultanda sunt, arbiter sit huiusmodi omnium. rursusq̃; eadē controuersia redit, quæ ex legum sanctione soluta esse alicui videri potuisset: an scilicet vnus melius, an pauci, an potius multitudo tuendis legibus, & his diiudicandis, ad quæ satis esse leges non possunt, præferenda sit. Ac, quauis multorum sententia regius dominatus aliis habeatur præstantior, crediderim tamen ego, tametsi unius principatus, qui uere regiam dignitatem ac iure sibi uindicaret, si res

DE VENETORVM

si res per se consideretur, optimus omnium est, nihilominus propter sapius in deteriore partem labile ingenium hominis, ac vitæ breuitatem, optimum omnium statum minimè esse sub regio principatu, sed multitudinis gubernationem ciuili societati magis conuenire: id quod experientia rerum omnium magistra luculenter docet. Nam nullum regium principatum apud veteres extitisse unquam legimus, neque nostra tempestate conspeximus, qui non breui in tyrannidem lapsus sit. Contrà plurimas respublicas multis seculis perdurasse, ac pace & bello floruisse. Ac multitudo quidem omnis gubernationi per se inepta est, nisi in unum quodammodo coalescat: quandoquidè neque multitudo ulla esse queat, nisi vnitate aliqua contineatur. Qua de re ciuilis quoque societas dissipabitur, quæ unitate quadam constat, nisi quapiam ratione multitudo vnum efficiatur. Quo fit, vt præclarissimi philosophi, qui de reipublicæ institutione accurate scripserunt, temperandam rempublicam censeant ex optimatum & populari statu, eo adhibito temperamento, vt incommoda uniuscuiusque gubernationis vitentur, commoda uerò comparentur. Quocirca rempublicam Lacedæmoniorum summo opere laudant, in qua Reges, & Ephori, & Senatus effecerint mixtionem quādam, ut bene dignosci nequeat, sub qua nam gubernationis specie fuerit ea respublica collocanda. Id tamen reprehendunt, quòd dūtaxat ad belli munera instituta fuerit, nulla interim habitatio officiorum pacis, atque otii, ex quo effectum esse, ut respublica illa multis & clarissimis uirtutibus insignis, ubi primum in otio esse cœpit, in deterius lapsa sit, ac demum corruerit. quod etiam Romanis accidisse eadem pro-

propè causa compertum est : nec id esse euenturum latuit præcipuos Romanos Senatores. ex quibus Nafica censuit Carthaginem, tametsi Romani nominis æmulam, uel potius inimicam sempiternam, minimè diruendam esse : ut semper Romanus hostem haberet, cum quo agendum armis esset : ne inimico atque æmulo sublato ea respublica instituta ad bellum, iuuentusque in armis educata in sese arma conuerteret. Quod Naficæ consilium, quamuis à Senatu tunc repudiatum fuerit, contraque eius sententiam decretum, rerum tamen ipsarum euentus prudentissimum fuisse ostendit. nam eversa Carthagine continuo ferè bella ciuilia exarsere, quibus tandem florentissima, ac potentissima omnium, quæ unquam fuerunt, respublica concidit, ac demum in Barbarorum prædam cecidit opulentissima, seu potius rerum domina ciuitas. Sed ut aliquando ad institutum opus ueniamus, maiores nostros, qui Venetam rempublicam instituerunt, mira quadam sapientia atque egregia probitate præditos fuisse apparet, qui nihil prætermiserint, quod ad rectam reipublicæ institutionem pertinere uideretur. Primum namque ad usum muneraque uirtutis instituere omnem uitam, functionemque suorum ciuium, semperque eis fuere potiora studia pacis quàm belli. Et in eam curam potissimùm incubuere, ne qua ratione concordia ciuilis solui posset, non neglectis interea officiis bellicis, his inquam quæ nostræ ciuitati maxime conuenirent. nam is est urbis situs, ut ualde idoneus sit maritimæ militiæ, terrestri uerò parum aptus. Neque enim huic urbi aliquo pacto accommodari queunt, aut equitum turmæ, aut peditum acies, ut ex his, quæ supra de urbis situ à nobis accurate descripto diximus,

DE VENETORVM

mus, perspicuè coniici potest. Eam uerò in hac repu. moderatiorem ac temperamentum adhibuere, eamq. mistionem omnium statuum, qui recti sunt, ut hæc una Respub. & regium principatum & optimatum gubernationem, & ciuile item regimen referat: adeò ut omnium formas pari quodam libramento commiscuisse uideantur, quod clarè ex operis processu liquebit. Verum, ut tandem Reipublicæ Venetæ institutionem aggrediamur, summa totius ciuitatis auctoritas, & ex cuius decretis & legibus, tū Senatus, tum magistratus omnes ius potestatemq; habēt, penes illud consilium est, in quod nobiles omnes ciues cōueniunt, qui annum X X V. excessere, nam plerique alii qui nondum id ætatis habent, ubi tamen annum X X. peregerint, hoc ius sortis beneficio adpiscuntur: de cuius rei uniuersa ratione inferius dicemus. Nunc à nobis illud primū omniū statuatur, probè à maioribus nostris cautum fuisse, ne plebs admitteretur ad conuentum hunc ciuium, in quo est summa reipublicæ potestas. Deinde non minore prudētia factam fuisse ciuium hanc definitionem generis nobilitate potius quàm facultatum censu, quemadmodum fieri consueuerat in priscis rebuspub. ac plerique veteres philosophi præcipiunt esse faciendum. Ciuitas nanque ciuium societas est: nec tamen omnes hi homines, quibus indiget ciuitas, aut qui intra mœnia urbis habitant, sunt habendi pro ciuibz, neque iure in ciuium numero sunt collocandi. Opificibus enim cuius ciuitari est opus, aliisq; permultis qui mercede operam suam locant, ac priuatis demum seruis. at nullus horum ciuis uere dici potest. nam ciuis liber est homo: hi uero omnes seruitutem seruiunt, vel priuatam, vel publicam. Mer-

cena-

cenarii namque & opifices omnes veluti serui publici haberi debent. Etenim non dissimili modo à natura constitutum fuisse animal putandum est, ac ciuitatem ab hominibus constitui oportere. In animante verò multæ sunt partes, quæ animatæ non sunt. illis tamē indiget animal, vt uiuat: sic in ciuium cœtu multis hominibus est opus, qui tamen minimè partes ciuitatis aut esse, aut haberi debeant, nec in ciuium numero collocari. Quamobrem sapienter à maioribus nostris cautum est, ne vniuersus populus summam potestatem habeat in hac republica, quā longe optimam uoluerunt. Summa enim turbatio, popularesq; tumultus frequenter concitantur in illis ciuitatibus, in quibus summa rerum est apud populum: quod etiā in quibusdam rebus publicis obseruatū fuisse legimus & à nonnullis philosophis præceptum. hoc tamen rectè se posse assequi arbitrati sunt, si ius hoc administrandæ reipublicæ definiretur censu atque copia rei familiaris. Verum in maximas difficultates, nec mediocria incommoda incidere. nam frequenter euenit, vt infimæ plebis homines comparent sibi ingentes facultates: quippe qui plerunque sordidis artibus, officiisq; minime liberalibus dāt operam augendæ rei, neque vnquam sibi parcant, quin potius genium fraudant, vt opes accumulent. Contrā ingenui ciues ac liberaliter educati pauperes fiunt, seu aduersa fortuna, (vt frequenter accidit) seu quod liberalibus studiis addicti vniuersam hanc augendæ rei familiaris operam negligunt. qua ratione fit vt sordidi homines, qui nil aliud sapiunt quàm lucrum, bonarum verò artium expertes sunt, paulatim rempublicam capeffant: ingenui verò ac liberaliter educati opibus sensim deficientibus à iure

C ciuium

DE VENETORVM

ciuium decident. Inde maximas feditiones oriri, ac rem-
 publicam turbari necesse est. Ideo maiores nostri sapien-
 tissimi homines, ne sua respublica quandoque in has cala-
 mitates incideret, hanc definitionem publici iuris, gene-
 ris nobilitate longe melius fieri censuerunt, quàm magni-
 tudine census: ea tamen temperatione, ne tantum supre-
 mæ nobilitatis viri hoc ius haberent, (illud enim paucorū
 potentiæ fuisset, non reipublicæ) sed etiam quicumq; alii
 ciues non ignobiles. Itaque omnes qui aut genere nobi-
 les extiterent, aut virtute insignes, aut de republica bene me-
 riti, principio hoc ius ciuitatis regēdæ adepti sunt. Quod
 si post eum primum ciuium conuentum nobiles alii fuere
 qui tum opibus, tum strenuis gestis rempublicam auxe-
 rint, nimirum illis omnibus ius administrandæ reipubli-
 cæ concessum fuit, id quod & tēporibus nostris vidimus.
 nam nonnulli etiam aduenæ, æterniq; homines in hūc nu-
 merum ciuium asciti sunt, vel ob eam causam, quod nobi-
 lissimi, vel quod officiosi erga rempublicam fuerint. eam-
 que insigni quopiam facinore honestarint. Vniuersus er-
 go hic ciuium conuentus, seu (vt dicitur) magnum hoc
 consilium, penes quod summum totius reipublicæ ius est,
 & à quo etiam Senatus magistratuumq; omnium auctori-
 tas pendet in hac republica vicem refert popularis status.
 Dux verò qui præfinitum imperandi tempus non habet,
 sed dum vixerit, præsidet, regiam præsefert potestatem,
 præsertim cum regiam speciem habeat, ac grauitatem di-
 gnitatemq; regis seruet. Reliqui verò ciues regia vene-
 ratione Ducem prosequuntur, omniaq; decreta & leges,
 tum etiam publicæ literæ, sub Ducis nomine prodeunt.
 At Senatus, X viri, seniorumq; seu præconsultorum col-
 legium,

legium, qui apud nos vulgò sapientes appellantur, eorum inquam qui præconsulunt, ac de republica ad Senatum referunt, ostendunt quandam optimatum speciem. Quæ cum sint præcipuæ reipublicæ huius partes, antequam ad inferiores magistratus deueniamus, de iis primo sigillatim dicendum est. Initium verò sumatur à maiori consilio, à quo vniuersa pendet respublica. Omnes ordinis patricii iuuenes, qui XX annum exegere, ad magistratum, qui vulgò Aduocatorius dicitur, accedunt, cui præcipuè legum tutela demandata est, coram quo constituti cum patre, aut matre, si pater deceßerit, aut proximioris generis cognato, si utroque parente orbatifuerint, adhibitis duobus testibus, honestis viris, sed alienis à matre, probāt sese natos ex eo, quem patrem profitentur, nō spurios: sed matrimonio legibus statuto & ex matre honesta muliere. Testes verò in hæc verba iurant, sibi id compertum esse ex omnium quos nouere attestatone, atque ex omnium assensu. Deinde pater seu mater, vel consanguineus genere proximus, si fuerit is iuuenis utroque parente orbatifuerit, iureiurando asserit adolescentem XX annos excessisse. Quæ quum rite à scriba magistratus illius in codicem fuerint relata, diem quartam mensis Decembris operiuntur: eademque die omnium horum adolescentum nomina, qui nondum sortis beneficio ius ciuis adepti sunt, nec vigesimum quintum annum exceßerunt, in urnam coniciuntur, & ad Principem deferuntur: ibique coram Consiliariis ea urna constituitur. Penes quam est & altera, in qua tot sunt pilulæ seu globuli, quot nomina in priori fuerint, suis quæque notata syngraphis. Pilularum quinta pars aurea est, reliquæ omnes argenteæ. Extrahit Prin-

DE VENETORVM

ceps ex priori vrna nomen, mox & ex altera pilulam: quæ si aurea fuerit, iuuenis is cuius nomen exierat, cōfestim publicæ potestatis ius habet, & in maius consilium admittitur: si argentea, sorte decedit, ac insequentis anni sorte operitur, nisi eo temporis spatio XXV annum exegerit. nam quicumque patricius ad id ætatis peruenerit, continuo ius habet ciuis, publicæq; potestatis est particeps, atque in hoc consilium maius admittitur. Hac igitur ratione quinta pars candidatorum iuuenum quotannis recipitur ad ius suffragii ferendi cum aliis ciuibus. Quod si accidat vt cuiuspiam patricii pater atque auus, vel propterea quod absentes fuerint, vel ob aliam causam nunquam hoc iure suffragii ferendi sint vsi, eorumque nomina nunquam fuerint relata in publicos codices, in quibus patriciorum omnium nomina sunt descripta: ne qua fraus cōfici posset, neve quispiam degener furtim obrepat in hunc nobilitatis cœtum, noluerunt arbitrio tantum Aduocatorii magistratus eam rem constitui ac decerni: sed lege cautum est, vt hi referentibus Aduocatoribus ad XL viros agnationem patriciam probent, atque testibus & scripturis publicis: sicque causa cognita discrepantibus quadraginta viris decernitur, an ad ordinem patricium admittendus sit. Ne autem quispiam impune tentare huiusmodi iudicium audeat, itidem decretum est, quicumque referre de nobilitate sua voluerit, ad eos iudices, prius ad magistratum afferat quingentos nummos aureos, qui in ærariū referuntur, si ille deciderit à causa. Ea fuit maiorum nostrorum diligentia, ne qua labe nobilium hic cœtus inficeretur. qua de causa etiam illi ciues, qui vigesimum quintum annum excefferunt, non prius adipiscuntur ius suffragii

gii

gii ferendi, quàm coram Aduocatoribus constituti iurè iurando patris seu matris, aut proximioris cōsanguinei probauerint, se ad id ætatis deuenisse: ac duobus item testibus, se ex eo patricio genitos quem patentem profiterentur, non spurios nec matre pudenda. Postquam omnis ferè ratio à nobis exposita est, qua ciuibus ad ius publicæ potestatis aditus fiat, illud animaduertendum existimo, maiores nostros sensisse plurimum ad amicitiam & vniōnem ciuium conciliandam & conseruandam conferre, si sæpius in vnum conuenirent. quare tum legibus, tum veteri consuetudine inoleuit mos ille, vt octauo ferè quolibet die, interdum etiam frequentius, Consilium magnum eogeretur. Huius præcipuum munus est, vt omnes magistratus creet, tum eos qui in vrbe ius dicunt, & aliis reipublicæ muneribus funguntur, Senatum quoque & decē viros, tum etiam prætores, præfectos, quæstoresq. oppidorum atque urbium, quæ in societatem Veneti imperii sunt ascitæ, necnon custodes arcium, classis Imperatorē, Legatos, item classis triremium præfides, ac demum (vt vno complectar verbo) quoscunque qui domi vel foris ius habeant publicæ potestatis. Leges item omnes, quæ ad constitutionem reipublicæ pertinent, huius consilii auctoritate sanciantur quod præcipuè fieri consuevit tempore interregni, cum scilicet mortuo Duce nondum alius ei suffectus sit. sed inferius de interregno. Nunc omnis comitiorum habendorum ratio à nobis exponetur. Circa Meridiem, quibusq; ferè diebus festis consilium hoc cogitur sub amplo spatio soque tecto, quod liceat appellare comitium. in eo decem sunt sedilia lōgissima, vtpote quæ longitudinē comitii penè æquent. ciues omnes, vt quisq; eò loci

DE VENETORVM

eò loci peruenerit, fessum eunt, vt cuique libuerit. nulli
 enim statutus est locus in comitio, præterquam quibus-
 dā magistratibus, qui comitiis præsumt. ii verò sunt Dux,
 Consilarii, & Quadraginta Virorum præsides tres, qui in
 elatiori suggestu sedent, atq; soli ius habent referendi ad
 magnum Consilium. Post hos in mediis ferè subsellis,
 quæ paulò elatiora sunt ad parietes comitii posita, certis
 statutisque sedibus, Aduocatores sedent, tresque decem
 virum præsides, ac demum quàm longissime à suggestu
 Ducis sunt subsellia Auditorum veterum, ac recentium,
 de quibus omnibus magistratibus à nobis infra dicetur.
 cæteri verò ciues omnes (vt dicebam) promiscuè pro ani-
 mi arbitrio sedent. statuta deinde hora fores comitii clau-
 duntur, ferunturq. clauces ad suggestum Principis, & ad
 eius pedes locantur. tunc scriba primus, qui honos est nō
 patriciorum, maximæ tamen dignitatis, assurgit, atq; ela-
 tiore loco constitutus voce magna pronunciat magistra-
 tus, quorum sunt eo die habenda comitia. pronuntiatis
 magistratibus, continuo ex eo loco confert se ad suggestū
 in quo est Princeps, altaq. voce citat magistratus, præsi-
 des comitiorum quos supra memorauimus, vt ad Princi-
 pem seu Consiliarios, si Princeps absuerit, accedant. iussi
 confestim accedunt, ibiq. iureiurando interposito polli-
 centur operam se daturos, vt leges comitiorum seruen-
 tur, pronuntiaturusq. ciuem eum, qui contra decreta ali-
 quid egerit, ac poena legibus constituta punituros. His
 peractis ad sua quisque loca reuertitur, præter vnum ex
 Aduocatoribus, ac vnum ex præfectis decem virum, qui
 ad extremam partem atrii se conferunt aduersam Princi-
 pis suggestui, ibiq. destinatis sedibus confident. reliqui
 vero

vero Aduocatores in dextro latere comitii, duo verò reliqui decem virum præfides sinistro latere è regione Aduocatorum se item locant. Consimili ratione Auditores veteres & recentes extremo loco comitii, quem dicimus lōgissimè distare à suggestu Principis, oppositis lateribus confident, dextro inquam ac sinistro: vt huiusmodi magistratum confessu vniuerso ciuium consilio omni ex parte apppositi custodes esse videantur, ne quis impune quippiam agere possit, contra leges & comitiorum decreta. Magistratibus hunc in modum dispositis tres urnæ iuxta Principis suggestum statuuntur, in quibus conduntur globuli aurei argenteiq. hocq. modo dispositæ, vt in medio suggestu sit vna, ex vtroque latere itidem vna, in quarum vtraque triginta tantum sunt globuli aurei, innumeri verò argentei. in media verò urna quadraginta tantum globuli conduntur, quorum triginta sex aurei, argentei verò viginti quatuor: suntq. aurei omnes globuli, certis literarum notis inscripti, quas singulis comitiis sorte educunt, ne qua posset subesse fraus. Locatis urnis tres Consiliarii cæteris iuniores è suis sedibus surgunt, ac ad extremam partem suggestus iuxta tres eas urnas sessum eunt, ea ratione vt singulis singuli consiliarii assideant. his ita actis & dispositis sortes ducuntur, atque is ordo ciuium, cuius fors exierit, consurgit ex vtroque comitii latere. Per atrium enim quod longum est, decē sunt sedilium ordines dispositi, in quibus pro cuiusq. arbitrio confidere ciues suprā diximus, vnaq. tantum fors duobus ordinibus inseruit, iis scilicet qui ex vtroque latere comitii sibi respondent. is ergo ordo, cuius soas exierit, magna præconis voce citatur, & ex vtroque latere comitii, eo ordine quo forti libuerit,

DE VENETORVM

rit, confurgitur: ciuesq; eo quo sederint ordine, ad eas se
urnas conferunt, quibus iuxta suggestum Principis consti-
tuti Consilarii assident: ac manu imposita quisque globu-
lum vnum educit: qui si argenteus sit, diuerso itinere ad
sedile, vnde surrexerat, reuertitur. at qui aureum eduxe-
rit, confestim Consilario, qui urnæ illi præest, conspicien-
dum tradit: ille diligenter notam agnoscit. illa notæ in-
scriptio ea ratione est inuenta, ne quisquam efferre domo
secum posset aureum, quem manu furtim impositum vi-
deretur ex urna eduxisse, sicq; per fraudem elector fieret.
Is ergo cui fors aurei obtigerit continuo ad mediam urnā
se confert, indeq; alium globulum extrahit. qui si argen-
teus fuerit, impos voti reuertitur ad eundem locum vnde
discesserit; sin vero aureus fuerit, suggestum ascendit, at-
que è regione Principis destinato loco sessum it. secūsus
qui eadem sorte vsus fuerit, eodem etiam se recipit, ac itē
tertius: sicq. deinceps cæteri, quousque nouem fuerint,
qui primum electorum ordinem complent, atque ita eo
in ordine disponuntur, vt solius ætatis ratio habeatur, præ-
terea nullius rei. Hoc loco institutum illud minime præ-
tereundum est, illos qui fortis beneficio electores sunt fa-
cti, statim alta voce à scriba pronunciari solere, adeò vt
omnes audiant: neque amplius facultatem vllam esse cui-
piam eius consanguineo, aut affini arcta necessitudine cō-
iuncto tentandi sortem, qua elector fieri queat: neq; etiā
pluribus quàm duobus gentilibus aditus patet ad ordi-
nes electorum, quod summa prudentia maiores nostri in-
stituere, vt scilicet ad plures agnationes ac familias hoc
munus eligendi perueniat, publicumq. hoc beneficium
latius pateat inter ciues: satis enim haberi debet, si ex vna
familia

familia fors duobus contingat, qua publicæ auctoritatis commotes efficiantur. Sed eò reuertatur, vnde nostra diuertit oratio. primus hic ordo electorum ciuium e uestigio vt completus fuerit, è comitio egreditur, simulq; nouem illi se in certum conclaue recipiunt. Hic scriba vnus à secretis Reipublicæ adest: primum electoribus nunciat ea, quæ legibus præscripta in magistratibus eligendis seruari debeant. leguntur item Senatusconsulta, ac cæteræ leges quibus cauetur, ne pecunia corrupti electores, seu quapiam mala arte & fraude eligant, vel, vt rectius dixerim, nuncupent eos, qui competitors futuri sunt, ac suffragiis consilii proponeudi, disponuntur deinde nouem illi electores, pro cuiusque ætate, seniores scilicet digniori loco, priori q; sede. nullum enim aliud discrimen, præterquam ætatis, inter ciues Veneti esse volunt, quod seditionis nullius aut simultatis vnquam id causa fuerit: neq; à summis philosophis, Aristotele inquam in Politicis, & Xenophonte in Cyri Persarum Regis institutione, opere longè celeberrimo, est prætermisum. Electoribus eo ordine dispositis, nouem item globuli in urnam coniiciuntur, numeris in quoque notatis, ab vno ad nouenarium. In pagina verò paululum longiore inscripti sunt magistratus, quorum habentur comitia suo ordine. Maximus natu electorum, ex urna sortem educit. numerus sorti inscriptus inspicitur, ac quotus fuerit numerus, in eo etiam magistratu, qui in pagina illo fuerit numero descriptus, pronuntiandi quem voluerit ciuem ius habet. Idem contingit secundo, tertio, ac deinceps omnibus, vt scilicet ducta sorte quisque electorum proprii magistratus beneficio & arbitrio fortis sit pronunciator effectus. Postmodum is,

D

cui

DE VENETORVM

cui primi magistratus fors obtigerit, eum ciuem pronun-
 ciat quem voluerit. Itur in suffragia à nouem electori-
 bus. si sex suffragia, vel plura tulerit electus ab eo electo-
 rum ordine, in eo magistratu renunciatur, ac eius nomen
 in pagina ea oblonga, in qua magistratus omnes, quorum
 habetur comitia, sunt inscripti, ab vno electorum subscri-
 bitur notæ primi magistratus. quod si pauciora quàm sex
 suffragia tulerit, quod rarissimè euenit, iterum alius ab eo-
 dem electore proponitur. atque eadem ratione res dein-
 de peragitur, & sic deinceps, quousque aliquis propona-
 tur, qui approbetur sex electorum iudicio. Idem eligen-
 di modus in secundo, tertio, omnibusque aliis seruatur,
 quoad ille electorum ordo in singulos magistratus singu-
 los ciues elegerit. Interim verò dum hæc in conclaui a-
 guntur, reliqui ciues ordinem sortium in comitio cœptū
 non intermittunt. sed ad urnas se conferunt, prout cuiq;
 sedilium ordini fors contingit: deinde gl obulos educūt,
 donec nouem alii sortem vtramque auream ex urna extra-
 xerint. hi complent secundum electorum ordinem, qui
 habita (vt dictum est) ætatis ratione, & ipsi in conclaue de-
 stinatum seorsum secedunt: quo in loco adest & alius scri-
 ba à secretis, qui ratione nulla in re dispari à priore, tum le-
 ges ac Senatusconsulta quæ seruanda illis sunt, recitat pa-
 lām, tum suo quemque loco collocat: paginamq; defert
 eisdem magistratibus, eademque serie, qua prior illa, quā
 in conclaui primi electorum ordinis delatam fuisse suprā
 diximus. Itidem sortes ab electoribus educuntur, vt quis-
 que suam educit, à singulis pronunciantur ciues singuli in
 magistratibus, quorum comitia fiunt, prout cuiusque ele-
 ctoris fors tulerit. ac eodem fermè modo post hors tertii
 nouem

nouem eadem ratione tertium ordinē complentes, in priuatum quoque conclauē secedunt, in quo eadem admodum obseruantur. Sic etiam quarti nouem in suum, atque hoc pacto explent numerum triginta sex ciuium. totidem enim fuerant globuli aurei in vrna medio suggestu constituta. Quamobrem ex sexaginta ciuibz, quibus ex primis vrnis sexaginta pilulæ aureæ contigere, triginta sex electores fiunt, in quatuor classes distributi: quatuor verò & viginti, qui ex media vrna globulos argenteos eduxerunt, spe frustrati sessum redeunt. Non me latet, per quā arduum esse minuta hæc à veterum Romanorum vſu longere remota, literis illustrare, sed potius inepti culpam mihi cenſeo ſubeundam, quàm parum diligentis. ideo minima quæque etiam accurate sanè à nobis recensentur, adeò vt nihil amplius etiam ab homine diligenti desiderari queat. Nunc reuertamur, vnde digressa est oratio. Cū ergo in quolibet magistratu, cuius eo die habentur comitia, à classibus quatuor electorum quatuor item ciues electi sunt, à singulis inquam singuli: nisi fortè contingat vnum aliquem à duobus, aut tribus ordinibus electorum renunciari, quod interdum accidit, sed plerunque cuiusq; magistratus quatuor fiunt competitores: in nonnullis tamē paruæ dignitatis, ac inferioris notæ magistratibus duo tantum fiunt competitores: duæ nanque priores electorum classes ius habent eligendi, ac pronunciandi competitores, in illis minoribus magistratibus, cum posteriores classes eo iure sint priuatæ. postquam magistratum omnium competitores electi fuerint, ea quam suprà exposuimus ratione, confestim electores dimittuntur, neque suffragari ea die cuiuspiam possunt, nec etiam comitiis interes-

DE VENETORVM

se. ac scriba magnus, qui (vt dixi) patrici us honos non est, sed tamen maximæ est existimationis, ex suggestu magna voce pronunciat competitores primi magistratus: ac sigill- tim recitat, quis, & à quo electorum ordine electus sit, necnon quo electorum auctore, & in quo ordine vnus quisque competitorum nominatus fuerit. Quo mihi in loco illud nequaquam prætereundum existimo, legibus sancitum esse, vt elector ille, quo auctore quisque competitorum pronunciatu ac electus sit, veluti fideiussor eius habeatur: ac si contingat pronunciatum ciuem superatis competitoribus voti compotem magistratum eum adipisci, quem petebat, ac in eo magistratu pecuniæ publicæ quippiam auerterit, ac damnatus fuerit peculatus, nec soluendo sit, is elector, quo auctore pronunciatu est, in ærarios referatur. igitur alta voce à magno scriba pronunciatu competitoribus primi magistratus, continuò pronunciatu, si adfuerint, cum gentilibus quisque suis, ac maxime necessariis cognatis è comitio egrediuntur, & in cō-claue destinatum se conferunt. ibiq; opperiantur, donec illius magistratus habeantur comitia. His peractis idem magnus scriba omnes admonet, diuinis atque humanis legibus vnumquemque teneri, vt ei suffragetur, qui omnium optimus ac Reipublicæ vtilissimus fore videatur: deinde primum competitorem nominat, à primo scilicet electorum ordine electum, pro quo in suffragia eundum sit. continuò iuuenes tot consurgunt, vt vnicuiq; sediliū ordini bini inseruiant. Hi urnas quasdam manibus gestant, miro artificio inter se coagmentatas, exterior est viridis, interior alba, vnico fornice superius tectæ: in quem cum manum inieceris, liceat tibi in vtrum volueris suffragium

gium demittere: cum tamen nullus, etiam qui adsit, ac diligenter inspiciat, dignoscere queat, in utram urnam suffragium siue calculum conieceris. nec fabis suffragantur, sed pilulis quibusdam linteis, ne qua ratione ex sono, quæ cadentes in urnam fabæ facturæ sint, dignosci possit, in utram urnam calculus sit iactus. nam maiores nostri maximè Reipublicæ conducere existimauere, si libera iudicia fierent: iccircoque summam operam dedere, ut suffragia quàm occultissima essent. Iuuenes ergo illi cum suis quisque urnis inuicem coagmentatis ad sedile suum concedunt, ac cuique ciuium eo quo sederunt ordine, urnas offerunt. quilibet uero ciuis palàm ostenso calculo manum in fornix imponit, ac in utram uoluerit urnam, cum demittit: si suffragari uelit, in interiorē albam: si uero refragari, in exteriorē uiridem. simul in unoquoque sedilium hac ratione atque eo quo diximus modo, in suffragia itur. Quo fit, ut breui admodum temporis spatio ab uniuerso conuentu ciuium suffragatum sit. tunc urnæ deferuntur ad suggestum Principis, ibique collecta suffragia effunduntur in duo uasa patula, ea uidelicet quæ fuerunt in urnis albis, & quæ fauerint, in uas candidum. at quæ in uiridibus urnis collecta sunt suffragia, quibus repellitur competitor ille ab eo magistratu, itidem in uiride uas coniiciuntur. Deinde ad Consiliarios numeranda deferuntur, inter quos medius sedet Princeps. candidi uasis suffragia, competitori fauentia, ab eis Consiliariis numerantur, qui dextro Principis latere assident. At collecta in uase uiridi, quæ scilicet refragantur, ab his qui ad læuam Principis sederint, recognoscuntur. scribæ publici Consiliariis adstant, statimque perseribunt numerum

DE VENETORVM

rum suffragiorum. Interea dum primi suffragia recensentur, eadem ratione pro secundo in suffragia itur, qui à secunda electorum classe fuerit electus. deferuntur itidem suffragia ad Consiliarios. numerant illi, scribæ autem numerum suffragiorum scriptis mandant. sic pro tertio, ac demum pro quarto, si tot fuerint competitores, in suffragia itur. Numeratis suffragiis, is qui plurima tulerit, dummodo dimidia excedant, pronunciat electus à magno scriba, quum peractis omnium magistratuum comitiis consilium dimittendum est. Sin autem eius magistratus competitorum nullus plura suffragia quàm dimidia omnium tulerit, præteriti hi omnes habentur, differturque electio ad altera comitia. Post primi magistratus comitia peracta pronunciantur nomina electorum in secundo. discedunt in conclaue competitores cum gentilibus accognatis. At illi qui conclusierant, primorum scilicet competitorum gentiles atque cognati, in comitium redeunt. Eadem ratione nulla in re dispari à priori, eodem ordine itur in suffragia pro secundi huiusce magistratus competitoribus. atque item numerantur à Consiliariis. is electus habetur, qui suffragiis alios superauit, dummodo plura dimidiis sint. sic pro tertio, item deinceps pro quarto, hoc demum in omnibus aliis magistratibus seruatur. Comitiis confectis, electorum nomina magna uoce pronunciantur à scriba magno, postea dimittitur consilium: neque omnino ultra solis occasum protrahi comitia queunt. Quòd si ea solis occasus interceperit, statim renunciatur, qui ad eam horam fuerint electi: eorum, qui restant, nulla ratio haberi potest. Itaque beneficio, quod eis cum fors, tum electorum classes attulerant, exclusi tempore,

pore, minime frui queunt. fuitque hoc summa ratione
 decretum. nam haud facile factu esset, si res in nocte pro-
 traheretur, ut tam magna ciuium multitudo à magistrati-
 bus, qui comitiis præfecti sunt, in officio contineri posset,
 ut tenebris fauentibus non aliquid contra leges agerent.
 iccirco maiores nostri sapientissimi viri, qui eximia pru-
 dentia, & animi solertia omnia prospexisse videntur, sta-
 tuere ultra solis occasum comitia ne protrahi liceret, ne-
 ve vlllo pacto lucernam vllam in atrium illud inferri, dum
 comitia haberentur. Hæc est omnis comitiorum haben-
 dorum ratio. in qua minime est prætereundum, ita inter
 ciues distribui magistratus, ut tamen duo eiusdem gentis,
 aut etiam consanguinei maxime necessarii, in eodem ma-
 gistratu esse non possint. Quemadmodum neque iisdem
 comitiis duo gentiles, aut agnati, maxime necessarii, sortis
 beneficio electores esse queunt, ut supra ostendimus. quod
 summa quidem ratione statutum est, ut scilicet ius publicæ
 potestatis ad plures pertineat, non autem ad paucos neces-
 sarios contrahatur. nam hi potestatem adepti moliri ali-
 quid facile possent, rempublicamque turbare. plurimi præ-
 terea, honorum facti expertes, rempublicam oderint, re-
 busque nouis studeant, necesse est. Eam verò rempubli-
 cam quam pars ciuium, eaque magna non probat, diutius
 consistere posse, non videtur esse valde sperandum. magis
 autem reipublicæ proprium nihil prorsus est, quam publi-
 cam potestatem ad plures pertinere: nam cum Respubli-
 ca ex iis planè ciuibus constet, quos inter summa sit æqua-
 litas, ut in honoribus adipiscendis dispares sint, minime
 conuenit. Etenim paucorum statum, quem Græci *ὀλιγαρχίαν*
 dicunt, facile constituunt, qui ius publicum contrahunt
 ad pau-

DE VENETORVM

ad paucos necessarios. Quamobrem in republica Veneta ita magistratus inter ciues distribuuntur, vt quoad fieri possit, omnes familię agnationesq; honorum, munerumque Reipublicę sint participes: ea tamen ratione, vt non quiuis, sed hi tantum viri, qui & probitate & prudentia excellunt, Rempublicam administrent, ac muneribus publicis fungantur. Prior illa institutio popolare quiddam sapit: altera verò optimatium gubernatione. quare luce clarius intueri licet, omnes rectas gubernationes ciuitatum in hac vna Repub. esse commistas. nam quamuis hoc magnum consilium speciem quandam referat popularis status, nihilominus in eo perspicitur commistam esse rationem optimatium gubernationis cum populari. nam sorte eligi magistratus, popolare est, in eo enim statu ciuitatis iustum atque æquum æqualitate Arithmetica metiuntur: atque ita reputant. quum vnusquisque è populo vnus sit ciuis, & liber, ac paribus paria debeantur, vnumquemque ex populo pari iure ac commodò frui debere in Republica: neque esse causam, cur alius minus alio magistratus consequi possit. quum vero omnes simul nequeant imperare, sed per vices, & quum esse existimant, vt res sorti committatur, vtque imperent ii, quibus illa fauerit. Contrà in paucorum potentia, quæ aberrat à Repub. optimatium vsu venit. quippe arbitrantur, cum imparibus imparia debeantur, diuitesq; superēt alios ciues copia rei familiaris, eis quoque supremos honores deberi. in quo vtrique falluntur, longeq; à vera ratione recedunt, licet verisimili nitantur. nam quod inquirunt, paribus paria, aut imparibus imparia deberi, rectè statuunt. In eo verò, quòd paritatem priores numero tantum, posteriores imparitatem solum

lum diuitiis metiuntur, proculdubio perperam iudicant.
 Etenim qui numero pares sunt, aliqua in parte pares sunt
 non omnino pares. Et qui diuitiis impares, non omnino
 impares censendi sunt, sed aliqua tātū ratione impares.
 Verū cum ciuilis societas ad bene viuendum sit institu-
 ta, virtus sola discrimen hoc efficit. his ergo qui virtute
 præstant, tanquam imparibus ac potioribus, supremi etiā
 honores in republica debentur: æqualibus verò virtute
 ac ciuili industria æquales etiam honores. hic modus, hæc
 norma optimatum est. Sicuti ergo popolare est, vti forte
 in electoribus constituendis: ita est optimatum, vt is qui
 virtute præstare iudicio consilii existimatus fuerit, potior
 habeatur, ac reliqui repulsam ferant, qui indigniores habi-
 ti sint. Qua ex re facile perspicere, in hac comitiorum
 habendorum ratione commistam esse cum populari spe-
 cie optimatum formam: eo tamen temperamento, vt id
 quod est optimatum, superet rationem popularem. nam
 fors in electoribus tantū constituendis dominatur: cu-
 ius potestatis nequam etiam homines reipublicæ absque
 detrimento compotes esse queunt, parq; ius habere cum
 optimis ciuibus. at in mandandis honoribus nil fortis est,
 totum in electione & iudicio positum est. Quo in loco
 non omittendum illud institutum censeo, in comitiis ma-
 gistratum, qui exigunt viros præcipua quadam bonitate
 ac solertia præditos, quatuor ordinibus electorum, de qui-
 bus supra memini, senatum velut quintum ordinem exple-
 re. nam dum ordines illi in conclauius ad hoc munus de-
 stinatis eos pronunciant, quos voluerint competitores, si-
 fiant comitia cuiuspiam horum, quos dixi, magistratum,
 cogitur Senatus in minus atrium: ibique vnique Se-

E

natori

DE VENETORVM

natori licet eum, quem voluerit, in certis illis magistratibus nominare, pro quibus in suffragia itur. at is qui plura attulerit, pronuntiatur electus Senatus scrutinio, fitque quintus competitor. quamobrem liquidò apparet, præstantiorem esse in nostra Republica formam optimatium, quàm status popularis. Cæterum huiuscemodi comitiorum modus, ac ratio satis hætenus diligenter à nobis exposita est. Accedamus ad eam Reipublicæ partem, veluti in fidibus ad constituendam *διδρασκῶν* consonantiam vox gravis proportionem quadam acutæ respondet, sic etiam specie quadam regia parti populari respondeat, ac demum in vnum

concentum optimæ Reipu-

blicæ, iniectionis me-

diis magi-

stra

tibus, coale-

scat.



Liber



Liber Secundus,



NULLVS est, qui ignoret Principem in vrbe Veneta personam regis, ac speciem regiae gubernationis praesferre. ideo non absq; ratione, postquam is à nobis conuentus ciuium est descriptus, qui populi formam habeat, si non satis pro rei ipsius dignitate, pro tenuitate tamen nostra non indiligenter: sequitur vt explicare aggrediamur, qua ratione ducti maiores nostri, optimi atque sapientissimi homines, Principem vnum rei publicae praesse voluerunt, tum verò, quibus temporibus ac qualis fuerit huius Principis praeficiendi origo. Neminem puto latere, id quod à nobis saepius hoc toto opere est repetendum, ciuitatem ciuilem quandam societatem esse, quae per se sufficiat ad bene beateq; viuendum. Omnem verò societatem vnitatem quadam contineri, quis ambigat? contrà autem distractione solui. Quo effectum est, vt discordia ciuiliq; dissidio, maximae & opulentissimae ciuitates breui corruerint, funditusq; euersae sint. vnitatem verò commodè contineri non potest, nisi ab vno, qui multitudini ciuium ac vniuersis magistratibus, quibus certae quaedam functiones sint demandatae, praesit, atque multitudinem quodammodo diffuentem colligat,

E 2 atque

DE VENETORVM

atque in vnum conciliet. quod philosophi summi ac præcipui naturæ indagatores, cum in vniuersi constitutione, tum etiam in microcosmo hoc, id est animali, animaduertere. Nam perspexerunt in hac rerum vniuersitate multos ac diffformes motus, prout scilicet vniuscuiusque natura fert, ab vno cœlesti, ac diuturno contineri: omnes etiã causas ab vna prima omnium causa: demum in vno animali plurima ac longe diuersa membra, quorum functiones variæ diffformesq; sint, vna tamen amica & vnico membro, corde scilicet, comprehendi, atque in vnitatem quandam colligi. pari propemodum ratione multitudo ciuiũ ni ita fuerit legibus instituta, vt vnum quempiam præsidẽ velit, cui bonum commune omniũ, ac vnionis eiuius conseruandæ cura præcipue incumbat, quò vniuscuiusque ciuis, tum priuati, tum magistratu fungentis. actiones, tanquam ad vltimum finem & præcipuum referri debent; nimirum diutius non poterit conseruari, sed in diuersas partes distracta decedet. quod vt nullius ciuis culpa aut iniuria contingat, ex singulorum quidem sedulitate circa proprium, priuatumq; munus accidere necesse erit, cum commune bonũ nulli præcipuè sit demandatum. age rem spectemus in rei frumentariæ præfectis. hi potissimum in hæc curam incumbunt, vt opera sua magna frumenti copia ex omnibus partibus inuehatur in urbem, sitq; tritici annona vilis. At hoc fortasse publicis vectigalibus officiet. Naualis quoque rei præfides, quod pulcherrimum habemus non dissimili ratione maxime studebunt, vt quamplurimas triremes ædificent, omnibusq. bellicis & nauticis instrumentis exornent egregiè, atque pecunias publicas vndique coactas in eum vsum expendant: ex qua forsitan sedulitate

dulitate reliqui redditus publicis, & reficiendis arcium &
 oppidorum moenibus, & custodibus regionum satis esse
 non poterunt. quamobrem solutis compagibus Respu-
 blica distracta dilabitur, non vitio, sed studio ciuium, dū
 quisque perquam egregiè munus suū obire studet. quòd
 si hisce incommodis effici videtur, vt operæpretium sit bo-
 ni communis curam alicui præcipuè demādare, cuius nul-
 lum sit certum quoddam officium, sed solum moderetur,
 & dirigat cuiusque functionem ad commune bonum, &
 ad reipublicæ unionem: pluribus æquè hoc negotium cō-
 mitti non reor expedire ciuitati. Etenim id, quod pariter
 plures curant, omnes pariter negligunt, vt inquit Aristo-
 teles, neque si quid perperam agatur culpa, potest in vnū
 quendam præ aliis conferri. vt interim omittam æmula-
 tionem ac similtates, quæ inter pares plerunq; esse solēt.
 sin verò vnus huic rei præficiatur, qui temporaneum hūc
 magistratum gerat, vtputa annuū aut semestrem, non au-
 tem quoad vixerit: hic nimirum benefecum agi putabit,
 si tantisper Respublica feliciter agat, donec defunctus fue-
 rit magistratu, securus quid postmodum sit euenturum,
 ac quo res casura sit. Quare contigit, vt male plerunque
 res cedat. Id quod certissimo experimento compertum
 esse potest, à plerisque rebus publicis sumpto, quæ hoc gu-
 bernationalis genere nostris temporibus vsæ sunt. Ideo à
 nostra ciuitate sapientissime institutum fuit, vt in hac repu-
 blica constitueretur quædam species regie gubernatio-
 nis, adeò legibus temperata, vt quouis incommodo ac pe-
 riculo, quæ reipublicæ imminere possent, amoris, utilita-
 te verò & commodo, quod regia gubernatio habere so-
 let, ascito; nihil relictum esse videretur, quod esset deside-
 ran-

DE VENETORVM

randum, ac simul rempublicam liberrimam, & regem præfidem haberemus. Vnus ergo Princeps eligitur, qui etiã habet Ducis nomen. is quoad vixerit, reipublicæ præest: præcipue curam boni communis habet; quo maxime ciuitates contineri superius à nobis efficaci ratione probatum esse reor. Huius nulla certa functio tamen est in vniuersa Republica, cuius expers esse debeat. hic cum vnumquemque priuatum, tum etiam quoscunque magistratus ita debet in officio continere, atque ea ratione moderari, vt veluti quadam harmonia omnia consonent communi bono, atque ad vnionem ciuilem referantur: ne qua scilicet functio aut nimia sedulitate magis quàm opus sit intēta, aut negligentia remissa vtilitati communi officiat. hoc igitur est Principis munus, vt tanquam in quadam reipublicæ specula positus conspicietur, quid vnusquisque rerū agat, eorum præsertim qui publica auctoritate ornati fuerint: ac si quem perspiciat, qui officio suo desit, accersitū coram vniuerso collegio verbis primū castiget, ac si res ita tulerit, adhibitis Aduocatoribus, seu X virum præfectis, mandet culpam eius dignosci, ac de consilii sententia puniri. Ipse quoque Dux si velit, tum Aduocatoris, tum præfecti decem virum auctoritate vti potest, atque de cuiusque crimine, & de multa infligenda ad consilium referre. Id quo more fieri soleat, infra docebimus, quum de iudiciis criminum agemus. Eam enim Princeps obtinet potestatem, vt in quouis ciuium collegio sese adiungere collegam possit magistratui præfidi, parq; cum aliis præfectis ius habeat: vt hac potissimum ratione omnibus consulere queat. verū potestas hæc adeò est legibus cōtracta, vt nihil solus possit, aliis magistratibus adiunctus

non

non amplius auctoritatis obtineat, quàm quiuis vnus eorum, qui eo magistratu funguntur. Quin etiam magistratum ius adeò modicum est, vt nullus quamuis summus sit, quidquam statuere possit, quod alicuius momenti haberi debeat, nisi de consilii sententia. sed de his suo loco luculenter dicetur. In quouis præterea consilio Princeps vnus tantum suffragii tanquam vnus ex illis ius habet. in magno item consilio in conuentu omnium ciuium dum comitia magistratuum fiunt, neque gentili, neque consanguineo competitori suffragari potest, verum eodem parique iure cum omnibus vtitur. Ex his igitur puto quemcunque facile intellecturum, Venetorum Principi omnem ademptam esse facultatem Principatu abutendi, & pro tyranno se gerendi. Quæ res diuturna, vetustissimaque consuetudine, à primis originibus vrbis ad hæc vsque tempora perducta, adeò inoleuit, ac confirmata est, vt nihil minus vrbi Venetæ timendum sit, quàm Principem rei publicæ libertati vllum vnquam negotium facessere posse. Verum enimvero, cum maximos labores, atque ingentem sollicitudinem animi ni aliqua tanquam merces adderetur, vniuersi reiecturi essent, potestatis dispendium Principi repensum est, adhibitis honore, dignitate, ac specie regia. Nam ornatus corporis regius est, purpurea enim veste aut aurea semper vtitur. Capite gestat velamen linteum pro regio Diademate: id supragestat capitium purpureum, limbo aureo ornatum, cuius pars, quæ occiput tegit, in cornu formam assurgit. sedem in suggestu habet veluti regiam. omnes ciues tum priuati, tum magistratum gerentes, detecto capite, ac stantes, sedentem Principem alloquuntur, honoris hac tempestate præcipuum signum.

DE VENETORVM

gnum. Nulli Princeps affurgit. publicæ literæ omnes sub nomine ipsius prodeunt, obsignanturque. Orator quiuvis, prætor, præfectus, aut quilibet alius, qui ad Senatum scribere voluerit literas, ad Principem destinat: decretorum, legum, ac Senatusconsultorum promulgationes nomine Principi fiunt. Nummi omnes tam aurei, quàm argentei cum nomine, atque imagine Principis excuduntur. Tandem vt paucis absoluam, vbiq; regis speciem intueri possis, potestatem nusquam. sapientissimè hoc quidem in Republica Veneta, vt cætera omnia, constitutum fuisse, nullus sanè mentis inficiari ausit. Nam hac honoris mercede laboriosum alioquin Principis munus rependitur, quod solum virtutis præmium esse vulgus prædicat, & summi Philosophi prodidere. Ex quibus Aristoteles in Ethicis inquit. Quum hi qui rectè & sanctè magistratum gerunt, non suæ sed aliorum vtilitati consulant, nulla alia ratione æquum eis præmium tribui posse, præterquam vt honore alios antecellant. Præterea huiusce Principis dignitas in primis facit, vt omnes ciues & castigationem eius maximè vereantur, & iniuncta munera maiori sedulitate perficiant. Adiuncti sunt Principi sex Consiliarii, ex senis tribubus, in quas diuisa est vniuersa ciuitas, delecti ex singulis scilicet singuli. hi oçtime-
strem magistratum gerunt, perpetuoque assident Principi. omnia cum Principe audiunt, nullæ literæ publicæ exeunt, nisi ex sententia quatuor Consiliariorum, qui etiã nomina sua literis ascribunt, non his tamen quæ prodeunt, sed illis quas scribæ reipublicæ primum scripserunt, atq; post exempla edita seruant. in qua quidem re illud haud quaquam est prætereundum, hasce literas, quæ non ex decreto

creto Consilii, sed iussu Principis & Consiliariorum datae sunt ad quempiam, ut res parui momenti, modice esse auctoritatis. sanè illud sepius nobis repetendum est, omne ius, omnemq; potestatem consiliis esse duntaxat attributam: nullum verò magistratum per se amplam potestatem obtinere. sed de Consiliariis infra dicetur. nunc ad Principem, seu Ducem, quidem oratio redeat. Hac igitur specie regia Principi adfixa, quoniam plerunque contigerat, ut priuatae opes satis non essent ad tuendam eam dignitatem, atque ad eum locum honestandum, ex publico aëario constituta sunt in singulos annos Duci, tria millia & quingenti aureorum nummum, ac ne fortasse quisquam paulo auarior in rem familiarem, neglecta dignitate atque utilitate publica, eam pecuniæ summam conuertat, iniuncta sunt illi munera quædam, quæ suis impensis obeat, suæq; ipsius dignitati & vsui Reipublicæ consulat. quæ si ut pecuniis pareat, negligat, hæredibus adeò ingens pecuniæ multa est imposita, ut dū rei familiari augendæ Princeps studere uelit, & hæredibus prodesse, magnam eius iacturam faciat, si ob auaritiam dignitati suæ desit; hæreditariam quandam præterea ignominiam & dedecus posteris relicturus. Complures stipatores alit, inermes tamē: sericis vestibus semper utitur: domum habitat aulæis mirifice instructam: supellectilis argenteæ copiam habet, ceteraque id genus, quæ Principi viro conueniunt. Singulis annis quater prandium parat, sexaginta & amplius ciuibus, laute atque opipare instructum. qua in re peruersum Lacedæmoniorum morem atque Cretensium (quorum respublicæ illustres fuere) moderatum tamen, maiores nostri in hanc nostram rempublicam transtulere. Nā

F quia

DE VENETORVM

quia summopere conducebat ad beneuolentiam ciuium conciliandam, conuentus ciuiū frequens, conuiuia quædam publica impensis ærarii fieri voluerunt, tum Lacedæmonii, tum Cretenſes: ad quæ cum ciues conuenirent, & vnusquisque facile quemuis dignoscere poterat, & neceſſitudine quadam arctiori ex conſuetudine illa communi inuicem vinciebantur. verum cum omnes promiſcue cõuenirent, neceſſe erat plerumque in conuiuiis illis turbas, ac tumultus excitari: quumq; ii, quorum ea cura erat, pro ſe quiſq; ciues laute excipere vellet, pecuniæ publicæ magnam iacturam faciebant. Quapropter correptione quadam modoq; adhibito vetus illud inſtitutum etiam ad Venetos deductum eſt, omneq; id negocium principi demandatum. Quater ergo ſingulis annis ciues à Principe adhibentur, lautis ſanè ſed non inuidioſis epulis. nec vnus quiſque promiſcue accedit, ſed hi tantum quos princeps aſciuerit, præter Conſiliarios & Aduocatores, præfectos quadraginta virum, ac decem virum præſides, qui iure quodam eorum magiſtratum ſemper conuiuiis principum interſunt. cæteri ciues omnes inuitati accedunt. Hac autem ratione quatuor hæc conuiuia diſtributa ſunt, vt ſeniores dignioresq; ciues inuitati, circa brumam die diuo Stephano protomartyri dicato ſummo mane conueniant in ædes publicas, habitationi Principum deſtinatas, ac ſolenni pompa domo Principem deducant in eodem diui Marci: ſimulq; ibi ſacris interſint, quibus peractis ad ædes ſuas Principem reducant, ibiq; ſimul epulentur. Aprili etiam menſe die Marci Euangeliftæ, cuius numen Veneti præcipuum habent, & quem patronum ſibi aſciuerunt, poſteaquam corporis eius reliquiæ ex Alexandria;

illuſtri

illustri vrbe Aegypti, Venetias delatae sunt, ciues ætate &
 dignitate minores inuitati à Principe, eodem more ac pō
 pa celebratis sacris, ad Principis prandium se conferunt.
 Ascensionis quoque die festo, quo die nundinae Venetiis
 fiunt, adhibentur à Principe hi, qui virilem ætatem attige
 runt. Hi item summo mane deducunt domo Ducē, vna
 que cum eo nauem conscendūt quā ornatissimè ad hos
 vsus constructā, quam Veneti Bucentaurum vocant: post
 quam verò æstuarium sunt egressi, cum primum liberum a
 pertumque mare intueri licet, antiquorum Pontificū be
 neficio, qui hanc rem publicam pro rebus quamplurimis
 fortiter & egregiè gestis contra communes nomines Chri
 stiani hostes, honestare voluerunt, Princeps iacto anulo
 aureo in mare, inquit totidem ferè verbis, se in signum
 veri perpetuique imperii eo anulo mare desponsare. his
 adduntur ab vrbis præfule cærimonie quædam, quibus
 peractis descendunt in ædem diuo Nicolao dicatam, vetu
 stam sanè, & quæ in littore condita est, quod mare ab æ
 stuariis determinat. ibi sacra mysteria celebrantur, qui
 bus rite peractis, consensa rursus nauis, Venetias reuersi,
 Principem domum reducūt, simulq; conuiuantur. Quar
 to epulæ pertinent ad iuuenes ciues, qui duodecimo Ca
 lendas Iulias die dicata Vito & Modesto Martyribus, so
 lenni pompa cum Principe ad eorum Templum accedūt,
 quod quidem Templum vltimum magnum, qui urbē
 mediam diuidit, est situm, qui quidem riuus ponte iungi
 tur supra triremes ædificato. pro temporis ratione, ne im
 menso ferè circuitu iter illud conficiendum sit. Templū
 igitur inuisunt, sacris interfunt, ac demum à Principe do
 mum reducto lauto sanè excipiuntur conuiuium. Atq; ad

DE VENETORVM

has epulas frequenter adhibentur saltatores, mimi, cantatores egregii, qui conuiuas oblectent: intermiscuntur interdum ludi nonnulli, quibus mirifice spectatores tenentur. sic igitur vetus illud institutum in Venetam rempublicam concessit, moderatum tamen. nam hac ratione cuiuscunque ferè ordinis ciues, pares tamen cum paribus, ad epulas accersuntur, sicq. cum dignitati Principis, tum etià maximè conciliandis inuicem ciuibus egregiè consultum esse videtur. Cæterum, quoniam ciues patricii singulo quoque anno hisce epulis honestari non queunt, ne vllus præteritus videatur, veteri instituto ac lege constitutū est, vt hyeme vnique cui, qui in maiori consilio suffragandi ius habeat, à Principe mittantur quinque marinæ anates, veluti conuiuii quædam publici portio, quod etiam ad conciliandos ciues Ducinon parum adiuuare censei potest. hisce impensis infumitur magna pecuniæ pars, quæ ex ærario Principi quotannis numeratur. Quo fit, vt etià si propter auaritiam velit, nequeat tamen Dux vllis auaritiæ sordibus fœdare dignitatem, atque amplitudinem loci quem tenet. Hoc loco quoniam ferè omnis potestas, atque auctoritas Principis est à nobis explicata, referre operæpretium est, quo initio quibusve temporibus Ducis huiusce creandi Venetiis consilium initum fuerit: ac demum, quænam sit ratio comitiorum in Duce eligendo. A prima statim vrbs origine cum nobilissimi quique Venetæ & prouinciæ ciues, Aquileia, Altino, Concordia, Opitergio, Patauio, ac plerisque aliis vrbibus amplissimis atq; opulentissimis, Hunnorum impetu euersis, qui rege Attila Duce maximam Italiæ cladem attulere, in ea æstuarium maris Adriatici cōuenissent, in quibus postea Veneta vrbs

con-

cecidita est, ac in vicinioribus patriæ locis, quam liquerāt,
 vnusquisque sedes suas posuissent, ædificata fuere circiter
 duo & viginti oppida, partim in littore, eo, quod interio-
 ra æstuaria claudit, partim in tumulis quibusdam, qui ex
 æstuariis eminebant. ac primis initiis cum ea oppida, ne-
 que per se satis munita essent, neque nauigiorum copia ali-
 cui oppido tanta suppeteret, vt piratis ac prædonibus pro-
 se quisque oblistere posset, optimum fore censuere, si de
 omnibus in commune consulerent, cum omnium eadem
 etiam fortuna esset: ac communi consilio prospicerent,
 cum annonæ, tritici, vini, frugumque omnium, quæ vi-
 ctui necessariæ sunt, tum maximè propriorum larium se-
 curitati: ne quam iniuriam seu detrimentum acciperent
 à piratis, quibus nondum satis oppidis munitis expositi
 erant. Quamobrem cum prius vnumquodque oppidū
 præfectum ac præsidem sibi ex suis ciuibz delegisset, quē
 Tribunum vocabant, constitutum est inter omnes, vt cer-
 tis diebus Tribuni hi conuenirent, ac de re communi de-
 cernerent. Paulò post vsu compertum est, cum vlli nemi-
 ni præter cæteros cura hæc incumberet, ac propterea mul-
 ta incommoda paterentur, commodissimam & utilissimā
 rem omnibus fore, si vni cuiusdam communis boni procu-
 ratio demandaretur, quem omnes alii uti Principē agno-
 scerent. Itaque decretum est omnium oppidorum con-
 sensu, vt Dux seu Princeps vnus eligeretur. huic principio
 constituta est sedes in oppido Heraclea nuncupato. situm
 id erat in intimis æstuariis, in insula quadam iuxta Plauis
 fluminis ostium, quæ nostris temporibus alluione fluminis
 continenti coniuncta est. Postmodum verò cum locus is
 non satis idoneus videretur: nam cum in recessu eo esset,
 sæpe-

DE VENETORVM

sæpenumero priusquam mali fama eò peruenisset, piratæ
 iam intra æstuaria penetrarant, ac vel imprudentes oppi-
 danos oppresserant, vel nauigia diripuerant: iccirco sta-
 tuerunt satius fore, Principem relicta Heraclea Melamo-
 chum cōcedere, oppidum in medio littore situm, ex quo
 Dux faciliè præsenti re posset, si quid insidiarum à piratis strue-
 retur, ac paruo negotio adesse vbicunq; opus fuisset. De-
 mum quo tempore Pipinus cladem & seruitutem initiis il-
 lis & quasi elementis Venetæ vrbis minabatur, cum om-
 nes Riua altum ex omnibus oppidis concessissent, Princi-
 pis etiam sedes eò loci translata est; quo cunctis oppida-
 nis conuenientibus in eam amplitudinē, quam cernimus
 Venetiæ excreuere. sic igitur perpetuo quodam tenore à
 primis statim vrbis originibus vnus Princeps reipublicæ
 Venetæ præfuit. primi illi aliquanto maioris auctoritatis
 fuere. postea verò vsu docente paulatim sanctioribus in-
 stitutis, ac legibus potestas Principis ad hanc, quam cerni-
 mus, temperationem deducta est. Ratio verò eligendi
 Ducis, qui priori vita functo successurus sit, primum qui-
 dem simplex fuit, nam cum maiores nostri singulari qua-
 dam bonitate præditi, atque ab ambitione penitus alieni
 essent, vnusquisque pro se eam sollicitudinem recusabat.
 quapropter acclamatione populi, is qui omniū optimus
 ac prudentissimus haberetur, Princeps renunciabatur.
 Post prima ea tempora aucta ciuitate & populo ampliore
 effecto, inutile fore reipublicæ visum est, si temeritati at-
 que auræ populari res tam magna committeretur. decre-
 tum itaque est, vt eligerentur vndecim viri omnium pro-
 batissimi, qui creandi Ducis potestatem haberent. deinde
 quum aliquantum simul cum imperio etiam ambitio ex-
 creuisset

creuisset, instituta sunt noua quædam atque inusitata comitia, ac perplexa quædam Ducis eligendi ratio inuenta. hanc nos, ne quid incepto operi desit, paucis exponemus. Defuncto Principe ac iustis piè, honorificeq; persolutis, Consiliarii, qui interregni illius tempore se in sedes publicas habitationi Principis destinatas cōtinuo post Principis obitum receperunt, magnum consilium vocāt. in eo primo post interitum Ducis conuentu, ea ratione comitiorum quàm suprà narrauimus, quinque ciues creantur, qui defuncti Principis res gestas diligēter scrutari debeant; ac de consilii sententia, si quid ab eo cōtra leges ac decreta sit factum, rescindant. si à quopiam etiam munus acceperit, ac statutæ pepercerit impensæ, ea quinque hisce referentibus itrogatur heredibus à consilio mulcta, quam leges iusserint. Pecuniaria ea est. eaque summa æris de hæreditate Principis publicatur, atque in ærarium refertur. Eisdem comitiis eliguntur quinque alii ciues, qui eodem momento quo renunciati sunt, recipiunt se in conclauē comitio adiunctum: neque inde discedunt antequam inter eos re consultata, statuāt quid ipsis de potestate Principis detrahendum, aut addendū videatur. Re inter eos discussa, iterum cogitur consilium, quo coacto egrediuntur illi è conclauē, (nam prius non licet) ac suam quisque sententiam ad consilium refert de Principis iure, atq; vniuersis ciuibz disceptatibz suffragiis decernitur, id quod maximè reipublicæ vsui fore visum fuerit. Id decretum inter leges, quas Principes seruare debeant, statim refertur. constituta Principis potestate, postridie initur perplexa illa comitiorum ratio, quibus Princeps creari solet. cōueniunt ciues omnes, qui triginta annos excefferint. nam

iunio-

DE VENETORVM

iuniores eaque ætate minores veteri Reipublicæ instituto ad ea comitia non admittuntur. numerantur deinde vniuersi ciues, ac totidem globuli in urnam coniiciuntur, quot ciues fuerint. ex his triginta sunt aurei, cæteri omnes argentei ea urna statuitur ante suggestum comitii, vbi Consilarii confident. adstat urnæ puerulus, qui sortes educat. subsella ciuium vocantur. ad eam urnam accedunt omnes eo, quo sederunt, ordine, nullus tamen quod in aliis comitiis fieri consuevit, in urnam manum imponit, sed puer qui astat, pro singulo quoque globulum vnum educit. Il, quibus argenteus obtigerit, statim egrediuntur è comitio. at is cui fors fauerit, educto aureo globulo, à scriba alta voce pronunciat. Continuo ille in certum conclaue secedit: eius verò gentiles & consanguinei omnes arcta necessitudine coniuncti ex suo quisque loco surgit: vniuersiq; in partem atrii concedunt. numerantur ibidem, ac totidem globuli argentei ex urna estrahuntur: exceduntque hi ex comitio, hoc pacto triginta, quibus sortis beneficio aureus globulus obtigerit, deliguntur ex vniuerso ciuium cœtu. quo peracto consilium dimittitur. Postquam omnes discessere, triginta illi è conclauis egrediuntur, ac coram Consiliariis denuo sortem subeunt, ita vt nouem quibus fors fauerit electores fiant, cæterisq; dimissis in conclaue secedunt, huic muneri destinatum: ibiq. soli concluduntur, nullo prorsus, ne ministro quidem admissio: nulli copia fit eos alloquendi, neque inde discedere possunt, priusquam quadraginta viros elegerint: nullusq. referri potest ab eis electus, nisi sex suffragia tulerit. quo fit, vt quatuor refragantibus nullus electus pronunciariqueat. quum primum quadraginta hosce viros

ros elegerint, per internuncium custodem ac ianitorem
 publicum certiores Consiliarios faciunt se munus suum
 obiisse. euestigio Consiliarii, nisi hora diei fuerit valde in-
 tempestiua, consilium magnum vocant. Postquam ciues
 omnes in curiam conuenere profertur syngrapha ex con-
 clau, in qua nomina descripta sunt ciuim electorum. Ac
 scriba primus ascenso suggestu magna voce pronunciat
 quadraginta designatos ciues. horum quisque si interfue-
 rit, cum primum audierit se pronunciar, à loco vbi conse-
 derat surgit, & ad suggestum Consiliariorum, indeque in
 conclaue destinatum concedit. sin autem eorum quispiā
 absens fuerit confestim ab vno ex Consiliariis, item ex qua-
 draginta virum præfectis, vel per totam urbem conquiri-
 tur. Iuuentus primum ab iisdem magistratibus in comi-
 tium, deinde in conclaue ad collegas deducitur, nulla in-
 terim aliquem conueniendi aut alloquendi data facultate,
 ne vlla ambitioni occasio, aut aditus in his comitiis conce-
 datur, quæ sanctissima omnium maiores nostri esse volue-
 runt. hac ratione quadraginta ciues designati de improui-
 so conueniunt, vbi conuenerint, euestigio dimittitur cō-
 silium. tunc quadraginta hi egrediuntur è conclaui, atq;
 in atrium comitii amplissimum Consiliarios adeunt: ibiq;
 eodem sortium modo, quem suprā ostendimus, duode-
 cim ex ipsis decernuntur, viginti & octo qui supersunt ex
 quadraginta viris repudiatis. hi duodecim viginti quinq;
 viros eligunt, quorum quisque necesse est, vt octo suffra-
 gia ferat, paucioribus nanque nullus eligi potest. re expe-
 dita Consiliarios per internuncium admonent. hi si tem-
 pestiua hora fuerit, consilium cogunt, eodemq. modo
 viginti quinque illi de improviso coguntur. ac dimisso

G con-

DE VENETORVM

consilio eodem genere sortis nouem eliguntur, sexdecim reliqui discedunt. nouem hi quadraginta quinque creant, senis item suffragiis: qui pari pacto coacto consilio à scriba pronunciantur, & in conclaue coguntur. ii sortis eiusdem beneficio rediguntur ad undecim, qui eligunt quadraginta & unum, omnes uiros ex primariis Senatoribus. qui subito ut pronunciati fuerint, secedunt in atriũ destinatum: hiq̃ue Ducis deligendi facultatem obtinent. non tamen duos eiusdem familiæ, aut arcta necessitudine coniunctos in hanc electorum classẽ admitti leges sinũt, qui mos perpetuus est apud Venetos in omnibus magistratibus. Tam perplexam & multiplicem eorum comitiorum rationem maiores nostri uiri sapientissimi, atque optimi homines esse uoluerunt, ne ciuium multitudo omnino expers esset potestatis Ducis creandi. Nam primi ordinis electores sorte fiunt, quæ omnibus ciuibz communis est. post eum ordinem miscuere sorti electionem, ita tamen ut electio sortem antecelleret. nulli enim fauere fors potest, nisi iudicio prioris ordinis fuerit comprobatus. at in postremo ordine à sorte recesserunt. statuerunt enim, qui Principem electuri essent, non esse omnes sortium temeritati committendos. ideo quæ neque multitudo omnino expers est huiusce auctoritatis, neq. etiam prorsus ius hoc multitudini imperitæ tributum est, apud quam plerunque plus inanis quædam aura, quàm optimorum ac sapientissimorum hominum iudicium ualet. Præterea cum nulli certi sint Principis electores, sed res omnis ex eorum sententia pendeat, qui sortis beneficio usi sint, nullus ambitioni locus relinquitur. nam fieri facile potest, ut hi nullum ius sint habituri, quos tu egregiè ambieris. Nunc ad

rem

rem redeo. Peracta tandem ratione comitiorum, ubi iam creati fuerint xxxxi uiri Principis electores, statim omnes, nullo interea ciuium salutato, nedum compellato, conueniunt in eam curiam, in quam cogi Senatus solet. ibi Primum omnium sanctè ac pie diuina mysteria celebrantur, uniuersique tactis altaribus iureiurando Deo Optimo, ac Reipublicæ pollicentur, eum sese Ducem electuros, quæ sanctitate, in patriam charitate, solertia, ac prudentia aliis præstantiorem esse duxerint. amotis deinde sacerdotibus, soli in curia concluduntur, neque famulo, neque quopiam alio ministro accito. tunc tres, qui cæteros ante te antecesserint, ueluti præfecti, resident ad paratam mensam quandam ad hoc munus: super qua urna quædam est constituta: hinc unusquisque elector notat in syngrapha nomen eius, quem Ducem pronunciat, ac notatam syngrapham in urnam iacit. iniectis omnium syngraphis una educitur, quæ sorte in manum uenerit extrahentis. lecta à præfectis syngrapha, is, cuius nomen exierit, si præsens adsit, ut plerunque contingit, continuò egreditur è curia. tunc si quis eorum existimauerit eum ciuem minus idoneum, qui tam magnam dignitatem sustineat, aut ob quampiam aliam causam, non fore è Republica eum Ducem esse, confurgit, ac primo modeste præfatus ingenuè profert, quid de eo ciue sentiat, & quamobrem putet non esse in rem patriæ, eum Ducem fieri. ubi finem is dicendi fecerit, præfecti nuncupatum adhibent: atque ex his maior natu omnia illi compendio repetit, quæ ei obiiciuntur, auctore tamen suppresso. nam sacramento antea omnes perpetuo silentio se obstrinxere. refellit ille obiecta ut libuerit. Deinde iterum recedit è curia. quod si prior aut

G 2 qui-

DE VENETORVM

quispiam nouis rationibus adhuc arguere & accusare hominem uelit, potestatem habet. rursus accersitus ille respondet, sicque uicissim res tractatur, donec accusatoribus nihil amplius relictum sit. tum demum in suffragia itur. ante hæc tempora, si is uiginti quinque suffragia tulisset, nulla amplius aliorum ratio habebatur, sed statim ille Dux renunciabatur. nostra tempestate in comitiis, quibus Andreas Gritus, amplissimus Senator, creatus est Dux, hæc ratio immutata est. nam, tametsi nullus electus Princeps habeatur, nisi suffragia uiginti quinque tulerit; res tamen in eo non consistit, qui primus eum numerum suffragiorum expleuerit, ut antea fieri solebat: sed progreditur ad alios, ut, si quispiam eum numerum suffragiorum excefferit, non ille prior, sed hic Dux renunciatur. Postquam itum est in suffragia pro eo, cuius nomen primum exierat, alia item syngrapha ex urna educitur, atque omnia eodem, quo antea, modo administrantur. sic in tertio, quarto, ac omnibus deinceps. quod si nullus ad eam summam suffragiorum peruenerit, nisi hora diei fuerit intempestiua, iterum eadem ratione comitia repetuntur: ne multa, electoribus non prius exeundi, conueniendi, alloquendi aliquem, qui aliunde adueniat, potestas sit, quam uiginti quinque eorum in Principe eligendo conuenerint: quo renunciato confestim Consilarii in curiam uocantur: hi omnium primi nouum Ducem salutant, ac uenerantur. Post id fama per urbem uagatur, ubique discurritur. ciues omnes gaudere, à Deo Optimo Maximo supplices petere, ut reipublicæ felix faustumque id sit. familiares ac consanguinei Ducis in curiam properant, nouo Duci gratulantur. eodem temporis

ris

ris uestigio nummi cuduntur, inscripto nomine Principis, atque imagine expressa: parantur omnia, quibus ad pompam opus est. interea Dux, electoresque omnes ibidem operiuntur. instructis omnibus, descendunt e curia, ædemque D. Marci ei loco propinquam adeunt, augustum templum, magnisque opibus ornatum: Deum immortalem primò religiosè venerantur, & suggestum, ex porphyritide lapide confectum, omnes ascendunt. ex electoribus qui cæteros ætate antecit, is verba ad populum facit. denunciat creationem noui Ducis, eumque modestè laudat. Post illum item Dux orationem habet, ac pauca de se prudenter præfatus, seruaturum se pollicetur omnia, quæ bonum Principem deceant, bonoque reipublicæ, nullius priuati commodi habitatione consulturum, in primis iustitiæ munus sanctè obiturum, daturumque operam, vt æquum ius omnibus administretur: non rei familiaris, non labori ulli, non denique vitæ parsurum, si reipublicæ suis incommodis prospici possit. demum Deum Optimum Maximum, D. Marcum (sub cuius numine ciuitas Veneta est) atque diuos omnes precatur, vt sibi faueant aspirentque læti, in tam magni muneris functione obeunda. Verba Ducis vniuersus populus magno plausu excipit. Postquam Dux perorauit, omnes ex eo suggestu descendunt, Ducemque ante aram maximam templi statuunt. ibi tactis euangelis iureiurando Deo immortalis ac reipublicæ fidem suam astringit, se nil eorum omisurum quæ legibus Dux Venetus præstare teneatur. His actis electores, qui eatenus cum Duce perstiterunt, discedunt omnes: at ipse ligneum pulpitum conscendit, adscito ex consanguineis eo, quem omnium habet carissimum.

Nau-

DE VENETORVM

Nautæ, qui in pretio habentur, pulpitum humeris attol-
lunt, magnoque plausu infidentem Ducem per totum fo-
rum D. Marci deferunt. Dux verò ex pulpito pecuniam
suo nomine excusam iacit. summa nulla certa statuta est
pecuniæ effundendæ, sed is modus tenetur, quem rei fa-
miliaris copia, angustiaue, aut ipsius Ducis ingenium sta-
tuerit. iactam plebs studiose colligit. tandem circumlu-
strato foro cum ad scalas ædium publicarum Principis
ventum est, pulpitum sistunt, è quo descendit Princeps.
mos inualuit, vt vestes, quibus Dux est indutus, vasque
argenteum, in quod populo effundenda pecunia conge-
sta fuerat, nautis, qui pulpitum humeris sublatum gesta-
uerunt, dono dentur. Dux scalis ascensis excipitur à Con-
siliariis, qui ibidem operiebantur. & caputio, quod Prin-
cipis isigne sup. esse diximus coronat. hæc series est totius
pompe. Postridie Senatu in curiam coacto Dux oratio-
nem habet, Deo, ac patribus gratias agit, quod ad id mu-
nus atque ad eum honorem euectus sit, simulque operam
suam pollicetur nulli reipublicæ commodo defuturam.
cuiusmodi ferè orationem habet coram vniuersis ciuibus,
primis statim comitiis, quæ post se creatum Ducem fiunt.
Hactenus de Principe, seu Duce reipublicæ nostræ dictū
fit. Illud proximum est, vt de Consiliariis pauca per-
stringamus, quæ tamen satis exploratam facient omnem
illius magistratus auctoritatem. assident Principi Consi-
liarii sex, quod suprà quoque diximus, singuli inquam ex
vnaquaque vrbs regione. in sex enim regiones, siue tri-
bus diuisa est vniuersa ciuitas. harum tres sunt citra ma-
gnum riuum, qui mediam urbem diuidit, tres verò aliæ
vltra. ex vnaquaque vrbs regione Consiliarius vnus eli-
gitur

gitur eadem comitiorum ratione, qua omnes magistratus
 creari suprà abunde satis explicuimus. est magistratus iste
 octimestris, simulque cum Principe omnium rerum, quæ
 ad rempublicam spectant, curam habet. verùm instituto
 admodum veteri vniuersa comitiorum ratio Consiliariis
 potissimum incumbit. si qua etiam de re ad magnum con-
 silium referendum, eiusque auctoritate sancendum sit,
 res tota Consiliariis referentibus decernitur, vtpote qui
 soli id iuris obtineant. his tamen interdum adiunguntur
 quadraginta virum præfecti, quibus tamen solis referen-
 di ius non esset. nulli præterea magistratui (Ducem sem-
 per excipio) concessa est eapoteestas. possunt etiam si eis
 libeat de re omni, & ad Senatum, & ad decem viros refer-
 re. Cæterum præconsultoribus ea præcipue cura deman-
 data est, vt & Senatum cogant, & ad Senatum referant:
 quemadmodum & decem virum præfectorum officium
 est, & decem viros cogendi, & ad eos referendi: de qui-
 bus à nobis infrà tractabitur. At Consiliarii ampliori
 auctoritate sunt præditi, vtpote qui in Senatu par ius ha-
 beant cum præconsultoribus, & in Collegio decem vi-
 rum cum illius collegii præfectis. Octo mensibus Duci
 assident, eoq. munere funguntur, quod iam explicui.
 Quatuor vero menses intersunt, vel potius præsent, qua-
 draginta viris, quibus capitis grauiiores causæ sunt deman-
 datæ, eisq. decernentibus iudicantur, de quibus suo quo-
 que loco dicetur. Nunc, postquam de magno consilio,
 quod popularem statum in hac Republica refert, & de
 Principe, qui regiam personam gerit, si minus elegan-
 ter, diligencer quidem tractatum est: institutum opus po-
 sce-

DE VENETORVM

scere videtur, vt de reliquis partibus huiusce gubernationis referamus, quæ optimatum regimen repræsentant. huiusmodi enim gubernatio in Veneta ciuitate cæteris facile præstat, quam sequenti volumine Deo annuente integre explicabimus.



Liber



Liber Tertius.



MNIS hominum institutio, quæ quidem rectè se habitura sit, naturam optimam rerum omnium parètem imitari debet: quæ totius mundi vim, rationemq. omnem ita disposuit, ut res sensus intellectusq. expertes, ab iis, quæ mente præditæ sunt, gubernentur. idem igitur seruandum est in hoc hominum cœtu, quem ciuitatem appellamus: senes enim iunioribus prudentia antecellunt, perturbationibus animi nō æquè obnoxii atque illi, & rerum plurimarum, quas in longiori vita experti sunt, usu præditi. quare sapientissimè Aristoteles in Politicis ait. In vnaquaque Republica, quæ naturæ solertiam & sapientiam æmulari voluerit, senes præficiendi sunt summæ rerum: iuuenum vero officium esse debet, ea facere quæcunque iusserint senes. neque, quando hoc institutum maximè secundum naturam est, seniorum imperium iuniores detrectare possunt, aut ob hanc rem seditionem vllam concitare, quoniā in discrimine hoc, quod ætas facit, nullus inuidiæ locus est, nullaque querela esse potest, quando quidem iuniores certò sperent sibi à minoribus vicem repensum iri. Hanc Aristotelis sententiam comprobant omnes Respublicæ, quæ quidem alicuius

H nomi-

DE VENETORVM

nominis fuerunt: in iis enim gubetnationi ciuitatis, re-
 rumque omnium publicarum, seniorum consilium præ-
 fectum est, quem Senatū etiam à senioribus nominarunt.
 hoc loco leges atque instituta Romanorum proferrem;
 etiam Atheniensium, & Lacedæmoniorum, & Carthagi-
 nensium, plurimarumque aliarum ciuitatum leges, ni res
 notior esset, quàm vt testibus indigeat. Pari igitur ratio-
 ne in nostra Republica institutus fuit Senatus ac Decem-
 uirum consilium, qui in Veneta ciuitate (cuius Rempub.
 mistam esse dixi ex regio statu, populari, & optimatium)
 referunt optimatium statum, ac media quædam sunt, qui-
 bus extremæ partes. status scilicet popularis, magnum
 consilium, ac Princeps, qui regis personam gerit, inuicem
 vinciuntur. Sic inquit Plato in Timæo extrema elemen-
 ta, terram ac ignem mediis elementis vinciri: sic in diapa-
 son consonantia, extremæ voces mediis diatessaron ac dia-
 pente vocibus, inuicem nectuntur. Vt ergo cœptum iter
 peragamus, Senatus Venetus centum & viginti legitimos
 Senatores habet: multi tamen præterea magistratus obti-
 nent ius senatorium, adeò vt nostra tempestate ducenti
 & viginti, & amplius ius habeant ferendi suffragium in Se-
 natu. Senatores legitimi singulis annis ab vniuerso ci-
 uium cœtu (quem magnum consilium nominari sæpius
 est repetitum) creantur. Nec tamen hic honos vacatio-
 nem vllam habet, quemadmodum omnes alii magistra-
 tus. sed iidem, si ita fors tulerit, & magno consilio visum
 fuerit, quod plerunque fit, singulis quibusque annis in eo
 munere versari queunt. Modus & ratio electionis supra
 à nobis exposita est, cum formam omnem comitiorū ex-
 plicaremus. Eo igitur pacto, Augusto ac Septembri men-
 se sin-

se singulis comitiis sex Senatores eliguntur, quæ decies
 repetita, summam sexaginta electorum explent. sexagin-
 ta reliqui adiuncti, seu adscripti sunt prioribus, omnesq;
 hi simul propriis quibusdam comitiis eliguntur. nam ad
 tertium Calendas Octobris cogitur Senatus, atque vnus-
 quisque Senatorum & quiuis alius, cui suffragii ius est, in
 Senatu vnum ciuem nuncupat. Postridie illius diei mane
 ad horam diei tertiam conueniunt vniuersi ciues in comi-
 tium: prælectisque à scriba magno omnium ciuium no-
 minibus, quos pridie Senatores nominauerint, coniecta
 in urnam omnium nomina sorte educuntur. mox in suf-
 fragia pro vnoquoque itur, ex omnibus his sexaginta, qui
 plura suffragia tulerint quàm cæteri, dummodo etiam di-
 midia excesserint, eo anno adscripti Senatui sunt, ea tamē
 lege, ne plures, quàm duo eiusdem gentis in eorum nu-
 mero sint. sic in numero legitimorum Senatorū tres tan-
 tum ex eadem gente esse queunt: qua lege optime con-
 sultum fuisse Reipub. existimari debet. nam nulla perni-
 ciosior pestis in Rempublicam obrepserit, quàm si quæ-
 piam eius pars cæteris præualuerit. vbi enim æquum ius
 non seruatur, fieri non potest, vt societas vlla concors in-
 ter ciues consistat. quod vsu euenire solet, vbicunque plu-
 ra Reip. munera in vnum conueniunt. sic soluitur mistū,
 si quodpiam elementorum, ex quibus corpus constat, alia
 superauerit: sic omnis consonantia dissonans fit, si fidem
 vnam seu vocem plus intenderis, quàm par sit. Non im-
 pari ratione, si ciuitatem aut Rempublicam constare vo-
 lueris, necesse est in primis seruari, ne qua pars aliis efficia-
 tur potentior, sed omnes, quoad fieri possit, publicæ po-
 testatis participes sint. Quocirca perquam egregie ma-

DE VENETORVM

iores nostri sancitum esse voluere perpetuum hoc ius in Republica nostra, non modo in Senatu, sed neque in aliis magistratibus pluribus gentilibus locum esse, quàm ad seruandam æqualitatem opus esse videatur. Nec minus prudens institutio eligendi Senatus habenda est, vt scilicet sexaginta Senatores more comitiorum solito, sorte in quâ electioni ac iudicio admista, eligerentur, sexaginta verò adiuncti ratione diuersa, in qua scilicet nil esset sortis. Etenim si in omnibus par sorti locus esset, facilè accidere posset, vt aliquando præcipuorum ciuium ratio non haberetur, atque in eligendo Senatu præterirentur non siue Reipublicæ detrimento. Iccircò sexaginta patres ascriptos nulla sorte, singulis tamen annis eligi placuit. Senatus igitur primum ex hisce centum ac viginti constat, quorū sexaginta proprio vocabulo Senatores, reliqui adiuncti appellantur, quorum comitiis integra dies consumitur. præter hos centum & viginti legitimos Senatores pari iure in Senatum cum Senatoribus veniunt, (vt Ducem & Consiliarios præteream) decem viri, quadraginta viri iudices capitalium causarum & criminum grauiorum, salis & annonæ frumentariæ præfecti, diui Marci Procuratores, multiq̃ue præterea magistratus, adeò vt nostris temporibus summa omnium ducentos ac viginti excedat. hi omnes ius Senatorum obtinent. vniuersa gubernandæ Reipublicæ ratio ad Senatum pertinet. quicquid Senatus auctoritate decretum fuerit, id sanctum & ratum habetur. eo discrepante & decernente & paces fiunt, & bella suscipiuntur. pecunia Reipublicæ, eius iussu exigitur, & impenditur. si res postulat, noua etiam tributa & decumæ, ex decreto tamen Senatus, tum imponuntur ciuibus, tū etiam

etiam exiguntur. si quando etiam visum sit è Repub. esse, vt nouus quispiam magistratus pro tempore instituatur, is à Senatu eligitur. Præterea Senatus quibuscunq; temporibus perpetuum ius obtinuit eligēdi oratores, qui ad Principes exteros à Republica destinantur, eorum etiam collegium creandi, qui ius habent & cogendi Senatum, & ad ipsum referendi. hos Aristoteles præconsultores nominat, nostri homines Sapientes, arrogantiore vocabulo vocant: quo interdum nobis quoque vtendum esse duxiā mus, ne à communi loquendi consuetudine penitus abhorrere videamur. Comitiam tamen hæc Senatus, quibus & oratores & præconsultores eliguntur, minus habent fortis, quàm ea quæ supra descripsi, magni scilicet consilii, vniuersique ciuium cœtus. vnusquisque enim Senatorum nominat quem voluerit, deinde pro singulis in suffragia itur: isq. cui plura contigerint quàm reliquis, dummodo dimidium totius summæ excedant, electus renunciatur. Quod si quandoque necessitas & vsus Reipublicæ poposcerit, vt inuito cuiuspiam munus aliquod publicū iniungatur, vnusquisque Senatorum clam in syngrapha eius nomen notat, quem maxime idoneum duxerit: deinde in vnam ad id paratam schedulam eā iacit. inde à scriba extrahuntur, palamq. leguntur omnes, ac demum pro quolibet itur in suffragia: isq. pronuntiatur electus, cui plures suffragati fuerint, dummodo etiam sint plures dimidiis. Hic schedularum modus inuentus est, ne quispiā veritus inimicitias sibi alterius ciuis, aut odium parare, illum ad aliquod munus vocando, quod probè quidem sustinere ille possit, sed tamen imponi sibi iniquo animo ferat, absteineat ab eo nominando: sicq. priuati commodi gratia

DE VENETORVM

gratia Respublica detrimento afficiatur. Nunc modus nobis recensendus est, quo Senatus consulitur, eaque decernit & sancit, quæ facienda sunt: & quo Senatusconsulta fieri consueuerunt. Non latuit maiores nostros, si unusquisque Senator promiscuè tum referre ad Senatum, tum sententiam dicere posset, atque hoc officium proprium nullius esset, magnam semper in Senatu turbationem fore. Præterea ita usu compertum esse, ut id, quod omnes pariter curant, omnes etiam pariter negligant. Ideo legibus nostris statutum est, ut à Senatu sexdecim ciues eligantur, quos vulgus, propterea quod maxime omnium sapere videantur, Sapientes appellat. nos Aristotelem imitati eo quod præconsultant illa, de quibus consulendus est Senatus, Præconsultores merito appellare possumus. hi ius habent & cogendi Senatum, & ad Senatum referendi. magistratus hic semestris est. Cæterum hi Sapientes in tres ordines sunt distributi, qui longissimo interuallo inter se differunt. In primo enim ordine sex sunt Senatores, primarii ciues, qui cum usu rerum, tum dignitate, atque estimatione alios facile antecellunt. horum præcipuum munus est, ut de administranda Republica, de bello, de pace, atque aliis maioribus negotiis præconsultent, atque Senatum consulant. In secundo autem ordine quinque sunt ciues, qui tametsi parem auctoritatem referendi ad Senatum habeant de rebus omnibus cum illis, qui sunt primi ordinis, nihilominus sunt dignitate atque estimatione superioribus longe inferiores. ad eos pertinet in primis, cura militum, qui Reipublicæ stipendio aluntur, & merent sub Venetarum copiarum Imperatore. Terti quoque ordinis quinque sunt, quibus demandata est rei maritimæ

ritimæ cura, neque iis præterea ius est vlla de re ad Senatum referendi. hic ordo apud maiores nostros in pretio habebatur, quo tempore apud Venetos res maritimæ florebant. Verum re maritima diminuta, nostrorumq. studiis ad continentis imperium conuersis, cœpit hic quoq; magistratus non magni æstimari: adeò vt ætate nostra adolēcentes, ac vix puberes ad eum ordinem eligantur. hi ergo ciues sexdecim, quorū cōuentus apud Venetos proprio vocabulo Collegiū appellari consuevit, summo mane conueniunt cum Principe ac Consiliariis: primumq. ad tertiam vsque diei horam priuatos homines audiunt, quibus aliquid rei est, aut cum Republica, aut cum aliquo magistratu; easq. causas decernunt omnes simul, vel, si ita res poscere videatur, ad Senatum de illis referunt. sub tertiam diei horam omnes priuati è curia dimittuntur, confestimq. ab aliquo scribarum, qui à secretis Reipublicæ sit leguntur omnes epistolæ ad Senatum missæ: postmodū, nisi ab oratore alicuius Principis, qui ad Ducem & Collegium admitti velit, aut à quopiam maioris momenti negotio, quàm vt in aliud tempus differri possit, interpelletur, secedunt hi Sapientes, siue præconsultores in certū conclauē consultaturi de publicis negotiis. Postquam conuentum est, & confederunt omnes, is qui præfectus est (nam eorum vnusquisque septenos dies vicissim rerū administrandarum primum locum obtinet) rem proponit, de qua sit consilium ineundum. Deinde singulos sententiam rogat, eo seruato ordine, vt primæ classis præconsultores, primarii ciues, primi etiam sententiam rogentur, dicantq. post eos quinque illi, quos in secundo ordine cōstituimus. Postremi, si res proposita maritima sit, sententiam

DE VENETORVM

tiam dicunt tertiæ classis præconsultores, quibus earū rerum cura demandata est. Quòd si ea res, quæ in consultationem venit, non spectet ad rem maritimam, hi postremi silent. in vnaquaque verò classe primus sententiam dicit, qui septem proximis diebus præfuit. deinde is qui natu maximus, deinceps alii prout ætate præstiterint. postremus omnium, qui alios rogat, remque deliberandam proposuit, qui que per eos septem dies præfectus fuerit, sententiam dicit. Re tandem inter ipsos propè discussa ac deliberata, siue omnes in eandem sententiam conuenerint, siue in duas aut tres diuersas, vt varia sunt hominum ingenia, diuisi fuerint, Principem & Consiliarios conueniunt, priusquam senatum cogant. Ibi que omnium sententiæ recitantur: quibus si Princeps, aut Consiliarius quispiam assentiri voluerit, sua que auctoritate fauere, aut aliam nouam inuenerint, re iterum inter eos deliberata, tandē omnium sententiæ scriptis mandantur. id muneris ad eos spectat, qui vniuscuiusque horum trium ordinum sunt scribæ. sic negotiis, quæ senatus auctoritate decernenda sunt consultatis, senatum cogunt. vbi senatores in curiam conuenerint, primum recitantur omnes literæ, quæ alicuius sint momenti, quæve post dimissum proximum senatum Principi & præconsultoribus redditæ fuerint. postea de his rebus, quæ à collegio præconsultorum deliberatæ fuerint, primum sententiæ leguntur, siue illæ concordēs sint, siue inter se diuersæ, eodem ferè pacto, quo Plato significare videtur, apud Athenienses rogationes populi fieri solitas fuisse. Nullus verò præter eos, quos à Venetis sapientes vocari admonui, referendi ad senatum ius habet, suamque sententiam illius ordinis auctoritate confirmandi & faciendi.

eiendi. Ducem tamen, & Consiliarios, & quadraginta vi-
 rum præfectos, de quibus infra dicemus, excipio. Lectis
 in senatu omnium sententiis, primi ordinis sapientiū heb-
 domadæ præfectus, si voluerit, surgit. sin minus, natu ma-
 ximus, aut is, cui dicere volenti, alii concesserint. is elatio-
 rem suggestum ad id factum conscendens, verba ad Sena-
 tum facit: rationes omnes, quibus sententiam suam con-
 firmet, dissidentesque refellat, in medium affert: mode-
 stè tamen & grauitè, vt Senatorii ordinis virum decet.
 postquam is perorauit, surgit præconsultor alius, qui à
 priori dissentiat, suamque ipse sententiam confirmat, prio-
 rem verò confutat, aliasque, si quæ sunt præter priorem,
 quæ à sua discrepent. surgit deinde tertius, si tot senten-
 tiæ fuerint, eaque in medium adducit, quæ secum facere
 videntur: sicque deinceps res inter eos discutitur, quoad
 nullus eorū reliquus sit, qui verba facere velit: nulli enim
 senatori locus dicendi datur, quousque præconsultores
 omnes, qui id muneris subire voluerint, dicendi finem fe-
 cerint. sed, postquam vltro citroque quantum visum fue-
 rit, & orationibus & argumentis hi contenderint, aliis
 quoque Senatoribus dicendi facultas datur. quòd si sena-
 torum aliquis cuiuspiam ex dictis sententiis contradicere,
 aut earum quampiam tueri, siue nouam afferre velit, dicē-
 di copiam habet. nullus tamen senatorum de ea sententia
 cuius ipse est auctor, ius ad senatum referendi habet: sed
 plerunque contingit, si consilium eius senatoris è Repu-
 blica esse videatur, vt aliquis ex Collegio siue Cōsiliarius,
 siue quadraginta virum præfectus, de ea sententia ad sena-
 tum referat. Hoc ergo pacto re bene discussa & delibera-
 ta, suffragiis omnium, qui sunt eius ordinis, senatus decer-

I nit,

DE VENETORVM

nit, quam nam sententiam potissimum probet. non tamē pedibus in sententiam eunt, aut in contrariam partem discedunt, quem morem Romanos seruasse memoriæ proditum est, neque palàm sententiam dicunt: sed urnis ac suffragiis rem decernunt, nō dissimili ratione ab ea, quam in comitiis seruari suprā docuimus. Scribæ, qui à secretis senatui sunt, ferunt totidem urnas, quot fuerint sententiæ, de quibus consulitur Senatus: vnamque viridem, quæ eorum suffragia excipiat, qui sententias eas omnes repudiāt. præterea vnam rubei coloris, in quam iaciunt suffragia senatores, quibus nondum liqueat. vnusquisque autem senatorum suffragium in eius urnam demittit, cuius sententiam præ aliis probat. si vero omnes reiiciat, in viridem urnam. quod si nondum liqueat, atque ambigatur, urna rubea præsto est. Consilarii suffragia numerant. id vero pro decreto habetur, cui plures, quàm dimidia Senatorū pars fuerint suffragati. quod si nullius sententia dimidiū summæ excesserit, primum ea reiicitur, cui paucissimi fuerint assensi: de cæteris repetuntur suffragia, eodem modo postrema semper reiecta, controuersia ad duas deducitur: quarum altera necesse est, vt plura dimidiis ferat suffragia; in quam senatusconsultum factum fuisse pronuntiatur. re vna expedita de aliis refertur, nisi hora diei intempestiua fuerit, idem in omnibus aliis modus seruatur. Si verò cuiuspiam Principis orator ad Rempublicam Venetam accesserit, à Principe, Consiliariis, vniuerso Collegio excipitur, auditurque ab eis: deinde consultandi tempus petunt. quo dimisso, reque à præconsultoribus eo, quem suprā diximus, modo deliberata, Senatus consulitur. Princeps primum Senatui narrat, quæ petierit orator. deinde omnium,

omnium, qui ius referendi ad Senatum habent, sententiæ leguntur, eadem ratione fit Senatusconsultum, quo petitioni oratoris respondetur. quo accito legitur ei Senatus decretum, sicque dimittitur. Hæc est ferè summa eorum, quæ tum ad Senatusconsulta, tum ad uniuersam rationem atque ordinem consulendi ad Senatum pertinere uidentur. Atque hætenus quidem à nobis explanata sunt cuncta membra, quæ maioris consilii sunt: quod in Veneta ciuitate formam habet status popularis: tum ea, quæ ad Ducem spectant, qui quodammodo speciem quandam regiam in hac Republica præferat: ac demum uniuersa ratio habendi Senatus, de decemuiris deinceps dicendum uidetur. Decemuirum hoc collegium apud Venetos summæ est auctoritatis, & à quo non immeritò quis asserat Reipub. incolumitatem præstari: cuius origo, ut eius magistratus ratio omnis facilius intelligi possit, longius à nobis est repetenda. Diuina quadam animi prouidentia maiores nostri perspexere, quemadmodum in corpore humano, putrescente humore quopiam, innumeri ac periculosissimi plerunque uorbi accidunt, qui sæpe etiam interitum afferunt: ita etiam in Rebus publicis existere interdum improbos ciues, qui negotium Reipub. facestant, dum potius prauè imperare uolunt, quàm legibus parere, siue adducti ambitione ac regnandi cupiditate, siue ære alieno oppressi, seu etiam scelerum conscii, poenæ quæne à se exigantur, metuentes: quales Romæ legimus fuisse, Catilinam, Syllam, Marium, ac demum Iulium Cæsarem, qui tyrannide potitus Rempub. penitus evertit. In Græcorum etiam Rebus publicis & quidem illustribus, eiusmodi ciues nonnullos extitisse memoriæ

DE VENETORVM

proditum est. Nostris uero temporibus compertum est, omnes ferè ciuitates Italiae, quæ populari statu, aut etiam optimatum utebantur, tandem in cuiuspiam suorum ciuium tyrannidem deuenisse. Quamobrem omnibus uiribus maiores nostri sibi nitendum statuere, ne pulcherri- me instituta Respubl. optimisque legibus confirmata, à quopiam huiusmodi monstro uexaretur. Nihil enim magis sibi metuendum esse duxerunt, quàm intestinum ho- stem & ciuium inter se similitatem. quare cum animadu- uertissent in Republica Lacedæmoniorum Ephoros sum- mæ auctoritatis fuisse, Athenis Areopagitas, Romæ decē uiros, qui etiam leges condiderunt; operæpretium se quo- que facturos crediderunt, si, horum exemplum imitari, in dispari tamen causa, magistratum summæ potestatis in hac nostra ciuitate instituere; cui prouidendi præcipuè cura esset, ne qua inter ciues discordia, quæ seditionem faceret, oriretur: ne qua factio, aut ne quis perniciosus ci- uis Reipublicæ insidias moliretur. quod si quispiam hu- iusmodi morbus malo fato in ciuitatem obreperet fur- tim, summam haberet auctoritatem in eos animaduerten- di, ac procurandi, ne quid Respublica detrimenti pate- retur. tam magna uerò potestas, neque paucissimis sine periculo committi poterat, neque formidabilis, si multis committeretur, furta erat. quocirca, ut ab utroque in- commodo cauere, hoc instituerunt decemuirale Colle- gium. annum hi gerunt magistratum, eamque uacatio- nem habent, ut is, qui uel per diem in eo magistratu fue- rit, non tantum eo anno, sed futuro etiam eius muneris uacationem habeat, neque fas sit eius in comitiis decem- uiralibus rationem haberi. quibus decemuiris Principem

quo-

quoque & Consiliarios adiungere: ita ut uniuersum Collegium summam decem & septem ciuium expleret, quibus hæc summa potestas tributa sit. ex decem uiris, singulis mensibus tres dicuntur ab illis, quibus sors obtigerit: hi Principes Collegii sunt, maternaque lingua Capitula decem uirum appellari consueuerunt. ius habent cogendi decemuirale Collegium, atque ad illud referendi; certum conclauē habent, in quod quotidie conueniunt: certos etiam ministros, ianitores, apparitores, ac stipatores; adeo ut nullius magistratus subsellia cum maiori obseruantia adeas. adeunt uero omnes quibus cum decemuiris negotium est. literas quoque ad Collegium scriptas legunt, & de illis ad idem referunt. ne tamen temere Senatus ille consulatur, non vnus tantum ex his Principibus referendi ius habet, sed duo sint, opus est, qui referre de eadem re velint, seu quatuor Consilarii. ob eandem etiā causam, ne quid temere à paucissimis ciuibz immutari possit, illud institutum est, ne, si quippiam, quod iam sancitū sit, abrogare velint, id habeatur pro rato atque decreto, nisi duæ Collegii partes suffragatæ sint. illum quoq; morem obseruant, ne reum, cum de eo iudicium laturi sunt, in Collegium admittant, neque cognitorem, aut oratorem quempiam, qui eius causam agat: quod tamen ius, cum apud alium magistratum causam dicunt, reis concessum est. ratio autem, quam in iudiciis exercendis seruāt, hæc est. à Principibus Collegii reus auditur, eiusq; dicta omnia scriptis mandantur. Cum autem causa ad Collegium deferatur, ipsi Collegii Principes, aliiq; iudices, qui inter sunt, & accusatoris & rei vicem agunt: resq; decernitur maxima semper adhibita iudicii moderatione. Initio decemuari

DE VENETORVM

cemuii huic tantum rei operam impendebant, ne quid
 existeret, quod Reipublicæ civilique concordie posset of-
 ficere. postea vero grauissima quædã crimina & enormia
 facinora huiusce iudicii seueritati ac censuræ commissa
 fuere, vt si qui rei facti essent, vel quòd numos adulterinos
 cudissent, vel quòd venere mascula vsi essent. nostra etiã
 tempestate additum fuit, vt ab his iudicibus cõstitueretur
 multa, ac iudicium exerceretur in quosdam scelestissimos
 homines, qui maledictis Deum optimum vel Beatam Vir-
 ginem incescere ausi essent, nonnulla etiam, quæ maxime
 arcana essent, & ad summam Reipub. pertinerent, vt ad
 decemuiros deferrentur, institutum est, qui tamen nihil,
 quod maioris momenti sit, nisi de sententiã totius Senatus,
 decernunt. res quoque pecuniariæ ab ipsis pleræque ad-
 ministrantur. quocirca ne de tot, tamque arduis negotiis
 potestas paucioribus, quàm par esset, ciuibz permittere-
 tur, accersiti sunt in hoc Collegium Sapientes primi ac se-
 cundi ordinis, Aduocatores quoque & Procuratores san-
 cti Marci, qui magistratus summæ est venerationis: sunt-
 que præter hos huic Collegio ascripti quindecim Senato-
 res, quos adiunctos vocant, vniuersi tamen hi ius suffragii
 non habent, sed tantummodo decem & septem priores,
 & quindecim his adiuncti, adeò vt omnes summam ex-
 pleant xxxii. suffragantium. Cæteri etsi omnibus nego-
 tiis interfunt, hoc iure priuati sunt. adiuncti quindecim
 neque à Senatu, neque comitiis magni consilii eligi sole-
 bant: sed decemuii, quos voluissent, Senatores quindecim
 collegas sibi adiungere consueuerant, qui tamen ne-
 que gentiles eorum, neque arcta necessitudine coniuncti
 fuissent. nunc verò comitiis magni consilii eliguntur hi
 quin-

quindecim adiuncti. Maximam ex decemuirali Collegio Reipub. Venetæ utilitatem extitisse, ipsa experientia rerum omnium magistra compertum est. nam anno ab hinc decimo supra ducentesimū, Marinus Faletus Dux, qui tyrannidem moliebatur, magnamq. Reipublicæurbationem allaturus fuerat, continuo decemuirum auctoritate ac prudentia oppressus, temeritatis simul & sceleris poenas dedit: disceptanteq. hoc Collegio capite multatus est vnà cum plerisque nobilissimis ciuibus, qui cum eo in perniciem libertatis conspirauerant, perpetuaq. ignominia nota fuit affectus. in ea enim curiæ parte, in qua pictæ sunt imagines omnium Principum cum elogiis rerum quas optimè pro Republica gesserint, Marini Faleti sedes, imagine vacua, versiculis quibusdā inscripta est, quibus declaratur eum Duceem pro criminibus, (vt nihil immutem) securi percussus fuisse. Perniciosissima certe, & quæ facile perniciem & exitum Reipublicæ allatura fuerat conspiratio, ni decemuiralis Collegii auctoritate statim oppressa fuisset. Nonnulli quoque ciues, qui ambitione ducti periculosas quasdam leges promulgauerant, vt auram popularem aucuparentur, continuo decemuirū seueritate oppressi poenas temeritatis, atque immodicæ ambitionis Reipublicæ dederunt. Qua ratione effectum est Deo Optimo fauente, vt nullus huiusmodi morbus nostram in ciuitatem auctoritate huius Collegii confirmata inuaderet. Iam præcipuæ Reipub. Venetæ partes, quibus vniuersa ferè gubernatio continetur, à nobis expositæ sunt. Verum, vt omni ex parte institutum à nobis opus perfectum sit, de reliquis quoque magistratibus dicemus, à quibus tum iura dicuntur, tum pecuniæ publicæ admi-

DE VENETORVM

administrantur : necnon de gubernatoribus ciuitatū, quę sub Veneta ditione sūt, deq. classium, exercituumq. præfectis. Postremò nonnulla instituta exponam, quibus optimè meo quidem iudicio cautum est, ne populus & plebs minutior ægreferat nullam sibi in hac Republica gubernationis partem esse. Docebimus item haud quaquā omis-
sam fuisse, vt plerique existimant, publicam ad rem bellicā iuuentutis institutionem. Verum, antequam ad hanc re-
rum institutionem explicādam veniam, non ab re esse exi-
stimo, si lectorem admonuero, in ea ratione, qua supra di-
xi Senatum consuli solere, ipsumq. decem virum Colle-
gium, apparere perspicue misionem, quādam legum po-
pularis status, & Reipublicæ optimatum. Nam quòd ni-
hil possit Senatus decernere, nisi de eo prius ad ipsum Se-
natum à præconsultoribus relatum sit, status optimatum
est. Quòd vero præconsultores nullam habeant potesta-
tem, nisi consulant Senatum, eorumq. sententia illius au-
doritatem confirmata sit, profectò est popularis guberna-
tionis institutum. Itaque non modò in vniuersa hac no-
stra Republica, verumetiam in quacunque eius parte, qui
recte perpendet, inueniet hanc, quam dixi, misionem &
temperiem, quarectæ illæ gubernandi rationes, in vnam
formam atq; speciem Reipublicæ nostræ coaluerint. Sed
illuc, vnde egressa est, nostra reuertatur oratio. Omniū
ergo prima ea pars nobis exponenda est, quæ ad ius dicē-
dum pertinet. Vniuersum igitur ius, quod à magistrati-
bus reddi solet, bifariam diuisum est. Nam aut in suppli-
ciis consistit, quæ sumēda sunt de hominibus facinorosis,
qui patriam aut ciuem aliquam insigni iniuria affecerint,
vel in deos immortales impii extiterint; aut positum est in
causis

causis forensibus iudicandis. Iccircò etiam Venetiis duo genera iudicum sunt. horum alterum causis forensibus, alterum verò iudiciis rerum capitalium præficitur. Primū itaque de criminoforum hominum iudiciis, mox de forensibus dicemus. ex delictis quædam minutiora, vel suapte natura, vel peccantium hominum conditione habentur. nonnulla grauiora & maioris momenti, aut genere ipso peccati, aut peccantium nobilitate. qua de causa duplices quoque sunt capitalium rerum magistratus instituti. ad horum alteros grauiiores causæ & insigniora crimina deferuntur, ad alteros verò leuiora. In Republica quidem Veneta iudicia vniuersa ad eam rationem, quam proposuimus, perquam egregie diuisa atque constituta reperiuntur. nos de insignioribus primo: mox de aliis dicemus. Præter delicta, quæ decem virum censuræ commissæ esse supra diximus, grauiora omnia crimina Aduocatoribus referentibus, collegioque quadraginta virali disceptante, discerni solent iisque pro crimine pœna constitui, qui in eis deprehensi fuerint. quadraginta hi viri, qui criminum causis præfecti sunt, criminales vulgò appellari cōsueuerunt. De vtrisque tractandum, sed primo de Aduocatoribus. Aduocatorius magistratus priscis tēporibus magnæ fuit auctoritatis incredibilisque existimationis. præcipuum eius munus est, legum custodia, ne aliqua scilicet in parte legibus officiat. Quamobrem quilibet eorum, qui in eo sunt magistratu, eā propè intercedendi potestatem habet, quam apud Romanos Tribuni plebis obtinebant: sed illi vt tuerentur libertatem plebis Romanæ, nostri verò vt vim legum tueantur: quare non immeritò Tribuni legum vocari possent. Nos verò, ne perspicui-

K tati,

DE VENETORVM

rati, cui præcipue operam damus, vlla in parte officiamus à communi vñtatoque vocabulo non recedemus. Illi ad populum seu plebem referebāt, nostri vero Aduocatores ad quadraginta viros quidem de leuioribus causis, de maioribus ad Senatum, de maximis interdum, si ita eis visum fuerit, ad maius consilium referunt. Quamobrem antiquitus magna erat huius magistratus auctoritas. Nunc verò, quoniam decem virum potestas latius se dilatauit, ideo Aduocatorum auctoritas diminuta, exultimatio obfcurata est. Ceterum, quum is magistratus tam amplam obtineat intercedendi potestatem, legumque custodia ad eum potissimum pertineat, qui autem facinus aliquod perpetrarint, maximè contra leges fecisse videantur, illustres præsertim ciues, ad quos præter alios attinet, Reipublicæ conseruandæ operam dare: iccirco peculiari quodā modo huiusmodi delicta censura Aduocatorum visa sunt esse corrigenda, licet ipsi nullam habeant potestatem quippiā contra reos statuendi, præter quam in paruis quibusdam causis, cætera omnia de consilii sententia statuuntur. Hoc in loco non ab re futurum duco, si omnem iudiciorum capitalium rationem explicuero, quæ Aduocatoribus referentibus fiunt: quando quidem nullibi, quod sciam, modus hic seruari soleat: simulque (vt arbitror) perspicuum faciemus, quam nam auctoritatem habeat hic Aduocatori magister. Quum crimen aliquod ad Aduocatores delatum fuerit, si res digna censeatur eorum censura, confestim vel ab omnibus, vel etiam ab vno tantum (nam tres ei muneri præfecti sunt) interceditur, id est reus efficitur ille, cuius nomen delatum sit. deinde ab intercessore refertur de eo crimine ad consilium illud, quod maluerit

Aduo-

Aduocator, qui intercesserit, quamuis plerunque consu-
 latur quadraginta virale Collegium, quod iudiciis capita-
 lium criminum præfectum est. Ibi que causa recitata, de
 consilii sententia decernitur, an reus sit in carcerem conii-
 ciendus, & quæstioni adhibendus, an potius solutus cau-
 sam dicere debeat. reus postea ex consilii decreto accersi-
 tur, vel ab apparitoribus magistratus Aduocatorum clam
 apprehenditur. causam dicit vel solutus, vel ex vinculis:
 de crimine interrogatur: respondet, testes vtrunque citan-
 tur: quæcunque ille dixerit, siue sponte, siue tormentis
 coactus, tum quæ testes adducti coram magistratu se scire
 falsi fuerint, siue pro reo, siue contra reum, omnia scriptis
 mandantur. Hac ratione tota causa in codicem publicum
 relata, omnium, quæ scriptis mandata sunt, reo fit copia:
 constituiturque tempus, quo docere causam possit Aduo-
 catos atque oratores, quos sibi adhibuerit, illique possint
 omnia diligenter perspicere, quæ reo patrocinentur, &
 meditari quo pacto obiectum crimen, testimoniaq. reo
 aduersantia diluere possint. tandem causa incipit agitari.
 Hac in parte non est reticendus mos maiorum ad nostra
 usque tempora perductus. si enim fortè quispiam reus fa-
 ctus tam tenui rei familiari fuerit, vt sumptum facere ne-
 queat in conducendis aduocatis, qui partes suas tueantur,
 duo oratores, qui Reipub. stipendio conducti, id mune-
 ris habent, suscipiunt inopis illius rei partes tuendas. sic
 enim lege cautum est, ne vllus indicta causa puniatur. Post
 quam verò satisfactum fuisse reo videtur, neq; ad eius de-
 fensionem quippiam amplius requiri, Aduocatores consi-
 lium indicunt, diemq. reo constituunt, quo causam dictu-
 rus sit. Consilio coacto magistratus hic Aduocatorius

K 2 accu-

DE VENETORVM

accusatoris vice fungitur: eosq. qui in eo sunt magistratu maxime decet, vt accusatores acerrimos agant, qualis (dū modo id assequi possunt) fuit Cicero in Verrem & in M. Antonium, ita tamen vt maledicta caueant, neque extra causam maledicendo vagentur. Nam is, qui maledictis indulget, potius inimici & prauī hominis officium facere, quā Reipublicæ causam agere videtur. Hac enim in parte apud Venetos longe secus res se habet, quā apud Romanos. Olim Romæ quīuis ciuis alteri diem dicere poterat, eumq. quā acerrimè accusabat apud iudices. Venetiis verò nemo priuatus hoc munus obire potest, sed ex Reipublicæ lege officium illud est Aduocatorii magistratus. Quā in rem magis naturam rerum imitari, sapientiusque concordia ciuium consuluisse maiores nostri videri debent, quā Romani. Nam quoniam qui facinus aliquod perpetravit, maxime leges & Rempublicam læsit, ideoq. præcipuè Reipublicæ poenas dare debet, iure magistratus is, qui tuendis legibus præest, à facinoroso homine poenas poscere, atque ad id omni studio eniti debet. Contrà priuati officium est illatas sibi iniurias obliuisci, facileq. reo concedere. Præterea nullus priuatus ciuis potest accusatoris personam sibi sumere absque maxima inuidia & incredibili odio eius, cui diem dixerit: ex qua re facile seditiones oriuntur inter ciues. hoc igitur incōmodum à nobis perquam egregiè vitatum est, vniuerso hoc accusandi munere magistratui demando, qui non priuata similitudine ductus, sed ex legis præscripto id agit. quo effectum est, vt nunquam ferè auditum sit Aduocatorum cuiuspiam vicio datum fuisse, quòd vehementius in reum sit inrectus, aut nimis acrem accusatorem se gesserit. immò,

qui

qui acriter in hoc officio versatur, magnam sibi laudem comparat apud vniuersos ciues. Sed ad inceptam iudiciorum rationem redeamus. Agit ergo coacto consilio Aduocator partes accusatoris, orationemque in reum habet acerrimam. crimina & facinora obiicit primum, deinde testibus obiecta confirmat, ac verisimilibus coniecturis corroborat. Postquam dicendi finem fecerit, agitur causa rei ab eo patrono, quem sibi ascieuerit. deinde si Aduocatorum quispiam antequam iudices sententias rogentur adhuc urgere reum voluerit, locum dicendi habet: similiter aduocati rei respondendi, & obiecta crimina diluendi facultatem habent: eaque ratione causa vtrinque agitur, donec alter eorum, siue reus, siue Aduocator, cui dicendi locus incumbit, se amplius dicere nolle pronunciauerit. Perorata causa reus eiusque patroni discedunt e curia iudicum. cum iudicibus clauduntur in conclauis Aduocatores eorumque scribae, praeterea nullus. Aduocatores primum de puniendo reo ad iudices referunt, sententiasque rogant, an puniendus videatur, nulla tamen adhuc constituta certa poena; quem morem Athenienses ferè seruabāt. Athenis enim iudices duplices sententias ferebāt. primis aut absoluebant reum, aut condemnabant: secundis, si prioribus condemnatus fuisset, poena constituebatur, vt ex Apologia Socratis apud Platonem perspicue intueri licet. cōsimili iudiciorum ordine, & propè pari nos quoque vtimur ratione. Refertur igitur primum ab Aduocatoribus de condemnando reo. iudices in suffragia eunt. omnia enim consilia apud Venetos res omnes suffragiis decernunt. tres urnae deferuntur, quarum vna reus condemnatur, altera absoluitur penitus absque multa,

tertia

DE VENETORVM

tertia colliguntur suffragia eorum, quibus nōdum liquet,
 vtrum sit statuendū. Prima urna qua condemnatur reus,
 albi coloris est; secunda, qua absoluitur, viridis; tertia, ru-
 bei. vnusquisque iudicum, siue causa disceptantibus qua-
 draginta viris (vt plerunque) agatur, siue Senatus consu-
 latur, quod raro accidit, in grauioribusq̃ue causis tantum
 fieri solet, siue ad magnum consilium ab Aduocatoribus
 relatum sit, quod rarissime accidit, grauissimis q̃ue in cau-
 sis fieri consuevit, ne quis suffragium suum perspiciat, pi-
 lulam lineam in eam urnam, quam maluerit, demittit. Po-
 stea à præfectis consilii suffragia numerātur. Quod si plu-
 res dimidiis reum absoluerint, cōfestim pronunciat ab-
 solutus: estq̃ue Aduocatorum rogatio repudiata. sin plu-
 res dimidiis damnauerint, illico pronunciat damnatum.
 At si neutri dimidium excedant, quod multi sint iudicum
 quibus nondum liqueat, pronunciant reum comperendi
 natum fuisse, iudicesq̃; causam amplius discuti velle. si ab-
 soluitur, nihil amplius negotii habet, sed euestigio liber di-
 mittitur. si comperendinatur iudicibus, & reo dies statui-
 tur, qua denuo causa, Aduocatoribus accusantibus, pa-
 tronisq. obiecta crimina diluentibus agatur. Post dictā
 & peroratam causam iudicum suffragia repetuntur. Quod
 si etiam tum nihil decernatur, quod suffragia, quæ neutrā
 in partem venerint, dimidium summæ non excedant, ite-
 rum pronunciant reum comperendinatum, & tertio con-
 silium indicitur. Constituta die, qua tertio quoque causa
 eodem modo repetatur, demum in suffragia itur, nec ta-
 men amplius ratio vlla eorum habetur, quibus nondum li-
 queat. Iccirco, nisi paria fuerint suffragia, necesse est reū
 vel damnari, vel absolui. si absoluitur, nihil amplius ei ne-
 gotii

gotii est, vt dixi. si pronuncietur damnatus, decernitur
 quanam poena in eum sit animaduertendum. de genere
 poenae referunt, tum Aduocatores, tū praefecti Collegio
 iudicum. mostamen est, vt Aduocatores eam poenā pro-
 ponant, quæ pro genere criminis videatur acerbissima.
 etenim huius magistratus officium est, vt ad seueritatē in-
 clinet. Alii verò, Consilarii, inquā, ac praefecti quadra-
 ginta virum, quibus ius est ad id consilium iudicum refe-
 rendi, leuiiores poenas proponere consueuerunt, nisi cri-
 men fuerit adeò atrox, vt clementiae nullus sit locus, seu
 Aduocatores lenius egerint, quàm eum magistratum de-
 ceat. propositis omnium sententiis eodem fermè modo
 decernitur poena, quareus ille sit afficiendus, quo suprà
 diximus Senatusconsultum fieri solere, vbi praefulto-
 rum sententiae variant. quam rationem si hoc in loco repe-
 tere vellem, importunequetædio afficere lectorem; me-
 rito ineptus haberi possem. hoc tamen dixisse fatis est, eā
 sententiam iudicum pronuciari, quæ reiectis aliis plura
 dimidiis suffragia tulerit. Hoc in loco mihi videor nō ab-
 re facturum, si bina instituta annotauero prudentissimè à
 maioribus nobis tradita. Primum est, quòd nullius rei,
 seu iudicii quempiam magistratum ne dū ciuem sine pro-
 uocatione arbitrum esse voluerunt, sed omni in re sum-
 mum ius atque arbitrium esse Consiliis, seu Collegiis tri-
 butum. Alterum verò superiore illo non minus vtile est,
 id quæ est tale, quòd voluere iudices non ore sententias di-
 cere, aut palàm statuere quidnam sentiant, sed clàm suffra-
 giis decernere quod maluerint. vtrumque sanè meo iudi-
 cio, prudentissime. nam, quod summa auctoritas nulli
 magistratui concessa sit, recte se habet. etenim, præter
 quam

DE VENETORVM

quam quod periculosum est, summam alicuius rei, quæcunque ea sit, committere paucis ciuibus: tum illud cauetur, ne, si fortè res deliberata male cesserit, ciuitas de paucis ciuibus queri possit. Vt verò clàm decreta iudiciaque fiant, non minore prudentia sancitum est. iudices enim, huiusmodi suffragiorum instituta ratione, liberius iudicant quàm si palam atque ore sententiam ferrent. ex quo interdum, vel propter ambitionem ab æquitate abducerentur vel amici ac bene de se meriti ciuis offensionem vererentur, vel potentioris indignatione extimescerent. Illud quoque prouisum est, ut quisque iudicium iudicium suum sequatur, nec ab alterius iudicis auctoritatis pendeat: quod facile accidere posset, si ille qui prior dixisset sententiam prudentissimus, ac scientissimus haberetur. quocirca nec etiã ab excellentissimis philosophis genus hoc iudiciorum omissum est. sed ad rem redeo. Postquam omnis iudiciorum ratio à nobis exposita est, ad quadraginta capitalium causarum iudices, de quibus dicendum institueram, reuertar. Horum collegium à ciuitate nostra, ad quod Aduocatores de causis capitalibus referant, eoque deliberante sententias puniantur, institutum est. Ideoque non nisi in causis grauiissimis, ubi etiam Reipublice inter sit, in vtram partem iudicium cesserit, Aduocatores Senatum consulunt, rarissime verò maius consilium. Verum omnes capitales causæ ad hoc quadraginta virale Collegium deferuntur: cuius sententia rata est, nullusque ab ea amplius est prouocationis locus. gerunt hi magistratum octimestrem, postquam sedecim menses expleuerint in forensibus causis iudicandis. Tria nanque Collegio in Republica Veneta sunt, quodlibet ex quadraginta iudicibus constat. duo forensibus

fibus causis iudicandis præfecta sunt, tertium, de quo agitur, capitalibus. hac tamen distributa ratione sunt, ut cū primum functi fuerint magistratu capitales hi iudices, in ordine ipsi redigantur, aliique quadraginta viri magni cō filii comitiis sufficiantur. Non tamen hi suffecti confestim ad iudicandas capitales causas accedunt, sed Collegiū illud quadraginta virale, quod vrbis causis decernēdis octimestri eo temporis spatio præfectum fuit, subit in locum capitalium, qui iam defuncti sunt magistratu. his verò forensibus atque vrbis iudicibus succedūt tertii quadraginta viri, qui item eo octimestri interuallo exterorum causas iudicarunt, in eorumque locum illi nuper suffecti subeunt. sicque per vices iidem iudices, & de forensibus causis tū vrbis tum exteris, & de capitalibus decernūt, ac totum biennium in his iudiciis versantur. Tria hæc Collegia iudicum proprias habent appellationes. primum, ad quod exteræ causæ deferuntur, nouum nominatur. secundum, quod vrbis præficitur, vetus dicitur. tertium, quod de capite fontium iudicat, criminale à criminibus nuncupatur. hi quadraginta viri criminales nuncupati, præterquam quòd in causis criminalibus, siue capitalibus summam iudiciorum habent, admittuntur etiam in Senatum, & ius suffragii in eo ordine obtinent. Habent præterea triumuiros ex suo ordine, qui singuli binis quibusque mensibus sorte educuntur, ac per vices semper assidēt Duci & Consiliariis, paremque illis auctoritatem ad Senatum referendi de quacunque re voluerint, habent; itemque ad magnum consilium, eo tamen modo quem suprà tetigi. nec absque rōne quadraginta hi iuniores viri Senatoribus, qui plerunque senes esse solent, commisti sunt, ut scilicet

L natu-

DE VENETORVM

naturalis senum frigiditas iuuenū calore temperetur. Non tamen iuniores hi senibus numero pares sunt, sed longe pauciores; tot tamen, vt aliquod caloris vestigium in Senatusconsultis apparere, atque in esse queat: quod quandoque in rebus agendis, perquam necessarium est. accedit etiam illud, quod senatoria auctoritate his quadraginta viris concessa, Reipublicæ administratio aliqua ex parte inferioris notæ ciuibz cōmunicata videri potest, quales plerunque hi sunt, qui quadraginta viratum gerunt, in quo ordine populari quadam lege maiores nostri vsi sunt. Nam tribus his quadraginta virum Collegiis singulis quibusque diebus, quibus conueniunt, certum ex ærario stipendium constitutum est. Ideoque raro admodum diuites ciues hunc magistratum petunt, facile que, si petierint, repulsam ferunt. verū egenis ciuibz, probis tamen hominibus, facilis est ad hunc honorem accessus. Quaratione tum inopiæ proborum ciuium aliqua ex parte consultitur: tum etiam Reipublicæ administratio non solū diuitibus & insignioribus ciuibz, quod optimatum est status, & paucorum potentiæ commissa est: verū etiam aliqua ex parte, mediocri tamen, ciues inferioris ordinis ad Rempublicam accessum habent: qui mos pertinet ad popularem statum. Ex his cuilibet compertum esse potest, in omni parte Reipublicæ Venetæ temperationem illam apparere, cui plurimum studuisse maiores nostros, in huius opusculi exordio diximus, vt scilicet popularis status ratio optimatum gubernationi permista esset: eo tamen temperamento adhibito, vt plures optimatum partes essent. satis itaque iam à nobis tum de Aduocatoribus, tum de quadraginta viris causarum capitalium iudicibus dictū arbi-

arbitror, qui ideo instituti sunt, ut in crimina, seu genere peccati, seu conditione peccantium insigniora, animadu- uerterent. Nunc tempus postulat, ut de nonnullis infe- rioribus magistratibus, qui minutioribus, & genere ipso & hominum fortuna vlciscendis delictis & maleficiis præ- sunt, pauca quædam perstringamus. Hi quoque dupli- ces sunt. alteri ius capitis habent, alteri non habent: quo- rum potestas eo tantum extenditur, ut in vilissimos homi- nes, atque in meretrices animaduertat: quos vel virgis ce- di iubent, vel in carcerem coniici, prout quemque peccas- se constiterit. Potior verò ille magistratus, qui capitis iudi- cium ferre potest, rursus bipartitus est. Nam non iidem iu- dices quærunt de crimine, & quæstioni reum adhibent, ac sententiam ferunt: sed priores, noctis scilicet præfecti, to- tam prius causam reorum agitant, ac scriptis mādant, quæ testes dixerint, quæque rei vel sponte, vel coacti tormen- tis confessi fuerint: demum omnem causam ad iudices pro- prietatum deferunt. diuersus à priori hic est magistratus, hiq; sententiam ferunt, ubi de causa capitis agitur. quòd si leuius fuerit delictum, ut tantum virgis cædendus, aut carcere aliquot menses coercendus reus esse videatur, no- ctis præfecti totam causam expediunt, neque Collegium quadraginta virale consulunt, siue coniicere quempiam in carcerem voluerint, siue quæstioni adhibere. quod ipsum ius tamen Aduocatorius magistratus non habet, verum opus est, ut prius Collegium consulat, atque auctoritate decreti illius Collegii nitatur. neque sine magna ratione hoc ita institutum videtur fuisse. Nam si pro quolibet cri- mine & pro iis reis, qui homines nullius pretii sunt, consi- lium consulendum esset, incredibile negotium Reipubli-

DE VENETORVM

ex administrationi conflaretur : fontibus etiam viris maior peccandi licentia tribueretur spe impunitatis maiore proposita. Vt ergo iudicia huiusmodi expeditiora essent ac breuiora, Præfecti nobis etiam auctoritatem, qua Aduocatores priuati sunt, obtinent. Hi noctis præfecti sex sunt : sex item in minimo eo magistratu, cui infimos tantum homines, leuibusq. in criminibus ius est. Capita trium ciuitatis appellantur hi, qui eum magistratum gerunt. quoniam ex vnaquaque tribu (in sex enim tribus tota ciuitas diuisa est) tum præfectus noctis, tum caput tribus eligitur : quo more etiam in Consiliariis eligendis vti solemus, quod superius à nobis minime omissum fuit. Vtriusque præterea magistratus officium est, vt nocturnas excubias per suas tribus agant alternis noctibus, ac vicissim modo præfectus noctis, modo eaput tribus, suam tribum circumeant ad gallicinium vsque, cum publicis stipatoribus & apparitoribus armati, prouideantq. ne per nocturnas tenebras, quæ maiorem licentiam præstare hominibus scelestis solent, cuiuspiam fiat iniuria : neve fur clam domum quampiam fodiat, aut ne latro vllas per vias grassetur in quenquam. in primis Venetæ vrbis originibus vterque hic magistratus magnæ existimationis erat, postmodum adiunctis nouis Reip. magistratibus, prout ratio temporum & commoditas exigebat, horum dignitas & auctoritas est obscurata : summaq. potestate ad novos magistratus translata, parua quædam & viliora negotia veluti feces in eorum subselliis resedere. Hactenus de magistratibus, qui capitales causas decernunt, dixisse sufficiat. De forensibus in sequenti volumine dicetur.

Liber



Libër Quartus.



OS ille in Repub. Veneta perpetuus semper fuit, ne quisquam magistratus in maioribus causis summam auctoritatem haberet: sed summum illud ius Collegiorum seu Consiliorum, ut usitatius loquar, esse voluerunt. Ideo in forensibus quoque causis, quæ summam quinquagintaquinque; nummorum aureorum excederint, nullius magistratus iudicium est, à quo non sit provocatio ad Auditores urbanarum causarum, qui lingua vernacula veteres appellantur, & ad Collegia quadraginta virorum, de quibus supra commemorauimus. Sed, ut perspicue tota hæc iudiciorum forensium ratio intelligatur, ab auditoribus, qui quidem duplices sunt, ordiemur. noui enim siue recentes, atque veteres sunt. Veteres à vetustate nomen sortiti, quod hic magistratus apud Venetos multo vetustior sit, quam alter: qui non prius in hanc Rempublicam inductus est, quam continentis imperium habuerit, multis seculis post urbem conditam. Veteres hi auditores eandem fere auctoritatem obtinent in iudiciis causarum forensium, quæ urbanis iudicibus disceptantibus diiudicantur, quam Aduocatores in plerisque omnibus rebus, si qua in parte legibus officere videntur, intercedendi, in-

DE VENETORVM

di, inquam, potestatem habent. cum ergo à iudicibus urbanis contra aliquem sententia lata fuerit, licet illi ab eorum iudicio ad auditores prouocare. Causa ad eorum subsellia deducta, & vltro citroq. agitata ab his, inter quos controuersia fuerit, nisi summam excedat quinquaginta aureorum nummum, omnesque iudices in eandem sententiam conuenerint, possunt ipsi absque quadraginta virum Collegio rem decernere. quòd si inter se dissenserint vel vnus eorum potest intercedere: causaque illa apud minimum quoddam Collegium agitur, in quod vterque auditorum magistratus, tresque alii iudices conueniunt, qui præfecti sunt iudiciis de inuentis rebus: ibique minores hæ causæ diiudicantur. Quod si vniuersa causa eam summam excedebat, ante nostram ætatem non poterat, ad quadraginta virum Collegium res deduci, nisi aliquis auditorum latæ à iudicibus sententiæ intercessisset, de eaque ad quadraginta viros retulisset. Nostra verò tempestate lata lex est, qua conceditur illi, contra quem priores iudices sententiam pronunciauerint, vt post tres exactos menses, quamuis nullus auditorum intercesserit, possit diē aduersario dicere, & ad Collegium prouocare. qua lege auditorum auctoritas valde est imminuta; quæ tamen, cum intercedunt, non nihil ad causam obtinendam valet. nam neque tres menses operiri oportet, eorumque intercessio velut prærogatiua iudicii videtur esse. Si auditor intercesserit prioribus iudicibus diem dicit, Collegium quadraginta virum aditur. Ante nostram ætatem vterque magistratus orabat coram Collegio, sententiamque vterque suam tuebatur. paulatim verò segnitie quadam factū est, vt priores iudices, quorum sententiæ intercessum sit, non modo

modo orent, sed ne intersint quidem, cum apud quadraginta viros causa agitur, dictaq; illis per tabellionē die, vt id, quod ius postulat, statuatur, respondeant. mos verò ille, vt auditores primū referrent ad Collegium de causa, cui intercessissent, orationemque haberent, ad nostra vsque tempora deductus est. Nunc verò penitus intercedit, sed patroni tantum eorum, inter quos controuersia fuerit, hoc munus defunguntur, tuenturque suorum cliētum causas: quibus rebus effectum est, vt dignitas auditorii magistratus, quæ diu illustris fuit, nostris temporibus obscura admodum & imminuta sit. Quadraginta hi urbanarum causarum iudices eundem ferè morem seruant in iudicando, quem à iudicibus quadraginta capitalium causarum seruari solere diximus. hoc tantum discrimen est, quod in causis, in quibus de capite agitur, & fortunis reorum, nullum certum orandi tempus statutum est. In his verò urbanis litibus præscriptum est temporis intervallum, vltra quod orationem protendere non possunt: hora enim cum dimidia tantum cuilibet oranti concessa est. neque in forensibus iis causis iudicandis variæ referuntur sententiæ, vt eam Collegium eligat, quam maluerit, quemadmodum in sumendis pœnis de nocentibus & parui pretii hominibus fieri solere superius dictum est: sed tantum refertur, an lata prius à iudicibus sententia confirmanda sit, vel potius abroganda. de abrogatione refertur, si auditor quis intercesserit. quod si non fuerit intercessum, sed sine intercessore causa ad Collegium fuerit deducta, præfecti Collegii perorata vtrunque causa non de abroganda, sed de confirmanda lata sententia referunt. iurati iudices omnes in suffragia eunt. Tres item vrnae de-
ferun-

DE VENETORVM

feruntur. viridi abrogatur id, de quo relatum fuerit; candida approbatur: rubea verò eis destinata est, quibus nōdum liqueat, sed velint causam ampliari. nihil autem decretum habetur, nisi plures quàm dimidii abrogauerint, aut approbauerint, quod si iudicibus nondum liqueat, & in neutram partem iudicium factū sit, causa ampliata pronuntiatur ad alteram diem, qua eadem ferè repetuntur. quòd si etiam eadem die iudicium pendeat, tertio cognitur Collegium, causa repetitur. qua perorata vtrunque itur in suffragia, neque amplius vlla eorum iudicium, quibus nōdum liqueat, habetur ratio. quare nisi paria fuerint suffragia, in alteram partem fit decretum, siue de abrogāda, siue de confirmanda sententia lata. Abrogata sententia nequaquam adimitur potestas actori, quin de eadem re iudicium repetere possit. nihil enim abrogatione statuitur, sed tantum lata sententia antiquatur. confirmatione verò & approbatione rata fit sententia, quam priores iudices pronunciauerunt, neque amplius prouocationi est locus, neque iudicium repeti potest super eadem re, nisi causæ quippiam noui accedat. Atque satis hactenus de auditoribus veteribus dictum sit: nunc pauca de recentioribus perstringamus. Hic magistratus in nostra republica non fuit prius institutus, quàm in continentem æstuariis hisce finitimam Venetum imperium extendi cœpit. Ad hos à prætorum iudiciis prouocatio est, aliorumque magistratuum, qui extra urbem populis, qui in nostram venerunt societatem, ius dicunt. Veteres enim auditores vtrisque causis vrbis scilicet & exteris, haudquaquam satisfacere poterant. Quamobrem eam appellationem etiam sortitus est, vt nouorum siue recentium diceretur. Nam post consti-

constitutam rempublicam imperium Venetum extendi ce-
 pit in Venetiã oram, quæ ad veteres dominos, veluti quo-
 dam postliminio volens ac libens rediit. Etenim, vt in e-
 xordio operis ostendimus, nobilissimi quique prouinciæ
 Venetiæ barbarorum impetum, Italiæ quæ totius deuasta-
 tionem fugientes se in nostra æstuaria receperunt, urbem-
 quæ hanc opulentissimam condidere. Cui etiam nomen
 Venetiæ indiderunt multitudinis numero: vt posteris te-
 statum esset, florem nobilitatis omnium ciuitatum Vene-
 tiæ regionis eò conuenisse. Igitur cum breui imperium
 Venetum creuisset in immensum, vnus haudquaquam ma-
 gistratus urbanis & exteris causis satis esse poterat. Iccir-
 co nouus hic institutus est, nouum quæ quadraginta virale
 Collegium. Prouocatio quoque, quæ ab aliis, qui fo-
 ris ius dicunt, fit, ad horum subsellia defertur. atque hoc
 demum Collegio disceptante omnes eiusmodi causæ di-
 scernuntur. eadem in omnibus ratio est, par quæ modus
 huius magistratus & Collegii, quæ paulo ante docuimus,
 ab auditoribus veteribus & Collegio quadraginta virali,
 urbanarum causarum iudice, seruari solere. illud tantum
 ius auditoribus recentibus additum est, quòd in causis,
 quæ summam quadraginta nummorum aureorum nõ ex-
 cesserint latam sententiam, de qua ad eos sit prouocatum,
 moderari queunt, eius quæ partem, si ita ipsis videatur, ab-
 rogare, partem verò comprobare, dum modo omnes in
 eandem sententiam conueniant. quod ea de causa institu-
 tum est, vt exteri homines & aduenæ, quorum præcipue
 rationem haberi debere summi philosophi tradidere, mo-
 lestia leuantur, & sine magno rei familiaris dispendio li-
 tium exitum inuenirent. Hoc iure veteres priuati sunt.

M necesse

DE VENETORVM

neceſſe enim illis eſt, vt aut totam ſententiam approbent, aut totam reſcindant, atque irritam faciant. Si noui parti intercedere poſſunt reliquis non intercedere: at veteres contra: aut enim toti intercedunt, aut vniuerſam integrā dimittunt. Hocque pacto exterorum lites breuiori ſpatio dirimuntur, quā cauſæ vrbanae: quamuis patronorum & iuriſconſultorum verſutia, quæ nihil contra fas intactum relinquit, in immenſum quæuis lites protrahuntur, quod vbique gentium fieri ſolet, vbi non temere, ſed ſtatuto ordine iudicia fiunt. Explicata ferè à nobis eſt iudiciorum ratio. ſuper eſt, vt paucis perſtringamus eos magiſtratus, qui primi in cauſis vrbaniſ ius dicunt, à quibus ad veteres auditores prouocationes fiunt, & ad Collegiū quadraginta virorum, quorum iudicum ſex ſunt ſubſellia pro qualitate cauſarum & perſonarum diſtributa, nā aut lites ſunt de mercatura rebusque ad negotiatores ſpectantibus, vel de ædibus & fundis, quæ intra æſtuaria fuerint: aut de poſſeſſionibus & agris, quæ in continenti ſunt, aut de quibus ſuis aliis cōtractibus ſtipulationibusq;: perſonæ autem, quæ lites inter ſe conferunt, aut ſunt ciues, aut exteri, iiq. aut alterutri inter ſe, aut alteri cum alteris experiūtur: denique vel cum pupillis res habetur, aut agunt viduæ foeminæ poſt obitum mariti de dotibus recuperādis. ne ergo inter tot diuerſorum generū iudicia turbatio eſſet, neve aliud alii impedimentum afferret, plura inſtituta fuere iudicum ſubſellia: ita vt quantum fieri poſſet vnusquisque pro ratione negotii, & litis ſuos iudices cognoſceret. quæ enim lites ad ædes ſiue fundos intra fines Venetiarum, ideſt in æſtuariis poſitos pertinent, hæ omnes à iudicibus, qui proprietatū nominantur diiudicātur, quos
etiam

etiam adeunt viduæ ab hæredibus maritorum defunctorum, dotes repetere uolentes. Hancque appellationem habuerunt, quòd maiores nostri ea tantum ciuium suorum propria existimarunt, quæ in æstuariis sita essent, ut pote quæ ad alienos dominos nō facile transferri possent. Cætera uerò in continenti existentia siue agri siue domus fuissent, ut quæ facile inuitis dominis possent auferri, iniuriæque magis exposita essent, mobilia dici uoluerunt. quòd si de fundis continentis oræ controuersia fuerit, iudices procuratorum sunt adeundi. iisdem iudicibus cum pupillis, qui adhuc tutores habent, contenditur. qua ex re ipsi iudices nomen obtinuerunt: nam apud Venetos curatores & tutores, & procuratores appellari consueuerunt. Si item lis de mercimoniis inciderit, & ad mercaturam spectet, subsellia iudicum adeuntur, qui ex ea re iudices, seu Consules mercatorum nominantur. hi maiori quodam compendio iudicant, quàm alii forenses magistratus: quod ea ratione institutum est, ne lōgioribus litibus impedimentum morave fieret negotiis mercatorum, quæ assiduam quandam operam exigunt. At si inter exteros homines lis fuerit, uel quispiam ciuium hospiti diem dixerit, opus est ad eos iudices accedat, qui ab aduenis nomen habent. Cæteræ uerò omnes causæ contractus ac stipulati, ex quibus quispiam ab alieno sibi aliquid deberi contendat, idq. iudicio petat, iudicibus ueniunt, qui petitionum nuncupantur: hiq. prætoris urbani vicem gerunt. Sunt præterea minimæ quædam, quibus diiudicandis præfecti sunt iudices mobilium dicti. Est & præter hos magistratus alius, qui si quid inuentum fuerit, aut olim reconditū aut nuper amissum, num ad ærarium, aut ad priuatū quæ-

M 2 piam,

DE VENETORVM

piā, aut ad eum qui repetit, res ea pertineat, decernit, omnesq. huiusmodi controuersias diiudicat. Expedita vniuersa iudiciorum ratione ad eos magistratus transeūdum est, qui ærarii curam habent, quibusve pecuniæ publicæ administratio commissa est. Hi fortasse plures, quam par sit alicui, esse videbuntur, cū pauciores vniuersæ rei pecuniariæ satisfacere possent. Verum hoc loco animaduertendum est patres nostros summam diligentiam adhibuisse, ne in administrandis pecuniis publicis aliqua fraus fieret. arbitrati enim sunt, ex ærario veluti alimentū vniuersis reipublicæ partibus suppeditari, quo deficiente seu imminuto deficere quoq; rempublicam, aut minui opus esse. Quocirca lege sanxerūt, vt si quis ciuis peculatus dānatus fuerit, perpetua ignominia nota singulo quoq; anno repetita inureretur. Maiori enim consilio coacto in concione ciuium omnium statuta die ab Aducatore omnes illo crimine damnati pronunciantur: vt, qui tantū scelus ausi sunt, perpetuæ ignominia pœnas luant. Sed, ne ab instituto longius digrediamur, magistratus, qui ærarii curam habent, duorum veluti generum sunt. Quæ ratione publicæ quoq; pecuniæ diuisæ sunt. nam, vel ex publicis, vel ex vectigalibus in ærarium conferuntur: vel interdū, cum reditus reipublicæ impensis videtur satisfacere non posse, à ciuib; pro cuiusq; censu exigūtur. id quod non raro fieri necesse est, bellis, quibus ciuitas nostra frequenter vexari solet aut mari, aut terra ingruentibus, vel cum Turcæ in nostram ditionem irruunt, quorum impetum non sine maximo detrimento complures annos sustinimus, acerbissimumq. hostem in vniuersam rempublicam Christianam sæuentem continuimus, vel cū Principes

pes

pes Christiani, quibus imperii Veneti amplitudo quando
 que officit, in perniciem nostram conspirant: quemadmo-
 dum anno ab hinc xv. accidit, cum omnes ferè Christiani
 Principes inito inter se foedere in exitium imperii nostri
 conspirarunt. sed diis bene iuuantibus omnes eorum im-
 petus sunt repressi, resque pene collapsa in integrum resti-
 tuta est. Duplex ergo cum sit publicæ pecuniæ genus, du-
 plices quoque magistratus ei rei sunt præfecti. Quidam
 enim pecuniæ ex censu ciuium collatæ præficiuntur: alii
 verò redditibus & vectigalibus reipublicæ. Vectigalia qui-
 dem exiguntur ex iis, quæ exportantur ex vrbe, aut in eam
 importantur. Quædam verò ex ciuitatibus, quæ in socie-
 tatem imperii Veneti sunt adscitæ. Urbana porro vecti-
 galia, cum propter maximum mercium copiam mercato-
 rumque conuentum, tum ob ingentem hominum multi-
 tudinem, qui hanc ciuitatem incolunt, omni omnium opi-
 nione maiora sunt. ac mercium quidem, rerumque urbana-
 rum varia sunt genera: ideo diuersi quoque magistratus
 sunt instituti, prout scilicet commodum visum fuit iis, qui
 his locandis atque exigendis vectigalibus præsumt: quos
 singulos enumerare sanè putidum est, fastidiumque potius
 afferret, quàm voluptatem. quam ob causam illos etiã ma-
 gistratus, qui perpetui non sunt, sed cum res postulat, tū
 denique creantur, prætermittendos esse duco. In sum-
 ma, horum omnium magistratum officium illud est, vt ca-
 ueant, ne per dolum aliquid pecuniæ publicæ auertatur,
 aut per inertiam pereat. omnes quoque controuersias,
 quæ ad id genus pecuniæ pertinent, ipsi diiudicant. pecu-
 niam verò omnem, quam exegerint, continuo ad Guber-
 natores reddituum publicorum deferunt. eam enim appel-
 latio-

DE VENETORVM

lationem is magistratus obtinuit, qui huic rei præfectus est. Sed ea procuratio, quoniam magna, atque ampla est, non nisi insignioribus ciuibus deferri solet. qui, vt libentius hoc munus sibi deposcerent, neve demandatum reiiicerent, oneri magno atque graui magnum emolumentum adiunctum est, summa quoque tributa est auctoritas. hi enim apparitores, viatores, lictores, omneq. id genus ministrorum reipublicæ creant, quibus omnibus ex ære publico stipendium persoluitur. id verò, quod reliquum fuerit ad quæstores vrbano defertur, ad quem deniq; magistratum peruenit omnis summa æris publici, à quibuscunque quæstoribus siue magistratibus, seu illi extra urbem, seu in vrbe pecuniæ publicæ exigendæ curâ habeant, allata fuerit. at vrbani hi quæstores eam pecuniam ex Senatus decreto in vsus publicos impendunt, eamq. in codices accepti & expensi referunt. quod munus quum operosum sit, laborisq. non exigui, ideo ciuibus iunioribus committi consuevit: qui tamen, tum nobilitate generis, tum innocentia vitæ clari sint, ne scilicet æs publicum vlllo pacto in rem priuatam auertatur. Quocirca vrbano quæstoribus ius senatorium est, idem propemodum, quod legitimi Senatores habet. pecunia verò, quæ in reipublicæ angustiis ex censu à ciuibus confertur, quamuis tandem ad quæstores vrbano omnis confluat, proprios tamen quosdā magistratus habet. Interdum enim de conferenda ex censu pecunia ea ratione fit Senatusconsultum, vt nulla mentio habeatur, neque de restituendo eo gre, nec de aliquo emolumento ciuibus erogando, qui ex sua re priuata eam pecuniam contulerint. Quod tamen raro admodum fieri consuevit: nam plerunq; , immò potius semper, nisi res

contra-

contrarium postulet, Senatus reipublicæ ita consultū esse vult, vt priuatorem res non negligantur. Promulgato igitur Senatusconsulto, de pecunia ex censu conferenda factō, temporeque, quod commodum visum fuerit constituto, vnusquisque ciuium intra id tempus eam summam persoluit, quam ex censu debet. exigunt autem Gubernatores redditum, deferuntq. ad quæstores vrbano. at multo sæpius eiusmodi Senatusconsultum fit de pecunia ex censu conferenda, vt post certum temporis spatium ciuibz, qui eam persoluerint, restitui incipiat, aliquo etiam emolumento adiuncto: certa. in eam rem delegantur vectigalia. Interdum verò Senatusconsultum de collatitia ex censu pecunia ante nostram tempestatem, ita fieri solebat, vt de reddenda nulla fieret mentio, neque vllum certū tempus constitueretur, nisi id commodum reipublicæ fuisset. sed magistratus, qui præfectus mutuis dicebatur, quod nomen adhuc quoque retinet, acceptam ab vno quoq; ciuiū eam vim pecuniæ in codices referebat: interimq. donec restitueretur, singulo quoq; anno quini nummi aurei pro centenis collatis, veluti vectigalis loco, ciuibz creditoribus numerabantur: quem in vsum multa vectigalia erant assignata. Qua ratione priscis bellis facilis erat pecuniæ exactio, quæ ex censu soluebatur. neque verò iniquū existimari debet, ciuibz, qui rem familiarem temporibus rei publicæ necessariis cōsumpserant, aut magna ex parte imminuerant, vicissim aliquid impēdi ex redditibus publicis. Nam, quemadmodum partes totius incolumitati consule re debent, ita natura comparatum est, vt totum curam habeat, ne partes magnum incommodum patiantur, sed pro viribus prouideat, vt incolumes perdurent, alimenta. illis pa-

DE VENETORVM

lis parata sint, quibus reficiantur, & conferuentur. Verùm nostra ætate hoc æs alienum reipublicæ adeò ingens erat, vt in illud emolumentum, quod diximus ciuibus erogari, trecenta ferè nummorum aureorum millia singulis quibusque annis impenderentur. Quorum solutio proximis annis propter angustissima reipublicæ tempora quū intermissa fuisset, tandem quarto ab hinc anno, referentibus Dominico Triuisano Senatore amplissimo, atque Andrea Gritto, cuius Ducis auspiciis nunc Respublica Veneta regitur, sapientissimo atque integerrimo Senatore, factum est Senatusconsultum, vt nulla amplius emolumentum erogandi mentio fieret, neque in codicibus publicis post id tempus id æris acceptum à ciuibus referretur. verū, ne omnino à republica fraudati esse viderentur, capitis restitutioni, necnō etiam emolumentum, quod ad eam diem eis debeatur, cum multa vectigalia assignata sunt, tum reipublicæ possessiones omnes in agro Rodigienſi positæ, sunt distributæ. Cuius muneris maxima parte nos functi sumus, qui illo tempore magistratum gerebamus, qui ante nostra tempora institutus præcipue fuerat ad huiusmodi æs alienū reipublicæ minuendum, aut si fieri posset extinguendum: de quo pauca infra dicemus. sicq. magna pars ingentis, atq; incredibilis ferè publici æris alieni imminuta fuit, necnon priuatorum ciuium facultatibus satis commode consultum, ita tamen, vt prior ac potior semper fuerit reipublicæ ratio, quàm priuati commodi. quod institutum à maioribus nostris ad hæc vsq; tempora per manus deductum est. Vt ergo redeamus, vnde diuertit oratio; Præfecti mutuis eam pecuniam exigunt, quæ à priuatis ex censu in reipublicæ vsus necessarios confertur:

acce-

acceptamq. in suos codices referunt, ac demum vrbaniſ
quæſtoribus numerant. Idemq; præfecti curam habent
exigendi à quæſtoribus vrbaniſ eam ſummam pecuniæ,
quæ quotannis erogari ſolebat in vicē redditus ciuib; pri-
uatis: eamq; & acceptam, & expenſam in ſuos codices re-
ferebant. Pecunia verò, quæ ea lege ex Senatuſconſulto
erogatur, à priuatis, vt certo tempore reſtitui debeat, à
proprio quodam magiſtratu & exigi, & reſtitui ſolebat.
nunc vniuerſum hoc munus Gubernatoribus redditus de-
mandatum eſt. Alius etiā præter hos eſt pecuniarius ma-
giſtratus minime prætereundus, qui in eam curam incum-
bit, vt ciues ærarios factos, eoſq; qui conſtitutam non
perſoluerunt pecuniam, quam ex cenſu debent, inueſti-
get: eorumq; bona publicet, & tandem ſub haſta vendat.
Nonnulli ſunt præterea magiſtratus pecuniarii, à quibus
ærarii ciues inueſtigantur: rationeſq; in publicis codici-
bus priuatorum, ac rei publicæ diligenter inſpiciuntur, ne
qua fraus publicis redditibus atque ærario fieri poſſit: quos
conſulto prætereo, ne tædio lectorem afficiā. neque enim
momenti quippiam habent ad eam, quam potiſſimū hoc
opere mihi exponendam rei publicæ gubernationem inſti-
tui. Præter hos magiſtratus nonnulli etiam ſunt, qui ad
ciuitatis commodum, & ad bene, beateq; viuendū pluri-
mum valent, ideoq; à nobis minime ſunt omittendi. Pri-
mi nobis ſe offerunt monetæ aureæ, argenteæq; præſides,
qua cum externis hominibus ciuium commercia, & ipſo-
rum inter ſe maximè continentur: deinde annonæ triti-
cæ præfecti, itemq. ſalubritati Venetæ ciuitatis præfecti,
ſine quibus vita conſtare non poteſt, præterea ampliſſimi
Naualis præſides, Aediles quoque, qui viarum & pontiū,
N & hu-

DE VENETORVM

& huiusmodi rerum refarciendarum curam habent, qui perquam necessarii sunt: postremo amplissimus magistratus, quem Procuratorum Veneti appellât, ciuitati nostræ longè opportunissimus. De præfectis monetae nihil est, quod plura dicamus. eius magistratus illa cura est, ne argentum aut aurum imperfectius, aut impurius cudatur, quàm lex statuit: ne uerò nûmi sint minores pondere, quàm lex iubet. quod sanctissime apud nos obseruatum fuit. quamobrem maximo in pretio apud omnes nationes barbaras, nedum apud Christianos, Veneti nummi semper fuerunt, hodieque sunt. Cæteri nanque Principes plerique omnes impurius aliquanto argentum & aurum cuderunt, ut facilius impensis satisfacere possent. At nostri constantissime semper hac in re dignitatem à maioribus acceptam retinuerunt. Magistratus uerò, qui annonae triticeae præfectus est, ciuitati Venetæ perquam necessarius est. etenim, cum nulla propè frumenti uis ex agro Veneto colligatur, quod omni ex parte urbs æstuariis amplissimis continetur, ciuitasque hominum multitudine abundat, opus est rei frumentariæ magnam haberi curam: nequando populus, cuius commodo maiores nostri maximè consultum esse uoluerunt, rei frumentariæ inopia laboret, nimiaque annonae charitate prematur. Idcirco rei frumentariæ tres sunt præfecti, qui xvi mensibus magistratum gerunt. horum est officium providere, ne ciuitas unquam frumenti inopia laboret. quæ si quando timeatur, Principem, Sapientumque Collegium adeunt, req. inter eos discussa decernunt, quæ ad frumenti copiam comparandam usui esse uidentur. Quandoque etiam solet certa merces ex ærario his constitui, qui ex longinquiore prouinciis

fru-

frumentum Venetias aduexerint. Interdum ære publico
 triticum mercantur à negotiatoribus, qui polliceantur
 certam uim frumenti statuto tempore, atq; ex certis etiã
 prouinciis se Venetias delaturos: quod nisi præstent, pecu-
 niaria multa plectuntur: quod autem Respublica magno
 pretio emerit, uili uendit, ut commodò populi atque ino-
 piæ consulatur: qua in re magnam interdum iacturam
 ærarium facit. Dere frumentaria præterea plurimæ sunt
 leges pulcherrimæque instituta: quæ si in præsentia recen-
 serem, longius quàm par sit, ab instituto digrederer. se-
 quitur magistratus is, cui urbis salubritas est curæ. huius
 præcipuum munus est, providere ne aliquo pacto ex con-
 tagione tabes in ciuitatem seipat. quòd, si clàm quando-
 que obrepserit, ut nonnunquam solet accidere, sedulo
 operam dat, ne longius uageretur. Quare ædes publicæ
 amplissimæ in æstuariis edificatæ sunt, interuallo trium
 millium passuum ab urbe: quibus finitimi sunt horti le-
 uissimi. eas in ædes, si quis ex plebe eo morbo egrotare cœ-
 perit, confestim cum tota familia deferunt. hi uerò, qui
 cum egrotante consuetudinem aliquam habuerant, opus
 est, ne alios inficiant, ut proprios lares deferant, conce-
 dantq. ad alias ædes publicas, itidem extra urbem in eum
 usum conditas, regione à prioribus longe diuersa; ibique
 xxxx dies detinentur: in quibus si sani perstiterint, ciuita-
 ti ac domesticis laribus restituntur. suppellectilis quoque
 magna cura habetur, ne eius contagione quispiam infi-
 ciatur. hic quoque magistratus prouidet, ne quid putri-
 dum, aut quod incolumitati ciuitatis officere possit, uen-
 datur: demum id sedulo curat, ut quàm saluber rime Ve-
 netiis degatur. atque hoc præfectorum genus non multo

DE VENETORVM

ante nostram tempestatem institutum fuit: cum quidem antea creberrime urbs pestilentialaboraret, adeò, ut plerique omnes ui tabis sequente proprios quandoque lares defererent, & in continentem proximam secederent. sed, postquam nouo huic magistratui hæc cura demandata est, numine diuino fauente, nullapenè pestilentia fuit. interdum quidem, quod in magna hominum undique confluentium frequentia uitari non potest, nonnullæ domus infectæ fuerunt, cura uero huius magistratus, Deique auxilio, latius uagari malum non potuit. Nunc de amplissimi Naualis præfectis dicendum est: quod certè non solum Venetæ urbi magno est ornamento, sed etiam uniuerse Italiæ non mediocrem dignitatem affert. immensum opus est & admiratione dignissimum, in ea urbis regione, quæ præter alias mari vicina est, & præterea maxime cõmoda, edificatum, ac in tres sinus, seu, si malueris, recessus excavatum: intra quos mare recipitur vnico tantum ostio tam lato, ut etiam satis sit ad maximas triremes capiundas. Munirum est ostium duabus turribus ex vtraque parte, suntque hæc ponte sublicio iunctæ, portisq. cancellatis; quæ nunquam referantur, nisi quum opus sit triremes educere, seu in Nauale inducere. nullibi etiam aditus ad interiora Naualis patet, præterquam hoc vno ostio ingredientibus. primus occurrit omnium quidem minimus, sed amplius tamen sinus, tectis circum ac contignationibus in modum fornicis vndique extructus: huc subducuntur è mari triremes, ibiq. ab omni ventorum ac pluuiarum iniuria tutæ, si ita acciderit, ut illis vtendum non sit, multos annos incolumes & illæse permanent. Nouas item sub eisdem tectis edificant, veteres subducunt & resarciunt: magnum sanè opus,



opus, & maximi ornamenti, & ad naues fabricandas vtilif-
 simum. Post hunc sinum alius est interior amplissimus,
 omni ex parte circum eiusmodi tectis, vt dixi, instructus:
 nec vllum ex eis inspiciat remibus vacuum, sed aut binis
 plenum, si tecta fuerint latiora; aut singulis, si angustiora.
 Tertius verò non minor secundo, paulò ante nostram eta-
 tem superioribus additus fuit, isq; mœnibus pulcherri-
 mis circumseptus, in eo autem plura sunt tecta ædificata,
 quamuis non sint omni adhuc ex parte perfecta: verum
 summa cum diligentia opera datur, vt illi ædificationi ma-
 nus imponatur extrema. Tres hi recessus inuicem sunt
 peruii, atque vnico muro ambiuntur nonnullis turribus
 distincto, in quibus vigiles excubias noctu agunt; ne quid
 detrimenti tam insigne opus vi ignis inieci, seu dolo faci-
 norosi cuiuspiam, seu casu quopiam, vt interdum euenire
 solet, accipiat. Intra mœnia tabernæ sunt armamento-
 rum amplissimæ, vniuersæque nauticæ supellectilis fabri-
 suas ibi omnis generis rerum, quod ad rem Naualem per-
 tineat, officinas habent. Ibi funditur æs ad tormenta confi-
 cienda: magnaq; in vsum tormentorum vis pulueris con-
 ficitur. vt totum in pauca conferam, nihil ad rem nauticā
 pertinet, quod non in eo Nauali reperiat. ibi videreli-
 cet ingentem fabrorum multitudinem, quorum quisque
 suo munere fungitur. Sunt præterea nonnulla atria bene
 ampla, in quibus ingens armorum copia, tormentorū sci-
 licet ac telorum, ad vsus bellicos seruatur; ingens etiā ve-
 lorum, remorum, armentorumq. omnium, in suis quæ-
 que cellis condita est: vt cum Senatus armandam classē
 decreuerit, omnia, quæ requiruntur ad eam rem, prom-
 pta, atque parata habeantur. His rebus, officiisq. om-
 nibus

DE VENETORVM

nibus præfectus est magistratus, de quo dicere instituerã, cuius consilio ac diligentia omnia, quæ ad Nauale pertinent, administrantur. is fabros deligit, cum lignarios, tũ ærarios, cæterosq. opifices, qui ad opus faciundum admitti debent, ac ne quispiam desit officio suo, diligentissime curat. Huic magistratui pecunia ex ærario ad sustinēdos sumptus Naualis numeratur, Collegio tamen prius consulto, rationibusq. apud illos patres relatis. Apud maiores nostros, penes quos res maritimæ magno in pretio erāt, hic honos magnus habebatur: temporibus tamen nostris magistratus huius dignitas est imminuta, ac penè cecidit. itaque, si quando aliqua re extiterit, quam diligentius administrare oporteat, alios ciues ac Senatores, summę dignitatis homines, Senatus Nauali præficit, qui ius in priores habeant, eisq. veluti ministris vtantur. Postremo loco sunt à nobis recensendi D. Marci Procuratores, amplissimus omnium præter Ducem magistratus: quippe, qui præfixitum tempus non habeat, sed vnà cum vita terminetur. Huic honori coniuncta est perpetua Senatorii ordinis dignitas, ac ius suffragii ferendi æquum cum legitimis Senatoribus, illud etiam præ aliis omnibus magistratibus obtinuerunt. nam, cum cæteris à senioribus ciuibz non cedatur, nisi certis locis, certisque subselliis, Procuratoribus vbique idem honor præstatur. quocunque enim loco sedeat, illis semper ceditur, digniori q. scde semper honestantur: non secus, ac si quouis in loco sui magistratus munere fungerentur. horum officium est tutelam pupillorũ habere, quibus propter ætatem tutela indigentibus, nullus defuncto parente ex testamento tutor est institutus. veluti ergo publici quidam tutores à Republica sunt instituti.

tuti. hi D. Marci Procuratores dicuntur, quod munus cū
 egregiam fidem, ac sanctitatem vitæ præcipuam requirat,
 hi ciues huic officio delegantur, qui iam publicis fere om-
 nibus muneribus defuncti, spectatęque sunt probitatis; in
 quo versantes tanquam milites emeriti perpetuam obti-
 nent Reipublicę administrationem. Priscis temporibus
 tam magna fuit non tantum Venetiis, verum etiam apud
 exterarum nationes, huius magistratus existimatio, vt pleriq;
 exteri homines, nedum indigenę, testamento suo hosce
 Procuratores hæredum suorum tutores, ac totius rei do-
 mesticę curatores instituerint. eorum fidei magna pecu-
 nię vis pauperibus eroganda commissa est. adeo, vt no-
 stris quoq; temporibus ingentes opes ab hoc magistratu
 administrentur, ac pro eorum arbitrio in vsum pauperum
 distribuuntur. hic magistratus initio institutus fuit, ne hæ-
 reditates ciuium, qñi pro tuenda, seu etiam pro amplificā-
 da Republica apud exterarum nationes decederent, aut stu-
 dio rei familiaris negotiis, ac mercimoniis occupati pere-
 grę morerentur, nullo condito testamento, per fraudem
 quampiam ab hæredibus pupillis auerterentur. Qua de
 causa effectum est, vt ciuib; illis publice ea cura demande-
 tur, de quorum probitate omnibus compertum sit. Prin-
 cipio tres fuere. deinde aucta ciuitate tres alii additi, hac
 tamen ratione distributi, vt veteres pupillorum, qui citra
 riuum magnum, qui urbem mediam interfuit, habitant,
 curam habeant: tres item curent eos, qui vltra riuum ma-
 gnum proprios habent lares: dimidiam urbem alteri, itē
 dimidiam posteriores curēt. Tres verò præter hos patro-
 ni sunt amplissimi, atque augustissimi tēpli, quod D. Mar-
 co Euangelistę dicatum est, sub cuius numine Veneta Re-
 spública

DE VENETORVM

spub. bonis legibus aucta est, in ditionemq. imperii cre-
uit. ab his postremis tanquam à nobilioribus nomen in
omnes deductum est, vt D. Marci Procuratores appellen-
tur. De huius templi structura, de marmorum, columna-
rumq. copia, de porphyritide ac prasio lapide, de opere
tessellato atque aurato, quo tum laquearia, omnesq. forni-
ces confecti, tum vniuersum pauimētum stratum est, quia
nemo ferè mortalium est, quin vel visu cognouerit, vel fa-
ma perceperit, nihil mihi statui esse dicendum. huic instau-
rando templo, si qua in parte labascit, eiusque sacerdoti-
bus, tres hi Procuratores præsunt, operamq. dant, vt pro
ciuitatis dignitate, & pro amplitudine patroni D. Marci
Euangelistæ Deus optimus in eo templo pie, atque magni-
fice colatur. hi sunt, qui præter ceteros magistratus meo
iudicio perquam necessarii videri debent ad bene, beateq.
viuendum. Nam, & monetæ cudendæ cura nequaquam
negligenda est, quæ omnium commercia ciuium continē-
tur, annonæq. triticæ copia sedulo procuranda. nec mi-
nor bonæ valetudinis ciuium cura habenda, minimeque
omittenda viarum ac pontium, idq. genus ædificiorum in-
stauratio. hæc communia cuiq; ciuitati. ista verò ad Ve-
netias magis attinent, rei scilicet maritimæ procuratio ac
pupillorum tutela, cum multi ciuium tum propter publi-
ca negotia, tum propter mercaturæ industriam peregrè
profecti diem obeant. iccirco magistratus, qui his mune-
ribus incumbant publicè, instituti sunt, vt nulla in parte
maiores nostri communi bono defuisse videantur, si quis
diligenter omnem huius Reipublicæ institutionem ani-
maduertat.

Liber



Liber Quintus.



OSTQVAM omnis fere ratio guber-
nationis Reipublicæ à nobis exposita
est, omnesque recensiti magistratus
urbani, non importunam, alienam-
ve ab opere rem facturus videbor, si
de magistratibus exteris verba fece-
ro: iis scilicet, quibus ciuitates, quæ
in nostram venerunt societatem, regi soleant: postea de
militaribus imperiis, ac demum de muneribus aliorum ci-
uium, qui patritii non sunt ordinis. His etenim exposi-
tis, extrema manus commodè operi instituto imposita vi-
deri poterit. Insignioribus ciuitatibus, quæ in Veneti
imperii societatem venerunt, quatuor magistratus præfi-
ciuntur. prætor vnus omnibus ius dicit, & forenses lites
diiudicat, atque in fontes animaduertit. habet is prætor
in iudiciis proferendis assessores homines iurisperitos,
quorum consilio vtitur. licet apud prætorem sit omnis
auctoritas. præter hunc est præfectus, qui militibus præ-
est, qui urbem uel agros urbis coluerint. in hos prætori
nullum est ius, sed præfectus tantum ius in eos habet.
Arcis præterea, moenium portarumque cura præfecto
est demandata, uectigalium etiam ac redituum omnium
tum urbis, tum agri totius. præter hos quæstor vnus, ac

O duo.

DE VENETORVM

duo . hic magistratus pecuniam publicam administrat, impendit, & exigit, habetque codices rationum publicarum . nihil tamen ferè agit, nisi ex mandato præfecti . ac interdum utriusque , scilicet prætoris & præfecti . Ea enim ratio administrandæ utilior uisa est, quàm si penes eundem esset, & auctoritas & administratio ærarii . facilius nanque liceret per fraudem ærarium peculiari . id uero pecuniæ, quod reliquum fuerit ab impensis, Venetias ad quæstores urbanos deferretur, ad quos , ut suprà diximus, undique pecuniæ publicæ conferuntur . Quartus, qui in unaquaque urbium magistratum obtineat, est custos arcium . alibi unus, alibi plures sunt : hi que militibus præsident, qui arcem tuentur, curamque habent armorum, commeatus, & tormentorum, quæ ad munitionem contra hostes in arce posita sunt . neque tamen custos ita præest arci, quin præfecti imperio subiectus sit : cui quidem omne ius, omnisque potestas in huius generis rebus curandis tributum est . In minoribus uerò ciuitatibus, seu urbibus nullus est præfectus, sed prætor utriusque partes agit . in oppidis quoque, quæ in agris maiorum urbium frequentia sunt, solus prætor est, qui ius oppidanis dicat, nullus præterea magistratus . nam quæstores ac præfecti Principum urbium in uniuerso quoque agro ius obtinent . A prætoribus omnibus ad auditores nouos prouocatio est . Aduocatores etiam quandoque sententiis capitalibus prætorum intercedere solebant : sed, quoniam usu plerunque euenire solitum erat, ut iudicia protraherentur, neque fontes criminum, ac scelerum poenas darent : lata fuit lex à decemuirum collegio, minime id iuris Aduocatoribus

am-

amplius in sententiis esse, quæ à prætoribus assidentibus iurisperitis, quos secum comites ducunt, ut suprà dixi, pronunciatae essent. Et hætenus quidem satis de magistratibus, quibus Respublica tum domi tum foris administratur. Verum, quoniam non tantum pacis, sed etiam belli gerendi ratio habenda est, quam vniuersam qui neglexere, ut inquit Plato in Politico, libertatem diutius tueri nequiuerunt: ideo qui recte Reipub. institutionem posteris tradiderunt, illud in primis admonuerunt, ut ciues instituantur ad vtrunque munus, ut scilicet bello gerendo idonei sint, & domi in pace legibus subiecti, institutisque patriis in præclara aliqua functione viuant, ita vtramque rem amplectentes, ut virtutes artesque bellicæ referant ad studia pacis, tanquam ad potiora. vnaquæque etenim res eam habet à natura insitam vim, ut primum bonum sibi quisque conueniens appetat: deinde ut contrario obstat, nitaturque quantum possit à se iniuriam propulsare: quæ res in animante natura omnium perfectissima, dilucidius dignoscuntur. Nam vnicuique animali tributa est vis appetendi, qua prosequatur id, quod naturæ suæ consentaneum fuerit. præter hanc vnicuique adiecta fuit vis irascendi, quam Plato in corde atque in præcordiis collocauit, ut scilicet animal quodcunque, eius virtutis stimulis actum, contrarium naturæq. repugnans repelleret. Vtriusque igitur partis virtutes, quarum semina in animis hominum natura indidit, ciuilem virum fouere oportet, & ad frugem perducere, sicq. & belli & pacis gerendæ rationem habere. Quæ ratio à maioribus nostris non fuit neglecta, ut quibusdam videri solet: sed, quoniam initio in mari æ-

DE VENETORVM

dificata ciuitas, quæ multis annis imperium contempsit continentis, terrestris belli studiis detineri non potuit, vniuersam se ad maritimum bellum conuertit: in quo egregie operam nauauit, & pro tuenda libertate & in hostibus vlciscendis: multa. præclara Venetorum gesta priscis monumentis memoriæ prodita sunt, plurimique triumphi ex deuictis hostibus, & eorum classibus superatis reportati: ex quibus facile quiuis intellexerit Venetos in re maritima longe præstitisse. Victa tandem post longum tempus superioris consilii sententia precibus finitimorum populorum, quorum quisque sui reguli tyrannidem, quam diutius passus fuit, amplius tolerare poterat, adhibuit animum Senatus ad continentis imperium vniuersamque Venetiæ regionem pulsis tyrannis, ac passim ciuibz deditiōem facientibus, veluti postliminio recuperauit: quæ libenti animo redibat ad veteres incolas, eiectis tyrannis exteris, quæ ex reliquiis barbarorum in tota regione confederant, durissimaque seruitute victos eos populos premebant. Prolato igitur imperio in continentem, præterquam quod bonis legibus, & pacis studiis ii populi erant recreandi, qui nuper venerant in nostram societatem, danda etiam opera fuit, vt tueri libertatem possent, in quam se asseruerant. Cæterum Venetæ urbis situs, vtpote, quæ condita est in mediis æstuariis, minime patiebatur nostros ciues impensius operam dare bello terrestri, illiusve studio diutius detineri, sine magno periculo seditionis ciuilibz. nam ciues illos, qui terrestris belli studiis se dedissent, maiorem anni partem agere in continenti, ibique & equos alere, & terrestribz certaminibus se exercere opus fuisset: quin vt peritiores
rei

rei militaris fierent, opus fuerat, si quando domi otium
 ab armis fuisset, externa bella audiuisent, in iisque ani-
 mum pariter & corpora durassent, vt in ea functione cum
 laude versari possent, & patriæ prodesse: secus autem si
 fecissent, inepti profecto non tantum Imperatores, verum
 etiam milites fuissent. Hæc vero frequens consuetudo
 continentis, urbanæque intermissio factionem quandam
 ciuium facile peperisset ab aliis ciuibus disunctam. qua-
 propter proculdubio res Veneta breui ad factiones, ac bel-
 la ciuilia deducta fuisset. Omitto interim quàm magnos
 spiritus animi ciuium concepissent, cum plurimum armis
 potuissent, habuissentque frequentes affectatores: vt ho-
 minum natura semper ad malitiam pronior est. quæ res,
 vt ex priscorum monumentis facile intelligi potest, sem-
 per Romanam Rempublicam vexauit, contumacesque
 non paucos Romanos ciues Reipublicæ legibus & Sena-
 tus decretis reddidit, ac demum Iulium Cæsarem tyran-
 num Romani imperii fecit. Ne ergo huiusmodi quispiam
 morbus in Venetam ciuitatem obreperet, satius maiores
 nostri esse statuerunt, vt continentis imperium externo
 potius, ac conducto milite quàm Veneto defenderetur.
 stipendium verò illis statuit ex vectigalibus totius prouin-
 ciæ. æquum enim erat eius regionis impensis militem vi-
 uere, qui ad eam tuendam accersitus fuerat. in hanc mili-
 tiam plurimi focii ditionis nostræ adscripti sunt: quorum
 nonnulli ad summam imperii in nostro exercitu deuenie-
 re, atque ob res egregie gestas Veneta ciuitate, patricioq.
 iure donati sunt. Viget adhuc nostra ætate nomen Bar-
 tholomæi Coleonii Bergomensis, viri illustrissimi & sum-
 mi Imperatoris, qui multa præclara bella confecit, ac Ve-
 netam

DE VENETORVM

netam ditionem auxit: quapropter equestri statu in celebri vrbis loco à Republica honestatus fuit. Ciues igitur Veneti ea de causa, quam retuli, terrestri militiæ gloria priuati sunt, eaque ad exteros delata est. siquidem lege cautum erat, nullum patricium Venetum pluribus quàm xxv militibus præesse posse. hæc tamen lex nostra tempestate ob bella frequentia, quibus vexati fuimus, vi consuetudinis tanquam abrogata est. Cùm autem terrestre bellum ingruit, nonnulli patricii ordinis ciues in exercitum mittuntur, qui, dum bellum vrget, temporarium magistratum gerunt. quæstores hi sunt, item legati, qui Imperatori exercitus externi homini semper adstant. neque ei quidquam aut facere, aut decernere licet, nisi ex legatorum consilio. Bello finito vtrique magistratus domum reuertuntur, ac in ordinem rediguntur, nec quidquam amplius iuris habent. hæcque est belli, terrestriue militiæ ratio apud Venetos. Bello verò maritimo, ac naturali nostra ciuitas natura magis idonea est, cuius studiis semper Veneti studuere. nam vrbis in mari condita parum timere poterat terrestres copias, quæ ei negotium facesserent: ac non modo iniquum, sed etiam valde incommodum erat, comparare exercitum ex ciuibus, quem in continentem traicerent, ac finitimos populos bello lacefferent. Verum à mari quoniam iniuria timenda erat, quodque illatam propulsare non erat difficile, ideo vninversa ciuitas ad studia rei maritimæ conuersa est, eoque iuuentutem legibus instituit, ac totius vitæ consuetudine firmavit. hic enim mos instituendi patricos homines semper fuit, vt à teneris annis vsque ad pubertatem sub pædagogi disciplina degerent, ac Latinis literis imbuerentur pro cuius-

cuiusque captu: ab ea ætate, præter paucos quosdam, qui literarum studiis se manciparant genio naturaque ducti, omnes ferè rei maritimæ, ac familiari operam darent, ac alii quidem nauigabant ad longinquas oras, vbi mercaturæ industria rem domesticam augebant, simulque efficiebantur periti morum ac consuetudinis, legumque multorum hominum. plurimi conscendebant triremes armatas, atque à teneris annis & corpus laboribus firmabant, & animum excolebant rei maritimæ disciplina, ac naualis belli peritia: quibus artibus semper Veneti excelluere. Quin lege cautum fuit, quæ usque ad nostra tempora peruenit, vt in vnaquaque triremi armata stipendium ex ære publico non exiguum duobus adolescentibus daretur ordinis patricii: quorum officium nullum aliud esset, præterquam imbuere disciplina rei maritimæ: vtque id facilius assequerentur, quædam illis assignantur exigua munera, quibus curandis se exercentes proficiunt, & ad maiora capeffenda idonei fiunt: grauibz vero triremibus, siue ad classem, & rem bellicam instructæ fuerint, siue priuatim ciuibz locatæ ad mercaturam, octoni cuique iuuenes patricii quandoque attribuuntur: nec mediocre eis stipendium constituitur, vel ex pecunia publica, vel ex ære priuato, si ad mercaturas locentur, qui nauticis ac bellicis studiis in eis assuescant. Quin etiam priuatorum nauibus hoc onus legibus impositum est ad publicam vtilitatem, vt ex ære domini priuati hominis, vni seu duobus, si nauis maior fuerit, patriciis adolescentibus stipendium soluatur, quorum aliud nullum officium sit, præterquam exerceri muniis nauticis. Concessa quoque ab his adolescentibus facultas est, vt in triremibus onerariis, ac in nauibus

DE VENETORVM

uibus priuatorum, quibus adscripti sunt, ferre quæant
certam mercium summam nullo nauulo soluto: quam si
non habeant, ius hoc suum aliis concedunt, ac locant.
Qua lege consultum fuit non solum exercitationi iuuen-
tutis, verum etiam utilitati tenuiorum ciuium, qui angu-
stia rei familiaris premerentur. Quare facile intelligi po-
test, rationem instituendæ iuuentutis minime à maiori-
bus nostris neglectam fuisse, vt nonnullis videtur: in mò
in ea nauium triremium copia ducenti, & amplius nobiles
adolescentes, legis istius beneficio, alienis impensis ad rē
nauticam instruebantur: præterquam quod ciuili consue-
tudine, ac more patrio quilibet patricius iuuenis, aut lite-
ris, aut studiis rei maritimæ operam dabat: in qua exerci-
tatione tum sibi plurimum, tum rei domesticæ non nihil
consulebat, ac proderat. Hæ priscæ leges, & huiusmodi
instituta etiam nostra tempestate perdurant, licet pleriq;
adolescentes ambitione, aut luxu post ampliatum impe-
rium corrupti patrias institutiones neglexerint: ac ciuiū
copia adeo creuit, vt nostræ ætate ingruentibus bellis, ac
rerum domesticarum dispendiis longe plures effecti sint
pauperes, quàm, vt satis consuli illis queat istius legis be-
neficio. Ita namque natura comparatum est, vt nihil in-
ter homines perpetuum esse possit: verum cuncta, quam-
uis initio perfecte constituta esse videantur, post aliquot
annos natura in deterius labente instauratione indigent:
adeò, vt quemadmodum corpus prandio saturatum diu-
tius incolumitatem seruare non potest, nisi post aliquot
horas cœna successerit: sic in vnaquaq; re opitulari opor-
teat naturæ ad interitum labenti, atq; instaurationem ad-
hibere. Huiusmodi rationem nos quoque Deo bene iu-
uis

uante imitabimur, ac aliquod remedium excogitabimus. quo fit, vt hac etiam in parte nihil sit in nostra Republica desiderandum. sed de his haecenus. Nunc à nobis recensendi sunt magistratus, qui præficiuntur rei maritimæ. Vnaquæque triremis ad bellū instructa præfectum habet virum patritium, qui in ea triremi omnium potestatem obtinet, præterquam vltimi supplicii inferendi. veluti in terrestri militia Centurio, seu aciei præfectus eorum curam habent, qui fuerint in sua acie. Hic triremis præfectus nautas, cunctaque, quæ in sua triremi sunt, & quæ ad eius apparatus faciunt, diligenter curat. Quotannis quamuis nulla necessitas, Veneti aliquot triremes armant, quæ reddant mare tutum nauigantibus, securamque nauigationem compressis piratis præstent uiris bonis, qui res suas agunt sine alicuius iniuria. Præter triremium præfides est totius classis legatus, qui imperium habet in uniuersam classem, & in cunctos triremium præfectos. hic ueluti legatus exercitus, nisi adsit Imperator, ius habet & capite mulctandi, quos uelit, & dirigendi classem, quò maluerit. hic quoque magistratus semper ferè etiam pacis tempore creatur, præficiturque his triremibus, quæ armatæ sunt. Quòd si tempora Reipublicæ ita postulent, ut magna classis paranda sit, tunc uniuersæ classi præficiunt Imperatorem, qui tum in classe, tum in cunctis prouinciis maritimis amplissimam potestatem habet; ac eam propè, quam olim in Romana Republica Dictator, retinebat; nisi quod omnibus in rebus paret auctoritati Senatus, & Reipublicæ decretis. summum tamen illi ius tributum est, cum in classem, præfectos, legatosve classis, tum in prætores ac

P magi-

DE VENETORVM

magistratus omnes, qui cum imperio sunt in locis insulis-
 que maritimis, ac munus publicum exercent: adeò ut, cū
 classis Imperator ad aliquam ciuitatem accesserit, conti-
 nuò ei sacerdotum clerus obuiam prodeat, clauēs porta-
 rum & arcium ei dentur, iura prætorum fileant, ab omni-
 bus magistratibus ad Imperatorem liceat prouocare.
 Quin, si ita ei libuerit, potest solus ius dicere, solus admi-
 nistrare pecuniam publicam, ac deniq; solus omnium po-
 testatem habet. nullus est apud Venetos magistratus ma-
 ioris auctoritatis, iccirco raro admodum classi Imperator
 præficitur. Non enim temere, nisi rerum necessitas ita exi-
 gat, alicui cōceditur tam magna potestas, ut omnia unius
 ciuis arbitrio pendeant. Hoc in loco ea lex non est à nobis
 prætermittenda, Imperatorem, Legatum, præfectum ve
 classis ullum non posse cum triremibus armatis ingredi
 Venetam urbem, neque etiam tunc cum in patriam redit:
 sed cum primum Istriam peruenerit, quæ provincia cen-
 tum ferè milibus passuum ab urbe distat, stipendium nau-
 tis ex legis decretis solui debet, ibique omnes dimitti: de-
 inde triremes à paucis Venetias deduci solebant, ac in na-
 uale subuehi sub tecta in eum usum ædificata, ubi tutæ ser-
 uantur à uentorum & pluuiarum iniuria: nunc lex hæc
 non ita omni ex parte seruatur, quemadmodum patrum
 nostrorum temporibus seruabatur. Recensiti à nobis
 sunt omnes ferè magistratus, quibus, veluti coronam &
 apicem maiores nostri imposuere eos, quos vernaculo vo-
 cabulo à Græca appellatione deducto, syndicos dicere cō-
 sueuimus. nos eos appellamus recognitores, nouo fortas-
 se nomine, sed satis idoneo ad id munus explicandum.
 Hi post quatuor, quinqueve annos creari solent, ac mitti
 tum

tum in continentis oram nostræ ditionis, tum in regiones
 maritimas ac insulas: recognoscuntque gesta omnium præ
 torum atque aliorum, qui foris publicam potestatem ha-
 buerint. In quos animaduertunt ea propemodum aucto-
 ritate, quæ Aduocatoribus tributa est. Nam, vt sapienter
 Aristoteles inquit, hi, qui in potestate sunt, nisi ex aliis pē
 deant, ægrè in officio persistunt propter ingenitam cuiq;
 malitiam. Peregimus iam omnes patritiorum hominum
 magistratus, quibus Respublica Veneta domi forisq; ad-
 ministratur: reliquū est, vt ea ratio à nobis referatur, qua
 prudētissimi homines maiores nostri semper in officio ple-
 bem, ac vniuersum populum continuerunt, rem certè su-
 præ omnium fidem, tot annos populū gubernationis pu-
 blicæ expertem nunquam patritiorum imperium detre-
 ctasse aut ægrè tulisse, nec quippiam vnquam molitum ef-
 se, vt mutata Reipublicæ forma ipse quoque ad ius publi-
 cum admitteretur, immò semper amantissimum atq; ob-
 sequentiissimum nobilitatis se præstitisse. Verum, si quis
 præter situs opportunitatem valde commodi ad Rempu-
 blicam tuendam, moderationem nostram in regendo ani-
 maduertit, comperiet populum non omnino repudiātū
 fuisse: sed ad ea munera fuisse admissum, quæ ei commit-
 ti poterant absque rei communis detrimento. Ideoq. faci-
 le perspicere poterit id in hac Republica temperamētum
 extitisse, quod cæteris hominibus tum priscis, tum iunio-
 ribus semper defuit. Quamobrem euenisse etiam compe-
 riet, vt in cunctis aliis tumultus populares frequenter fue-
 rint excitati, qui tandem omnes Respublicas euerterint.
 contra in nostra ciuitate ob eam causam nullum vnquam
 tumultum popularem, aut seditionem extitisse. etenim

P 2 necesse

DE VENETORVM

necesse fuit, vt in exordio operis dixi, si recte Respublica
 instituenda erat, populum à gubernatione Reipub. exclu-
 di. quā in parte maiores nostri non tantum auctoritatem
 summorum philosophorum ac rationem secuti sunt, ve-
 rum etiam imitati sunt Sesostrim antiquissimū Aegyptio-
 rum legislatorem. qui, vt in Politicis Aristoteles perhibet
 genere distinctos voluit esse eos, qui armis regionem tue-
 rentur, qui de bono publico cōsultarent, ac iudicia exer-
 cerent, ab agricolis mechanicasq. artes exercentibus, mer-
 cenariam operam locantibus. Verum institutum hoc fa-
 cile euertere rempublicam poterat, nisi temperatio ea ad-
 hibita fuisset, quam maiores nostri sapientissimi homines
 adhibuere. Primum ergo apud Venetos constantissime
 hoc obseruatum fuit, vt omnibus æquum ius esset, neq; vl-
 li impunè liceret quenquam, ne de plebe quidem vel infi-
 ma, iniuria afficere: patricium verò hominem contume-
 liam facere plebeio pro sacrilegio, ac scelere maximo sem-
 per habitū fuit. Quòd si quis temerarius huiusmodi quip-
 piam perpetrare ausus, vnquam fuit, is sensit se impunè nō
 abiisse: tantoq. grauiores pœnas dedit, quanto maioris
 existimationis, dignitatisve fuit. Præterea diligenter à Se-
 natu consulitur, tum annonæ triticeæ, tum omnium rerū
 copiae, quæ faciunt ad victum ciuium, & ad incolumitatē
 totius populi: adeò, vt magna interdum dispendia faciat
 publicum ærarium, ne ciuitas penuria laboret. quod cui-
 libet exploratum esse potest ex his, quæ suprā à nobis di-
 cta sunt, cum de præfectis annonæ triticeæ, ac de curatoribus
 publicæ salubritatis ageremus. Ac populi quidem hæc
 duo potissimum requirunt à rectoribus ciuitatum, vt sci-
 licet commode viuant in rerum copia, neque obnoxii sint
 iniu-

iniuriæ potentissimorum ciuium: quę cū affecuti fuerint, res suas agunt cæterorum securi. Nihil verò à maioribus nostris omissum fuit, quod ad ea duo pertineret. quin potius multa præterea addita sunt, quibus mirifice consulitur populi commode, atq; eorum hominum inopiæ, qui in studiis honestis Reipublicæ vtilibus versantur aut olim versati sunt, nec amplius per ætatem aut imbecillitatem valetudinis id muneris obire queunt. Nam Venetiis innumeræ domus ædificatæ sunt satis idoneæ, aptæq; rei domesticæ, quæ hominibus iisce gratis conceduntur, in quibus cum familia degant quoad vixerint sine rei familiaris dispendio. His adde, quòd in Nauali amplissimo, quod vicem oppidi obtinet, constitutum stipendium est non mediocri hominū multitudini: qui tamen nil agunt, seu propter senium, seu ob incommodum acceptum; cū tamen tunc cum in florenti ætate essent, suum munus in ædificandis triremibus, aut in huiusmodi quopiam munere Reipub. vtili obierint. Præterea veteri instituto in contractibus emptionis, venditionisq. mercium pretiosarum alteruter, emptor scilicet aut venditor. certum quippiam soluunt pro summa mercium: quod pauperibus nautis impartitur, qui amplius ei officio satisfacere minime possint propter ætatem, quam tamen in ea functione cōsumperint. Cæterum præter hæc optima instituta ad continendam plebem in officio Reipublicæ nonnullas alias leges recensebimus, quæ sapientissime mihi à maioribus nostris inuentæ videri solent, vt pro eorum hominum conditione satisfactum pulcherrime sit ambitioni & honoris cupiditati, quæ in cunctorum animis natura insita est, nec tamen propterea gubernatio nobilitatis vlla in parte perturbetur.

DE VENETORVM

turbetur. Vniuersus populus in duo genera est distribu-
tus. nam quidam honestioris sunt generis, alii vero ex in-
fima plebe, vt artifices, & id genus hominum, quod ab A-
ristotele in Politicis seruorum publicorū esse perhibetur.
vtrisque meo iudicio consultum est, nec incommode, nec
iniquè. Nam plebeiis hominibus, qui suapte natura pa-
rum honori student, sed potius rei familiaris studio inser-
uiunt, sua quædam iura concessa sunt, sui que honores. in
tot enim classes distributi sunt, quot sunt artificia, in qui-
bus degunt, ac vnicuique classi propriæ quædam datæ sunt
leges, sub quibus sua quisque exercet officia. His præfi-
ciuntur totius classis suffragiis ex eorum numero nonnul-
li, qui nō incommode artificii illius præfecti appellari pos-
sunt. horum iussu multa præscribuntur, nonnullæq; le-
uiiores lites horum arbitrio dirimuntur. Quo fit, vt ple-
rique omnes artifices cum eius honoris compotes fuerint
facti, in eo munere sibi placeant, putentq. se non parū di-
gnitatis esse assequutos, cum eò peruenerint, vt à sui ordi-
nis hominibus ea præfectura digni habiti fuerint. Sunt præ-
terea in vnaquaque classe quidam præfectis inferiores, qui
tamen nonnullius existimationis sunt. hoc igitur modo
magna in parte satis fit honoris cupiditati, quæ indita esse
videtur animis etiam plebeiorum hominum, atq; infimæ
plebis. Alterum populi genus honestius in Veneta ciui-
tate honoratiorem quoque locum habet, cui priuata quæ-
dam, ac propria munera sunt constituta decora atque ho-
nesta, quibus patritii ordinis viri priuati sunt, nec ad ea vl-
la ratione accessum habent. quorum multa sunt, vt nec pa-
triciū hominem, tum propter emolumentum, tum ho-
noris titulum eorum penitere possit. Scribarum ordo ho-
nestis-

nestissimus est, qui magistratibus quibusque assidēt. id mu-
 nus plebeiis tātum hominibus datur, patricio nulli: quod
 quamuis illustre non sit, est tamen honestum. eorum nam
 que fidei & solertiæ codices, scriptaq. publica, quibus res
 omnis priuata & publica continetur, commissa sunt. qua
 prouincia atque munere, qui dignus habetur, is iure opti-
 mo & probi viri & industrii nomen habet, commendatio
 nemque apud homines non mediocrem. id autem eorum
 plerisque stipendium constitutum est, vt rei domesticę nō
 tantum tuendæ, sed etiam amplificandæ satis sit. Illi autē,
 qui sunt à secretis Senatus, omnes ex populo sunt, patri-
 cius nullus. Hic ordo superiore honestior est, iccirco illi
 ex populo, qui nobiliori genere orti sunt, eo munere fun-
 gi solent. redditus habent ex ære publico non mediocres,
 neque vllum Senatusconsultum hos latet. semper nanq;
 intersunt & Collegii & Senatus consultationibus; ex qua
 re in magno pretio ab omnibus habentur. Ex his nonnul-
 li seliguntur, qui decemuiris ministrant, eorumq. acta in
 codices referūt, ac conscii omnium sunt, quæ à Collegio
 aguntur. quo in honore versantur quoad vixerint, nō per
 vices, quemadmodum patricii viri in suis magistratibus,
 quorum nullus præter Procuratorium perpetuus est. Ho-
 rum qui à secretis Senatus sunt, vnus primas partes tenet
 ac Cancellarius Venetiarum nominatur, qui in maximo
 est honore. Nam à quouis patricio ei loco ceditur, præ-
 terquam à Procuratoribus. nullum is Reipublicæ ignorat
 arcanum: magni quoque sunt ei redditus ex ære Reipubli-
 cæ constituti: ac cum diem obierit, funebri oratione ho-
 nestatur: quæ dignitas nulli in Veneta ciuitate deferri cō-
 suevit, præterquam Duci, aut cuipiam ciui qui sit extra
 aleam,

DE VENETORVM

laeam, vt dici solet, præterea nemini, quasi Cancellarius Ducem ex populo referat. hic vnus creatur comitiis magni consilii. ceteri omnes qui à secretis sunt, à decemuiris eliguntur, atque subduntur eorū censuræ, si quid in functione publica, quam habent, deliquerint. Omnes etiam populares cētus, vt artificum classes & cuiusque artificii præfecti, nonnulliq. alii, de quibus infrà dicemus, ex arbitrio decemuirum pendent, atque eorum ditioni subiecti sunt: illiusque Collegii auctoritate & initio constituti fuere, & nunc continentur. quod sapientissime institutū fuit, vt is magistratus prouideat, ne huiusmodi cētus, qui ad bonum publicum sunt instituti, quandoque simulatio ne officii aliquid in Rempublicam moliantur: qui ad eius morbi cautionem initio creatus fuit, ne qua scilicet malorum ciuium conspiratio facesseret negotium Reipub. Sūt præterea Veneriis quinque societates initæ sub diuorum quorundam nomine & religione, in quibus innumeri homines sunt, & plebei & patricii ordinis. Harum suas quoque vestes habent suaq. insignia, quibus tamen non semper ac passim vtantur, sed cum simul coacti prodeunt, aut ad honestandum cuiuspiam funus, aut ad sacrum quodpiam munus. Festis diebus statutis cuncti ferè in suam societatem coguntur. ibi sacris primum intersunt. deinde inuisunt templa deorum immortalium, deumq. optimū supplicationibus, pompaq. solenni venerantur. harum quoque societatum propriam ædem habent, in qua amplum atrium ædificatum est, quò statutis diebus conueniunt, vt exhibeant officium religioni, quod debent. Etenim celebrant quandoque sacra mysteria, interdum simul coacti templum cuiuspiam diui inuisunt, sæpius exequias
ac fu-

ac funus fratris exornant, cum eorum quispiam diem extremum clauferit: cuius etiam delicta expiant sacrificio, ac precibus identidem repetitis. Præter amplissima illa atria singulæ destinatum conclaue habent, in quod coguntur societatum præfecti. qui magistratus est annuus, atq; inter plebeios non mediocri dignitatis. hi simul congregati de agendis consultant, dantq; operam, ne qua in parte desint bono societatis. eorum quoque fidei magna vis pecuniæ pauperibus erogandæ commissa est. nam priscis temporibus tam ingentis fuerunt existimationis hæ societates, ut plurimi, qui rem suam testamento legauerant in usum pauperum distribuendam, hos potissimum tutores fecerint, quorum arbitrio ea pecunia erogaretur. quo effectum est, ut harum societatum aliquæ copia facultatum, quæ in hos usus quotannis erogandæ sunt, Procuratoribus D. Marci minime concedant: qui magistratus patricius amplissimus est. Ad hunc honorem, præfecturam scilicet istam societatum, patriciis viris nullus est accessus, quamuis sint è numero fratrum, sed plebei tantum homines illius dignitatis compotes esse queunt, ut hac etiam in parte populus nobilitatem æmuleretur. hi enim societatum præfecti quodammodo in populo referunt Procuratoriæ dignitatem. Verum, ne qua ratione huiusmodi societates, atque hi præfecti Reipublicæ officerent, omnes sub potestate decemvirum continentur, ut ne quid immutare queant, aut in vnum cogi præter tempora statuta, nisi ex eorum arbitrio atque auctoritate. Huiusmodi honores in nostra Republica viris plebeiis utriusque ordinis constituti sunt, ut omnino expertes non essent iuris publici ac civilium munerum, sed suæ honorum cupiditati ambitio-

Q uæ

DE VENETORVM

nive hac ratione satisfacerent, neq; statum nobilium aut odio haberent, aut perturbarent. Quo gubernationis temperamento Respublica nostra id consecuta est, quod priscarum nulla alioquin illustrium. nam à primis initiis vsque ad hæc tempora mille, ac ducentis annis tuta permansit, non tantum ab exterorum hominum dominatu, verumetiam à ciuili seditione, quæ fuerit alicuius momenti. quod adepta est non vi vlla, aut armatis satellitibus, seu munita arce, sed æqua, ac temperata ratione regēdi: adeò vt populus libenti animo pareat nobilitati: neque vllam mutationem rerum optet, quin potius egregie sit affectus erga nobiles. Quæ res nostra tempestate potuit esse compertissima. Nam, cum omnes Christiani Principes conspirassent in perniciem atque exitium nominis Veneti, fususque noster exercitus fuisset à Ludouico Gallorum rege iuxta Cassanum oppidum agri Cremonensis ingenti clade, imminerentq. inde Germani, hinc Iulius Romanus Pontifex, atque vniuersa penè continentis ora ab imperio Veneto descuiisset: ea rerum angustia perturbatus Venetus populus, adeò nihil in nobilitatem est molitus, vt lachrymantes omnes se, suaque obtulerint ad Reipub. defensionem, req. ipsa præstiterint. Nam Patauio vrbe propter incolarum animum erga nos egregie propèsum nullo negotio recuperata, cum Maximilianus Imperator vndique contractis auxiliis ingenti exercitu eam urbem obsedisset, quàm plurimi non tantum patricii, verumetiam plebeii ordinis sponte cum militibus stipendio eorum priuato conductis ad tuendam illam ciuitatem profecti sunt, egregiamque in ea expeditione operam nauarunt: adeò vt Imperator coactus fuerit reducere exercitum expugnatione

tione vi bis non tentata. nec maiore negotio aliæ quoque
 ciuitates recuperatæ sunt, maximo populorum omnium
 fauore ex alieno imperio ad Venetum, veluti ad portum
 tutissimum, confugientium. clarissimum certè argumen-
 tum iustę dominationis, cum volentibus imperatur. quod
 non absque ratione contigisse, si quis bene attenderit, fa-
 cilè comperiet. Cuique enim ciuitati, quæ in societatem
 Veneti imperii venit, municipales leges relictæ sunt, mul-
 tisque honoribus ciues in sua quisque ciuitate potiuntur:
 oppida autem non pauca in agris vrbium sita à ciuibus ip-
 sarum vrbium ibi magistratum gerentibus gubernantur.
 His adde, quòd prætoribus ciuitatum, qui illustres sunt,
 assident cum ius populo dicunt homines iurisperiti: qui-
 buscum consultant, antequam quippiam decernant. qui
 honos est non exiguus, nec modicum inde emolumen-
 tum ad eos venit. huius generis magistratibus fungi patri-
 cii Veneti non possunt, sed vel ex Veneto populo, vel, vt
 plerunque, ex sociis ciuitatibus deliguntur. Ex quibus
 facilè quiuis intelliget, eam adhibitam fuisse in hac Repu-
 blica moderationem, quæ maximè videatur rerum natu-
 ram imitari. Nam in animantis corpore videndi officium,
 respiciendi que munus solis oculis est attributum. reliqua
 verò munera ignobilia cæteris membris relictæ sunt,
 quæ vñ videndi careant, sed pareant, nec aliquo pacto
 obaudiant iis, quæ ab oculis ita esse nunciata fuerint, ne-
 ve aliò ferantur, quàm quò oculi ea direxerint: sicq; opti-
 me vniuersum corpus consistit & conseruatur. Non dis-
 simili ratione in Republica Veneta summa rerum guber-
 natio patritio ordini est demandata, veluti quibusdam
 oculis ciuitatis; ignobilia officia cæteris ex populo: sic-
 que

DE VENETORVM

que tanquam bene compactum corpus Veneti fœlicissime viuunt, cum oculi Reipublicæ non sibi tantum, sed vniuersis membris perspiciant: cæteræ verò ciuitatis partes, non tantum sui habeant rationem, verùm etiam hisce oculis, veluti potioribus membris Reipub. libentissime obtemperent. Quòd si in quapiam Republica eò insaniam venerint ciues, quod in plerisque contingit, vt populus videndi munere fungi velit, atq; oculorum officium vsurpet, continuo vniuersam Rempublicam euerti necesse est. Quòd si etiam patricii ciues sibi tantum prospexerint, alia verò ciuitatis membra contempserint, irritato populo ad perniciem nobilitatis proculdubio male cum Republica, atque adeò pessime agetur. nostri maiores naturam imitati vtrique incommodo prouidere, illamque præstite remoderationem, vt nullus, nisi inuidus, locum habeat obrectandi tam rectæ, tamque legitimæ institutioni. Quam Deum optimum precamur diu seruet incolumem. si enim quippiam boni à Deo immortali hominibus prouenire est credibile, hoc præcipue diuinitus Venetæ vrbi obligisse persuasissimum esse debet.

F I N I S.



005371218

Time
vni-
rtes,
cocu
e ob-
fania
pulus
vifur-
neceffe
xerint,
popu-
Repu-
aturam
præfite
habeat
tioni.
mem.
as pro-
æ vbi

